



Ames.


Index of Abstracts.

S. Bell.

Poetrya 130.







des. Dr. Matejki.

jest to drugie wydanie
tegoż samego r. 1655 octo:
szone, - ryćnia tytułowa
ma odmiany.

1870. XII. 28.

†
IHS



Bon. inv. G. Allen. sc.

R.P. ALBERTI INES Soc. Je. LYRICORUM.
 Centuria 1.
 Politicis, Ethicis, Poeticis, axiomatibus et Problematis
 instructa
 DANTLSCI
 Sumptibus GEORGII FÖRSTERI S.R.M. Bibliop.
 cum Privilegio A. N. D. C. L. V.

Lemigiani Sartacowski. 1707. 9 16 Ju
nu

32 . 12 .
Res Sacra Poëta est, neque canere prius
potest, quam DEO plenus.
Plato: Dial. 2. de Repub.

BIBLIOTHECA
Tunc se homines ostendunt DEI
sobolem, cum dignum Poëtæ
nomine carmen emittunt.

Socrates apud Plat. in Ione.

Patris Marciani à Jesu.

5287

Fulgentij ab Assump. B. M.

DEI MATRI VIRGINI
MAGNÆ,
SEMPER AUGUSTÆ,
SVO VIVÆ
VOCIS ORACULO
POLONIARUM
REGINÆ.

Se, & quidquid suum est, Auctor

Fulgentij ab episcopo BERN.



AM cui alteri TUA
nisi TIBI? Impalluit
quidem ad tanti Patroci-
nii ambitionem pagina,
& veluti Majestatis rea,
ipso se aitramento condemnavit. Igno-
scas TU tamen, si nihil humilitate
mea deterritus, in TUUM, tantæ
Majestatis nomen irrumpo. Scis quæ
servorum sunt, ad Dominum pertinere
omnia. Cum Mancipium me TUUM

* 2

pro-

profitear; furtum me facere putarem;
si quidquam meum non ad TE de-
stinarem. Quod si Auroram Musis
amicam non immeritò orbis in TE
adorat universus: an ego Tyrocinium
calami mei non apud TE depone-
rem? hanc vocis seu infantiam, seu
balbutiem, non in TUO nomine con-
sumerem? Jam verò in Polonico Par-
nasso natam Poësim, TU etiam prior
TUAM esse voluisti, cum REGI-
NAM POLONIE TUA TE
ipsius voce initiasti. Age Polonia.
communem cum cælis Reginam ha-
bes. Ejus auspiciis erectior, facile con-
tempseris hostilem Lunam, quam illa
jam ad pedes dejecit. Ne in plenum
orbem reductis cornibus coëat; non
tu tantum manu ac ferro; sed illa
etiam sui objectu prohibebit.

Ad Augustos igitur pedes TUOS,
O POLONIE REGINA carmi-
na

na mea unà mecum supplex depono.
Satis intelligo quam vile pavimentum illis subjiciam ; cùm digni sint quibus se astra calcanda substernant : sed & illud memini , non insolitum esse TIBI , super Aspidem & Basiliscum ambulare ; si non dignatione , ut in servos Dominæ , certè per justam in subactos contumeliam , ut monstrorum Domitrici. At ego mihi hanc à TE contumeliam magis omnibus honoribus ambiendam puto. Quo nomine id factura sis , TU pro TUA potestate decernes : ego id tantum peto , ne me ab istis TUIS pedibus rejicias.

Majestatis TUÆ

Æternùm is, quem esse voles

ALBERTUS INES

SOC. JESU.

PRO O E M I U M

A D

LECTOREM.

HUMANISSIME LECTOR.

Nimium audax fuero, si omnia hęc tibi placitura sperem; si nihil, nimium timidus. In feracissimo hoc optimorum ingeniorum sæculo, ut paucos vidimus, quibus non aliquod Censorium NISI limata aliorum appingerent iudicia: ita plerisque ab ipsa invidia literariam Laurum vel ideò porrectam plausimus; quod aliquã saltem sui parte eruditorum ingeniis sese approbassent. Mihimet-ipsi ut pauca ex meis arrident; ita ille, quem subito quodam calore aliquando effuderam, versiculus, ipsius commendatione veritatis non omninò displicet:

Nullus parè nihil, nemo scit omnia.

Primitiæ hæc sunt adolescentis ingenii. Porrò quis à floribus fructum, omnemque maturitatem, plus æquo

I M
æquo rigidus Cenfor, exigat? si alia
deessent, suffragante Fabio, ætatis
veniam pro laude habent. Ut incul- *lib. 12.*
tos aliàs, plebeiosque flores eousque *Instic.*
nulli non grata novitas commendare
folet; ut illis primo vere apparenti-
bus, inter ipsas Divorum Aras, pri-
mum locum concedamus: ita &
primum florem suum evolventibus
ingeniis rigidissimi etiam Catones,
& superciliosi aliàs Aristarchi ap-
plauserunt.

Inter asperas severiorum discipli-
narum spinas, multâ sui parte lucu-
bratiuncula hæc nata; mirum erat
nisi aliquem inde horrorem traheret.
nam & alieno sub cælo plantata ar-
bor rarò soli natalis ingenium exuit.
Ut tamen acerbam immaturorum
fructuum cruditatem diuturniore
situ emollimus: ita & opusculum
hoc, cùm in obsoleto aliquot jam
annorum pulvere delituisse, suum
credo acorem aliquomodo tempera-
vit. Profectò ad unguem hîc planè,
imò supra hunc, illius seu præceptum
seu consilium expletum, qui cecinit

nonumque prematur in annum. Horat.

Et latuisse opella hæc forsitan *de Art.*
diutius, nisi amicorum suffragia, & *Poët.*

eruditorum iudicia, quâ humanitate
rudi libello patrocinantur; eâdem
morosæ procrastinantis Auctoris i-
gnaviæ succenserent. Fuere ex his
nonnulli, qui, dum ulteriori limæ
pertinaciter incumbo, inter eos me
computarent, *Quibus* (teste Quincti-
liano Instit. lib. 10) *nihil satis est. qui
omnia mutare, omnia aliter dicere quam
occurrunt, velint: increduli quidam, &
de ingenio pessimè meriti; qui diligentiam
putant, facere sibi scribendi difficultatem.*
Quid ergo? amænum floridæ exer-
citationis tyrocinium, in extremam
senectutem rejicerem? Nam quotidie
(ut ait ille) *metus crescit, majusque fit
semper quod ausuri sumus: & dùm delibe-
ramus, quando incipiendum sit, incipere
jam serum est.* Porro, si Fabio credimus,
*Fructum studiorum viridem, & adhuc
dulcem promi decet; dum & venia & spes
est; & paratus favor; & audere non dede-
cet: & si quid desit operi, supplet ætas: &
si quæ dicta sunt juveniliter, pro indole ac-
cipiuntur.* Quid dicam? His multisque
aliis auditis, nimium temerariè per-
tinax audire potueram, nisi pa-
ruissem. Pareo igitur, & tandem è
tenebris meis paulatim in lucem
prorepere ausus, unico hoc libel-
lo

lo famam publicam periclitor.

Titulum tot jam calamis & ingeniis nobilitatum opellæ meæ præfixi; maluique in CENTURIAS Lyricorum, quàm in 4 Lyricorum libros, & quintum Epodon Odas meas compingere: tum ut ita longius ab invidiosa præfidentis æmulationis suspicione abessem; tum ne viam mihi præcluderem ad ea, quæ adhuc supremam manum expectant Lyrica, tuæ humanitati, si hæc non improbaveris, postmodum afferenda. Imò toto Regno, dum hæc typis aptantur; bellicis delectibus circumsonante; ne ipsa quidem Poësis, nisi militari nomine Centuriata, tutò prodiret in lucem.

Ad stylum quod attinet; fateor, Horatium, Sarbievium, Poëtasque alios Classicos, imitari volui, non expilare.

*Ne, cum forte suas repetitum venerit
olim* Horat.
Satyr.

*Grex avium pennas, moveat corni-
cula risum*

Furtivis nudata coloribus.

Didici ego Poëtas Apollini sacra
facere, non Mercurio. Non placent
ea capita, quæ Cisalpinorum latrun-
culo-

colorum more, laudem ingenii ex
folerti furto quærunt. Si Dîs placet,
ego quoque *librum*, imò libellum, *fa-*
cere volui, non Bibliothecam. Nam si Elo-

Serm. de Fac. quantissimus Zeno, *Stabularios* eos
Auctores nominat, *in quorum libris*
aliena diversantur ingenia, quis tituli
hujus ignominiam, tantis licitetur
impensis? vis & alium? O quot, in-
quit, sutores librorum, non auctores videas,
S. Ma. qui consuunt sapientiam alienam, non texunt
xim. suam. Quid plura?

Cel. ex mente
S. Ma. xim.
Mart. lib. 1. ep. 46.

Stat contra, dicitque tibi tua pagina,
fur es.

At ipse, inquit aliqui, ipse ille
Sarbievius noster, ex Horatio, Sene-
câ, Statio, Claudiano &c. non pauca
in suum traxit colorem? Fateor, sed
ut exornaret, aut superaret. Aliàs
pauciores hodie numerarem, qui
Sarbievium Horatio, primisque illis
Lyricorum numinibus, committere
auderemus. Non est animus imita-
tionem damnare; quam præcipuam
Eloquentiæ partem non nescio. Nos
quoque (Macrobius audis) *quidquid*
diversa lectione quæsvimus, commitemus
stylo. Velut grandis aquila prævolavit
(Ruperti de Augustino verbis insi-
sto) Sarbievius: nos eâdem quidem viâ,
sed

sed non omninò iisdem, (addo ego ex
meæ tenuitatis conscientia, omninò
non iisdem) *vestigis subsequi enitemur.*

At neque hæc de illis dicta sunt,
quibus, eò magis tenax, quò minus
fidelis memoria, ita illudit; ut quan-
doque aliena pro suis afferant. imò
neque de illis, quibus idem entheus,
& quædam venæ ac materiæ affini-
tas, eadem planè carmina suggerit in
quibus aliena desudavit industria.

*Scimus & hanc veniam petimusque Horat.
damusque vicissim.*

Ego ipse in paucis hisce versiculis
aliqua effudi, quæ postea in aliis Au-
ctoribus, multò postquam scripse-
ram lectis, de verbo ad verbum re-
peri. Tale illud:

Virgo bisseis redimita stellis. quod à me
antè annos plus decem scriptum, in
cultissimis Patris Balde Lyricis, &
alterius non vulgaris Lyristæ stro-
phis, non ita pridem inveni.

In Odis Panegyricis, & quibus-
dam aliis, quæ luxuriantis styli ni-
tore floridum commendant inge-
nium, sententiarum parcior fui. tum
quia Horatius & Sarbievius idem
fecerunt: tum quia nimis rigidum
severi Catonis supercilium sapere,
per

per ætatem non decuit. Cæterùm
scias velim literate lector, me quo-
que inter eos censerì velle, qui inter
præcipua Odarum decora, & quos-
dam veluti Lyricorum nervos, sen-
tentias aliaque Politica axiomata
numerant. Non sapit stylus ille,
quem, si arctius presseris, nihil ex
eo præter verba, & aliquos elegan-
tiorum phrasum cincinnos expri-
mes. Jam verò, si Stoicorum diser-
tissimo credimus, *Turpe est viro flores*
Senec. ep. 33. captare; & memoriâ stare.

At nescio quis è Momorum turba
aurem vellicat. Quorsum tot libro-
rum auctoramenta? Aquam Ocea-
no, stellas cælo addimus. Quot Poë-
tarum, quot Lyricorum myriades?
in publicum nulla non die pro-
deunt? Ita planè. Si tamen Senecam
*Ep. 6. audis, multum adhuc restat operis, mul-
tumque restabit: nec ulli nato post mille
secula precludetur occasio aliquid adji-
ciendi.* Quod de cælo & Oceano at-
tuleras, pro nobis militat. Quam
multas nostrates Astronomi stellas
cælo addiderunt; dum ignotas anti-
quis nobis vulgaverunt? Quot flu-
mina quotidie in Oceanum influunt,
& tamen sacri vatis testimonio, *mare*
NON

non redundat. Nihil generosum sapit,
cui illud Plinii non sapit: *Sum ex his Ep. 1. 6.*
qui mirer antiquos; non tamen ut quidam,
temporum nostrorum ingenia despiciam.
Neque enim (hinc te attentioem volo)
quasi lassæ & effæta natura nihil jam
laudabile parit. Quod olim de veritate,
Cordubense Oraculum; idem ego
de Poësi edico. *Patet omnibus. nondum Senec.*
est occupata. multum ex illa etiam futuris ep. 6.
relictum est.

Sed quorsum hæc ego in primo
exilis operæ vestibulo, tanto verbo-
rum ambitu? Sanè, *qui in hunc librum Mart.*
inciderint, jure mihi indignabuntur, in
quod ad primam paginam non nisi lassæ per- Præf.
venient. Nimirum, tot Syrtibus sco- lib. 2.
pulisque, imò tot ingeniorum nau- Epig.
fragiis fatali Oceano, me, meaque
committens, ita undequaque, ne sic
quidem satis securus, cymbam præ-
munio, & non nisi violentâ manu ab
amico portu revellendus ultro in lit-
tore moras necto. Quia tamen mo-
lestus patientiæ tuæ, optime Le-
ctor, abusus, in immensum crescentis
Procemii filum præscindens,

è littore funem

Deripere, excussosque jubet laxare
rudentes;

Tendo

Tendo vela,
Qua cursum ventique, gubernatorque
vocabat.

Cic. 2.
Phil. Fruere hoc qualiquali conatu
meo. Crebrum Euge, aliasque Poëti-
cas acclamationes, à te non expecto.
Nam ipse quoque non sine debita
reverentia, Sancti vatis aliquantu-
lum mihi acclinato sensu, Poëtica
hæc opuscula mea, *Delicta juventutis
meæ, & ignorantias meas* appellare
consuevi. Ego quoque (quod de se
Romanae facundia Princeps testa-
tur) *operis subsecivis efficere conatus sum,*
ut meæ Vigiliæ, meæque literæ, & Iuven-
tuti Utilitatis & nomini POLONO
laudis aliquid afferrent. Ut rigidissi-
mus Censor sis, ut ego scriptor di-
ligentissimus, addo & ingeniosissi-
mus.

*Sunt delicta tamen, quibus ignovisse
velimus,*

*Nam neque chorda sonum reddit
quem vult manus, & mens,*

Horat.
de Ar-
te Poët. *Poscentique gravem, per sæpè remittit
acutum.*

*Non semper feriet quodcunque mina-
bitur arcus.*

*Verum ubi plura nitent in carmine,
non ego paucis*

Offen-

Offendar maculis, quas aut incuria
fudit,

Aut humana parum cavit natura.

Ita Lyricorum Latinorum Primas,
Horatius; aliàs ne ipse quidem de
Poësi suâ securus. Denique si Amicus
es, audi pro me meique similibus per-
orantem Plinium, *Non debet operibus* Lip. I
ejus obesse QVOD VIVIT. alioqui Epist.

Si post fata venit gloria? non propero. Marc
Si porro Centuriam hanc, quam li. 5. e.
veluti exploratricem in eruditorum 10.
castra præmitto, tuo non indignam
favore arbitraberis, ab eodem cala-
mo plura, addo & meliora, expecta.

*Fulgenti; ab assumpt. B
V.M.*



*ad. Marciano à Jesu
clonaty*

Fa.

Facultas
R. P. PROVINCIALIS
Societatis JESU
IN POLONIA.



GO *Stanislaus Jerzykowic*; Præpositus Provincialis Societatis JESU in Provincia Poloniæ, potestate ad id mihi facta, ab A. R. P. N. *Gosvino Nickel* Præposito nostro Generali, facultatem concedo, ut *Lyricorum Centuria Politicis Ethicis & Poëticis Axiomatibus ac Problematibus instructa* a P. *Alberto Ines*, Societatis nostræ composita, & ejusdem Societatis Patrum, quibus id commissus, judicio approbata, typis vulgetur. Si videbitur his ad quos pertinet, Concessionis fidem facio manu mea, & Officii Sigillo Brestæ. 8 Decembris: Anno Dⁿⁱ. M. DC. LIII.

Locus Sigilli.

Stanislaus Jerzykowic.

P. AL-



P. ALBERTI INES

E Societate JESU

LYRICORUM

Centuria Prima.

DEI MATRI VIRGINI

Cœlestis sponſi Canticum, ex Canticis
Canticorum depromptum.

ODE I.



AM quæ diſertis vatibus inferat,
Ineruditi carmina peſtiniſ

Te præter? o Beata noſtræ
Summa Spei! melior tuorum

Thalia vatum. non ego turgida
Ambibo doctæ vincula Laureæ;

Mæſæque ringentemque Phæbum, &

Pierii juga linquo montis:

Si tu Clienti, Dia parens, tuo,

Modèſtioris culmen Apolliniſ

Pandiſ. *Marianique vatîſ*

Immeritò titulos Poëtæ

(Quantum trecentiſ dives adoreiſ.

Hinc te beatâ SARBIVIUS lyrâ;

Hinc BALDE, & erudita vatum

Turba novîſ geminant trophæiſ,)

A

Per-

Permittis. Jo! tendite Gratia,
 Jurata magnæ stamina Virgini;
 Lyraeque, vocalesque nervos,
 Virgineis animate metris.
 An & canori pollice barbati,
 Nostras sereno Sponsus ab æthere
 Demulcet aures? & diserto,
 Virgineum canit, ore, nomen.
 Abfiste plectrum; tuque sonantia
 Loqui obstinato fila silentio
 Componere; plebesumque carmen
 Aoniis, lyra, stringe nodis.
 Ille, ille, sacro plenior entheo,
 Inculta, Divus, carmina condiat.
 Non erubescendumque nostris
 Auspicium, præeat Camænis.
 Audimur? en jam leniter aurea
 Facundiori stamina pectine
 Invadit; & junctam beatâ
 Voce lyram, Cytharæque cantum.
 O quam feraci mente parens DEUS,
 Sibi obsequentem gignere Filiam
 Decrevit; & labis carentem
 Primigenæ, cupidoque pulchram
 Donavit Orbi, quam super aureo
 Lætum tuentis solis anhelita
 Effudit; & nosci volentem
 Sidereo radiavit ostro.
 TIBI magistri dextera Numinis;
 Dignam supremis collibus indolem
 Finxisse, & accuratori
 Pollice, sollicitâque formam
 Limasse curâ fertur; & è sua,
 In se reductæ lucis, imagine,
 Frontemque, Regalesque nutus,
 Et similem cumulasse vultum.
 Ut evibrato vertice celsior
 Cælo propinquis nubibus obviat
 Carmelus; & diserta pigri
 Arva soli, indigenasque latè

Despectat agros ; sic tibi Regium ,
 Sublimiori se genio , caput
 Attollit , humanosque colles ,
 Et reliqui juga linquit orbis .
 Tui , rubentis stammina purpuræ ,
 Vicere , crines . Mygdonium comæ
 Vicere Muricem , & recoctum
 Sidonii precium meraci .
 O Sauciati SPICULA Numinis !
 O tela , crines ! tela quibus suum
 Vulnus fatetur , & severos
 Purpureo rigat imbre cyrrhos .
 Quod si decorum , TURRIS *eburnea*
 Dicere collum : quâ mage saucium
 A crine , captivumque Numen
 Turre queat melius teneri ;
 Quam si recepti vulneris immemor ,
 A Virginali pondus amabile
 Cervice , suspendatur olim ,
 Et famulis religetur ulnis ?
 At quæ pudicam , se gemino super
Piscina , frontem , porrigit alveo ?
 Piscina , quam latè refusæ
 Accumulant Hesebonis undæ .
 Agnosco castæ lumina Virginis ;
 Clausam modesti nube supercillii
 Agnosco pupillam ; & vibratos
 E liquido radios sereno .
 O innocenti splendidius vitro !
 O puriori flumine purius !
 O lumen , auditum beato
 Naufragio , tumulasse tractum
 Ad nos Tonantem ; cum prece supplici ,
 Ex arcuatæ vulnere palpebræ
 Respirat ; & toto receptum
 Vulnus amat , jaculumque corde .
 Ut illa *Mali* purpura *Punici*
 Per crebra lucet fragmina ; sic TIBI
 Genæ , verecundisque pictæ
 Floribus , erabuere malæ .

Seu obserati conscia liminis,
Stringis modesto labra silentio;

Seu basiatum, virginali

Ore, bibis, labiisque **VERBUM;**

TIBI decenti tænia coccino
Adstricta fertur verba, fidelibus

Servare nodis, & rubenti

Eloquium cohibere **VITTA:**

At dum recepti prodiga Numinis,
Adblandienti basia filio

O Virgo! dispensas; iisdem

Paenè ligas, tua vota, virtis.

Et osculanti dulcia parvulo,

Fundis beato mella volumine.

Favumque distillas; palato

Nectareos imitante succos.

TIBI disertâ virgineum sedet

Lac, virgo, lingua; quod puero libens

Affundit, **APTUM INCORPORATO;**

UBER alens, tua **LINGUA, VERBO.**

Non pondus auri, non tibi divite

Distincta censu, Virgo, monilia

Vovebo; quæ quondam trecentis

Luxus emit redimitque gazis:

Cùm te beatis nexibus implicat

A TE educati dextera Numinis;

Conchisque stipatumque gemmis,

Et rutilo lapidum sereno

Monile, purâ candidius nive

Collum reponit. non melior **TIBI**

Pendere de cervice gemmâ,

Non poterat pretiosiore

Accensus auro torquis, amabile

Gravare collum. Non geminam mero

Tumere demirabor **Uber;**

Non parulas generosiori

Mammæ Caleno. quæ proprio, **VIRUM**

Complexa quondam viscere, nutriet;

Huic jare, succrevêre forti

UBERA, nobiliora VINO.

Huic & Falernis fertilior botris
 Papilla, casto Virgineum mero
 Lac supplet: & dignæ gemellos
 Hinnuleos superare mammæ.
 O plena Sacris viscera frugibus!
 Fæcundioris viscera TRITICI.
 Stipata ACERVO; quem nitenti
 Lilia circumiêre vallo.
 O sempiterni Filia Principis!
 Quæ calceati pondere sub pedis
 Premis coronato protervam
 Calce Stygem, dominâque victum
 Plantâ draconem. sic pede libero
 Calcare quondam sidera dignior
 Dicere quæ victore passu,
 Per Stygios graderis Ceraftas.
 Hæc quâ loquacis carmine barbati,
 Quâ voce Sponsus dixerat: at simul
 Canentis excitata voce
 Astra, novos cecinere versus.
 Et lenè ductis ad numerum lyris,
 Per lætiorum pegmata nubium,
 Cælique gratantis plateas,
 Innumero saliêre gyro,

A D
 HIACYNTHUM MORUM
 STOICUS
 CHRISTIANUS.
 MORTEM NON ESSE
 TIMENDAM.

ODE II.

Non fletu neque lacrymis
 Placantur rigidæ jura Proserpinæ.
Quod vitare nequiveris,
 Stultum est si timeas. Tergite rorida,
Udis, lumina, fleibus.
 Non qui Nestoreis solibus æmulas
 Implevit Trieterides;
 Sed qui Nestoreâ dignus erat rude,
 Festis floret adoreis;
 Æternoque sibi plaudit in otio.
 Nullâ non morimur die;
 Et vitæ potior pars, tumulto datur:
At qui parcere nesciam
 Festino Lachesim prægreditur metu;
 Pæne est bis miser: ultima
 Præsenti geminans damna negotio,
 Fati prodigus & sui.
 Is qui sollicitæ præcipites fugæ,
 Virtutum numero, dies
 Pensabit, sapiet. sola nequit gravem
Virtus interitum pati.
 Et sese è tumulto surrigit aliùs.
Quidquid fata negaverint,
 Possunt, More, tibi facta reponere,

Magni

Magni fœnore Nominis.

Qui notus nimium sit licet omnibus,
Ignorus moritur sibi;

Et totus tumulo qui fuerat subest:

Illi mors gravis incubat.

Illi mæsta truci viscera vulture,

Ultor prorogat Æacus.

Quod si dum morimur, desinimus mori:

Is fatum timeat, cui

Mortis certa suæ Mors placuit minus:

Is olim timeat mori;

Cui vixisse diu displicet. is nigram

Parcarum paveat colum;

Qui post fata sacros ducere spiritus;

Et vixisse perennius,

Nec sperat, nec amat. Quin mihi protinus;

Si trux jasserit Atropos,

Rumpantur rigido stamina forcipe.

Sen hæc lineæ; seu rubro

Interfusa croco Numinâ neverint.

Quæris mortis avarior

Cur sim, More? diu ne timeam mori.

Nam mortis dubius timor

Ipsâ morte reos lancinat acrius.

A D

MARIANUM VIRGINIUM.

I N

QUENDAM NIMIUM

S U Æ

FAMILIÆ JACTATOREM.

O D E I I I .

Quid Palatino numerosa cinctu
Sceptra, & antiquos Curii nepotes?

A 4

Quid

UM

U S.

E

Magni

Quid tonas Regum trabeas, avitis
 Nixe triumphis.
 Qui crepat Patrem, veterumque grandes
 Nominum fastos, aliena jactat.
 Quid juvat si quis male murato
 Fulgeat auro?
 Nostra nos clarat, Mariane, virtus;
 Et suo quondam generosa plausu
 Acta: ventosi procul abstulerunt
 Cætera Cori.
 Nam quid illustri tumeat parente,
 Ille facundi Ciceronis hæres;
 Cui parem Patri, minus æqua, linguam
 Fata, negarunt?
 Quis coronatos tenui Popielos
 Præferat Pïasto; licet hi superbas
 Lusèrint cunas super: hunc modesta
 Tinxerit unda:
 Ille supremum Patruï Patrisque
 Scipio probrum; docuit scelestos
 E bonis nasci: tenebrasque clarum
 Gignere fulmen.
 E casâ quantus Cato Tusculana?
 Quantus à seruo Marius ligone?
 Nemo Lucinæ meritis onustos
 Debuit annos.
 Nemo virtutem Proavus Paterque
 Vixit in nostram. sibi quisque famam
 Debeat, nec se vetulis Avorum
 Augeat umbris.
 Qui suo Titan micuit sereno,
 Clarius fulget: minus at minorum
 Vulgus astrorum, sibi commodato
 Ardet in igne.
 Quin suas Phæbo reperente flammæ,
 Menstruum Lunæ periisse vultum
 Et cavum cornu, vacuumque primo
 Lumine frontem.
 Sæpe ridemus; quoties frequentes
 Inter Eclipses moritur, propinqui

9

Luminis pauper? quoties minori
Tollitur ortu?
Sic adoptivo radiatus igni,
Et Patris tantum satur; in frequentes
Languet Eclipses, dubioque famam
Funerat æstu.

A D

**EQUITES POLONOS
GENEROSA LIBERÆ
GENTIS GENETHLIA.**

ODE IV.

Polone, nam te, Carpatiis super,
Fertur marito Marte, recessibus
Regina LIBERTAS, reclinem
Non humili genuisse partu.
Armisque cunas suppeditantibus
Inter severi præsidium Patris
Jecisse. ferratasque subter,
Sic temerè posuisse peltas;
Pardoque parvum pectus & horridis
Texisse villis, & Mareoticas
Per scuta reptanti, per arcus,
Magnanimam puero Parentem
Aptasse lyncas. Mox ubi grandior
Succerevit ætas, & gravioribus
Pectusque roburque & feroces
Ausibus infrenuète vires;
Quà se reductis collibus explicat,
Audax, superbo vertice, Carpatas,
Duxisse, projectasque latè
E tamulis digito docente,
Monstrasse gentes; quà gelidum caput
Canis, Bootes, crinibus oblitum

A 5

Osten-

Ostentat, & noctis labores
 Parrhasii vehit ora plaustris.
 Has (inquit) olim Nate, memor Patris,
 Non semimembri degener areas
 Metire passu, si Paterni,
 Multa sedet tibi cura, Martis.
 Sequi te cruenti praelia Jazygæ,
 Seu bellicosi classica Theutonibus,
 Ensesque terrebunt; reuicta
 Inuidiæ super ibis arma;
 Languet, molesto si vacat æmulo,
 Heroa virtus. quidquid atrocior
 Procella, discordesque Parcæ
 Eruerint, generosiore
 Evinde nisu. dura probat viros
 Sors; fluxa, molles. ne violabili
 Succumbe fato, sed per ipsa,
 Intrepidus, age tela, passus.
 Fortuna fortes ipsa subit manus;
 Fugit remissas, cui gravis ad latus
 Dependet ensis obsequentem,
 Ipse sibi parat ense sortem.
 Frustra querelis fata laceessimus;
 Nullam decori nominis à tholo
 Lucina pellit: æviternæ
 Quisque potest Faber esse Famæ.
 Tum si rebellis ripa Boristhenis
 Formidoloso provocet alveo;
 Jam tunc & alternis frementes
 Consiliis animos remisce;
 Et æstuantis fræna licentiæ
 Adstringe prudens, nec Fabii moras;
 Nec fulmen incertum volantis
 Scipiadæ, nec avara Pæni
 Dux arma temnit. panem magis ferit
 Librata forti consilio manus.
 Qui bella præceps gessit; altos
 Ipse sibi eripuit triumphos,
 Deliberato fortius imperit
 Gradivus ictu, quod temerè jacit

Bellona telum, affibillantes
 Sic temerè perit inter auras,
 Quin & cadendum si fuerit; prius
 Quâ victus olim parte cadas tui
 Adverte. nam quandoque Laurus
 In mediis viruit ruinis.
 At nec tuo te dividat arduus
 Ab hoste murus. qui caput obvio
 Opponit hosti, grandis olim
 Pro Patria stetit ipse *Murus*.
 Imbelle quondam mania condidit
 Plestrum: virilis ad sonitum tubæ
 Eversa Jericho, superbas
 In tumulos propè vertit arces.
 Parum probroso carcere discrepant
 Obducta vallo mania: coctiles
 Evade Caucasos, decoræ,
 Quisquis amas, monumenta, famæ.
 Capaciori se fovet ambitu
 Commissa campo gloria; displicet
 Inclusa Libertas: apertis,
 Bella Lacon bene gessit, arvis:
 Hac arte quondam, Nate, capacia
 Per æmolorum vulnera, ad arduam
 Virtutis eluctatus arcem
 Magnanimâ potière Famâ.
 Vis nulla fortem territat. hîc tibi
 Importuosæ liitora Daniæ,
 Gotusque, Vandalusque, & atrox
 Massageres, domitusque Biston;
 Hîc subjugatæ ripa Silesiæ,
 Torusque magni tractus Orionis,
 Quâ sudat Euxinus, Tyrasque
 Vistuleo mediante fluctu;
 Hîc victa Laurum Russia porriget;
 Feroxque Bessus. non ego Moschuam;
 Nigramque Mæotim, nec ampla
 Hærciniæ fruticeta sylvæ
 Cædesque dicam: non ego Pannonem
 Nec edomandæ culta Valachiæ;

Quicumque Libertatis olim
 Hostis erit, simul & Polono
 Diceur hostis. Non Latios ego
 Fasces, nec alti mania Romuli,
 Urbemque præpono, Polono
 Orbe super, Lechicoque celo.
 O gens aviræ conscia Gloriæ!
 O Liberatorum Regia Civium!
 Hic fixa **LIBERTATIS AULA;**
HOSPITIUM EST alibi; domusque
 Quas evagantis plaustra vehunt Getæ,
 Quocumque plebem dura vocat fames,
 Quò pulchra Libertas Latinæ
 Gentis? Achæmeniique sceptri?
 Quo bellicosis obruta mænibus,
 Et liberorum fanere Civium
 Carthago? quo Spartana virtus
 Magnanimis male fisa telis.
 Adhuc parabat plura; sed illicet
 Se Regiarum exercitus Alitum
 Libravit, heroumque festis
 Auspicium tibi plaussit alis.
 Sic longioris impatiens moræ,
 Polone, Divam linqvis in ardua
 Effusus, Attestationem
 Veridicæ properasse Divæ
 Astore ferro. jam Tibi Thracii
 Saltus, supinis frondibus annuunt;
 Veramque mancipatus actis
 Historiam probat Ister undis,

MUJURE AD MURRUM
 NICOLAUM LYCUM

Nosce te ipsum.

ODE V.

UTcunque ingenuæ mentis avarior
 Instas ipse tibi, certa que proximo
 Urges damna lucro; corrippe languidas
 Torpentis genii moras.

Frustra Cecropiâ bile sonantia
 Pulsamus calidis pulpita dexteris;
 Frustra sollicitæ lucra scientiæ,
 Tanto fœnore quærimus.

Ille & doctiloquo Socrate doctior,
 Qui se novit, erit. Se magis & sua
 Rimatur Sapiens; cætera pronior
 Vulgo linquere mobili.

Sic tu non vacuæ sedulus indolis,
 Inter perpetui claustra silentii
 Hoc appone lucro, & hoc, Lyce, computa;
 Si te, si tua noveris.

Felix, si vitii parcus, & abstinens,
 Clausum compositæ vecte modestiæ
 Emendas animum; nec volucrem, sacro
 Mentem perdis, in otio.

Quidquid magnanimæ demimus indoli,
 Cælis inferimus: nemo suam minus
 Quam qui plus satagit perdere copiam
 Lucri depositor sui.

FERREUM SÆCULUM

Bellorum Civilium calamitatem
deplorat.

ODE VI.

AUreis quondam spoliata venis,
E recudendo fore, lustra ferro.
Prisca Saturni docuit verustum
Fabula vatem.

Heu dolor ! feri, tremimus nepotes
Ferreis mensēs tonuisse seclis.
Vidimus tandem solidata duro
Lustra metallo.

Ferreis regnat modo quisque sceptris ;
Ferreas cudit capiti tiaras,
Ferreos Cives regit ; & cruentis
Imperat armis.

Quin prius fasum premit alter hostem,
Quam premat cunas : prope cum parato
Nascimur ferro ; propè cum sinistris
Nascimur armis.

Hic heri natis inimica dextris
Castra metatur ; teneroque Martem
Increpat fletu, nec adhuc feroces
Aptus ad iras.

Jamque vicinum pudor est in hostem
Cominus strictum sinuasse telum ;
Missa jam passim volucris feruntur
Vulnera ferro.

Sic & infuso leviora plumbo
Fata, inassuetis geminamus alis ;
Atque tardatas properamus ipso
Pondere mortes.

Quà procellosis mare spumat undis
Castra densamus, tumidumque Martem
Nerei molles superambulare
Cogimus undas.

In reluctantes trahitur Charybdes
 Tota suspensi rabies furoris:
 Nec placet terræ stabilis fevero
 Area bello.

Inde suffuso, Thetis ipsa, Ponto,
 Prodigum vitæ frémît in furorem.
 Inde bacchatur, dirimitque mersas
 Nereus iras.

Jam Deum belli pudet esse Martem;
 Quod profanatis vitiamus armis,
 Pænè jam lassant mutilanda fessas
 Stamina Parcas.

Dum moras pigri furiosa lethi
 Impiis pubes refecat duellis
 Et Charonteo sine lintre nigros
 Trajicit amnes.

Ah! satis multo micuère ferro
 Arma civili glomerata Marti!
 Ah! satis multo pavidî natarunt
 Sanguine campi!

Siste, jam tandem, tua tela, siste,
 Tela cognatis inimica telis,
 Siste bellorum furor; insequentes
 Sistite Parcas.

Jam propinquorum erubuitis enses
 Civium cladem: trepidæ cruentâ
 Purpuræ Regum maduère, vivo
 Murice, lymphâ.

Quem modò fractis sitière telis
 Bella civili, saturata tabo;
 Totus, hoc, totus, potuit parari
 Sanguine mundus.

Jam Talassano caruisset auro
 Pontus Euxinis animosus undis,
 Nec recusasset renovata torvus
 Jura Pelasgus.

Jam supinatus timuisset Aedon,
 Actias rursus sinuare turmas.
 Jam recondisset fera subjugatus
 Arma Pelorus,

Jam Selymbranum licuiffet Hebrum
Inter affertos numerare fontes:
Et propinatos Gerici bibiffe

Strimonis amnes.

Pella jam nobis, dominusque Pindi
Thrax, catenato trepidaret armo:
Et pedum Bessus minor, & vetusti

Templa Cayri.

Jam Palæstino viduus tributo,
Inter obscuras latuiffet umbras;
Ac sub instratis Solymæ Tyrannus

Sterreret armis.

Subditum nobis domuiffet Orbem,
Qui modò vano furor ardet æstu;
Atque cognatis hebetat propinquos

Cædibus enfes.

Ah! fatis multâ tonuiffis irâ,
Bellicum Reges cicurate ferrum;
Et cruentatas nimio lavate è

Sanguine dextras.

Jam fatigatus subeat relictam
Mucro vaginam; pharetræque lassis
Exuant telis latus, & feroces

Arma lacertos.

Si legi vultis memoresque laudum
Annuas, tantis cumulare gestis:
Jam licet vestros nimio notare

Sanguine fastos.

Quæ modò torvis radiante sub armis,
Tetrico mitras gravidante cono,
Pulchrius pingi foret in quietis

Tempora ramis.

Ah! fatis multa dubiæ ruinâ
Regium terræ, didicere ferrum.
Scimus irasci; sed & hoc sciamus

Parcere Reges.

Vidimus sævis solidos in armis
Publico Reges riguisse ferro;
Vidimus clausos galeâ, minari

Fulmina vultus:

Quin & offuso videamus auro,
 Regios rursus micuisse crines.
 Præbeant nobis hilares apertâ
 Casside vultus.
 Aureum Reges potius serenum
 Quam cruentati iuvat ira ferri.
 Vulgus irasci decet; at faventes
 Parcere Reges.

A D

VIRGINEM MATREM.

Unicum vitæ suæ solatium.

O D E VII.

UNICA Virgo meo, (placidi subscribe soles)
 Materies gratissima plectro.
 Cui ego devotis æterno fœdere metris,
 Innocuam vexabo papyrus;
 Cui calamos lassabo meos; & nomina mille
 Ascraëâ meditabor aristâ.
 O *Voti mensura mei!* totumque quod opto?
 Aut levibus sequor usque sarissis?
 Cur mihi sollicitis turgescant provida curis,
 Immerito præcordia questu?
 Cur terrico rigeant insonna viscera planctu?
 Et lacrymis mergantur in ipsis?
 Cur capitis sterilecat honor? vel corde rebelli
 Cum moræ tremuere procellæ,
 Seditiosa fremant dubii sine nube sereni.
 In trepidis suspiria venis?
 Ite graves curæ, queruli procul ite dolores,
 I, rabido, comes ira, furori.
 E terris auferte diem; confundite cælo
 Tartarei grave sulphur Averni;
 Ite, solum miscete Salo, refugasque paterno
 Stellas exspoliare nitore;

NIL

Nil moror, æstivos undis exstinguite soles;
 Nullum astris fervate colorem:
 Lætus ago, totusque tuo, mea virgo, sereno
 Devoras tibi recreo chordas.
 Te nostrum suspirat ebur; tibi fila loquuntur,
 Facundum tibi mussitat aurum.
 Et licet in mediâ luctentur carmina nocte,
 Ac farrâs timet ala procellas;
 Unica tu variis vestito nomine flammis
 Illimi variaris in ore.
 Nunc gracilis Cynosura micas; vultumque modesto
 Mane meum, superinduis igne.
 Nunc medio crispata pharo, vigilataque bino
 Dispensas mihi lumina cornu:
 Nunc cava virgineis exæquas cornua gemmis,
 Et pleno stas Cynthia vultu:
 Nunc lucis moderaris equos, nimiumque calorem
 In medio suspendis Olympo.
 Una mihi suppleas extinctos ætheris ignes
 Docta novum simulare Phanetem.
 Unica, pro cunctis, mihi sufficis omnia, Virgo.
 O miseræ compendia vitæ?
 O nostri *mensura boni*! te stante, virebit
 Perpetuis mea laurea ramis,
 Te duce Pierio vernabunt tempora sero,
 Et nostri reverentia plectri.
 Tu nostrum moderaris ebur; dubiosque magistro
 Instituis conamine nervos.
 O nostræ *vox*, Virgo, lyræ? mea *SUADA*, leposque
 Æternam tua sim precor *ECHO*.

COM.

COMPENDIOSA FELICITAS.

A D

BOTUIDUM ANTIMUM.

ODE VIII.

Impensisne minoribus
 Felicem fieri me pudeat ? Bene
 Paucis vivitur. Antime.
 Omnis turba gravis. Non ego nobilem,
 Turpis sollicitus tueri,
 Fortunæ voveam tollere sarcinam,
 Si census mihi sufficit
 Quantuscunque mei. Te licet annuis
 Centum prædia messibus
 Inter sædifragæ lucra pecuniæ,
 Vasto pondere deprimunt;
 Nullâ parte mei niteris altior.
 Desunt pauca mihi: tuam
 Quantuscunque famem Jupiter impleat;
 Quantuscunque sitim Tagus,
 Nunquam non sities: verior aurea
 Inter flumina Tantalus,
 Jejunosque suas inter opes Midas.
 Frustra vota crepant tua.
 Quantum quisque potest temere, possidet.
 Seu diris juga Lydiæ,
 Seu messes Arabum, vel Tyrîi maris
 Census spreverit. Illius
 Fortunam veneror; qui cupiit minus,
 Votorumque superbiam
 Adstrinxit rigidæ lege modestiæ.
 Nunquam non sibi sufficit
 Mens angusta domi. Seu gravis irruat

Toto

Toto Jupiter impetu ;
 Seu fractis reboent fulmina nubibus :
 Nullas, Pauperiem, DEUS,
 Insenso poterit sternere spiculo.
 Quidquid non cupio, meum ;
 Quidquid calco, meum est, quidquid opum favens
 Dat Fortuna aliis ; Midâ,
 Et Tartessiacis ditior Insulis
 Pulchrâ sperno superbâ,
 Audax, me propriis addere censibus.
 Quantum Gargara feminant ;
 Quantum Sardus arat, nescio : sed meis
 Nunquam limitibus minor,
 Terræ quanta mihi portio sufficit ;
 Tumbâ melior ultimâ ;
 Nec laxo nimis vota decempedis.
 At te cura severior
 Vototum dubium ; te vigil ambitus ;
 Te fastidia noctium,
 Ac insensa thoro somnia lancinant ;
 Et voto brevior dies.
 Tanti divitias, Antime, non emo.

BICOLLIS
 PARNASSUS.

A D

EQUITES POLONOS.

Ut armis & scientia ad immortalem
 gloriam connitantur.

ODE IX.

Amam, Poloni, non pretio grave
 Mercemur aurum, quid malè barbaro

Pisce-

Piscemur in Tago? perennes
 Ferre negat Tagus ipse gemmas.
 Martis, vel artis, vel gladii itylo
 Nostros in atræ pectore Thraciæ
 Scribamus annos; & refusis
 Sanguinibus Dolopum nefastas
 Mergamus iras. Jo! recens novum,
 Inter Geloni littora Nerei,
 Bellona metatur theatrum;
 Quisque manu melioris annos
 Invadat ævi. dulce sit è sui
 Vultus aperto vulnere gloriam
 Fudisse; dimotisque pulchram
 Visceribus peperisse laudem.
 Vel quem cruentis Mars procul arcis
 Exesse jussit. Castaliis super
 Desacret in campis perennem
 Non humilis, sibi, Mysta, Famam.
 Huc eruditi se KOCHANOVII
 Acerque fratri TWARDOVIVS comes
 Invexit, & MORSTINIANO
 Calliope tenuanda plectro.
 Hic ille magno non minor amulo,
 Horatianam SARBIVIVS Iyram
 Equavit; & notum Polonis
 Pressit iter, Lechicisque callem
 Olim premendam passibus. huc novo
 SARBIEVIANI pectinis entheo
 Impulsus, excitata KANON
 Fila tulit, veterique notus
 Acernis æstro. Quid memorem quibus
 Majora Phæbum Numina, & inclytos
 Stagira suppressit calores,
 Et geminæ monumenta pennæ
 Invldit orbi. Quid juvat heu dolor
 Nostri magistrum dicere pectinis
 KUNUM que KARWATOS que, & acrem
 Nunc etiam lituo lyraque
 PALUSZKIEWICUM. Vos etiam quibus
 Novella primo gloria Phosphoro

Affulget, & non pænitendus
 Castaliæ radios diei
 Accendit ardor: quos ego. nunc mihi
 Adducta sacro labra silentio
 Arctantur. Eheu! pertinaces
 Pierio latuisse nido,
 Adeste vates. quid iuvat ad pedem
 Bicollis aulæ, nuper Anonymos
 Repræsse; nec noscenda mundo
 Aonium monumenta supra
 Urgere clivum? huc huc age Sarmata,
 Polona per vestigia, tutius
 Sequamur, adnisi priorum
 Emeritas cumulare lauros
 Ductore vel me. non ego segnius;
 Quanquam capacis parcior ingenii,
 Ad alta Parnassi præibo
 Culmina, Pegaseosque colles.
 Quin nec sagittis, nec pharetrâ caret
 Apollo; doctam scandite Phocidem;
 Doctisque temperate lymphis
 Sanguinei maria alta belli;
 Dumque eruditos Pegasus elicit
 Haurite fontes. hinc decus eminet,
 Magnæque desacrata laudi
 Pierio viret aula vere.
 Non temnit acer prælia masculi
 Apollo Martis: nec decorum parens
 Minerva, Bellonam sequestrat
 A propriis, inimica, signis.
 Binis, Poloni, collibus eminet
 Parnassus: unum si dominus premit,
 Apollo; non Marti capacem
 Sarmatico negat alter ædem.
 Hinc mitiores filtra citent modos;
 Illinc cruentum classica perstreant;
 Discorsisque concordia tumultu
 E geminis replicetur ECHO
 Sonora clivis. hinc sua Pegasus
 Fluenta, docto proluciat pede.

At inde bellax Hippocrenem
 Fundat equus; nec avara lethi;
 Quanquam superbo Bellerophon situ,
 Lacesat auras; flumina, prornat.
 Sic una, sic vobis, Poloni,
 E gemino fluer amne, Fama.

S E C R E T U M
 P O L I T I C U M,
 A D
 B A L D U I N U M P L A N C U M.

In aula degentem.

O D E X.

NUnquam, Plance, Typho turbinis Aulici,
 Privatæ injicias fræna potentiaë:
 Annisus tolerare
 Quidquid tollere non potes.
 Non postrema catæ laus sapientiaë
 Est, æquare suis tempora moribus.
 Qui cum tempore prudens
 Olim desipiet; sapit.
 Sic Malabaricis fortior Africis,
 Obliquata memor flectere carbasa,
 Vincit Nauta procellam; &
 Irati rabiem maris.
 At qui plena Notis vela frementibus
 Obvertit, petiit. non bene navigat,
 Quisquis nare laborat
 Contra fluminis impetum.

A D.

A D
J U N I U M.

Æstas, suis & Poëticis flori-
bus depicta.

O D E X I.

JAM Soporatos metuit tepores;
Floreo tellus hilarata risu;
Sibilant auræ, Zephyrusque vernum
Circinat aurum.

Jam coronato trabeata flore
Ætna; quam miti gravidat maritus
Halitu ventus, dat odora picti
Munera veris.

Blande vernantis moderator orbis
Cui vagabundæ famulantur Horæ;
Quem timent nubes, fluidusque sese
Subjugat æther.

Cui decem ternas vigilare noctes,
Et renidentes radiare stellas,
Jussit Astrorum Pater è supremi
Lege Senatus.

Cui dies ternos decies, & ortus
Phæbus accendit; totidemque Lunas.
Quem fovet lenis calor; & renata
Deperit Æstas.

Cui coruscanti galeata culmo,
Splendidè nanos, seges ambit agros;
Dum Ceres flavo capitale sudum
Induit auro.

Jam tibi pronis agitantur hortis,
Jam reclinato saliunt capillo,
Virgines campi; reluitque castas
Nereus herbas.

Quæ superstantes stupet unda montes,
Et repercussâ tegitur sub umbrâ;

Dum

Dam notat Phœbus, mediisque colles
Scribit in arvis.

Dam fremunt ripæ, resluoque fluctus
Nititur fluctu: simul ipsa secum
Pigra luctatur Thetis, & jacentes

Increpat hortos.

At simul planæ per aprica terræ
Liliis misti fluitant Acanthi;
Et rudes ulvas agitât jocantis

Aura Favoni.

Nutat intonsis nemus omne ramis,
Et retro versas simulat procellas
Fronidium fluctu; tepidasque subtus

Educat umbras.

Hic tibi Bacchus fluidum racemis
Impedit crinem viridesque canos;
Quem verecunda erubuit pudici

Purpura botri.

Hic per amplexus gracilesque vitas
Ambiunt celsas hederæ cupressos;
Et minus grato religant maritas

Stamine plantas.

Fallor! an vivis oculatus astris,
Ridet hortenses polus ipse scenas?
An suum passim sibi viluisse

Incipit aurum?

Attamen picto foliorum acervo
Floreis cælos imitatur astris
Frondeus fornix; humerisque lentas

Evocat auras.

Candidis passim viret in theatris
Scenâ florali tumefacta prole;
Quâ sibi florum sinuant minores

Castra Quirites.

Hinc coruscantes imitata stellas
Flora nativo variat tenellum
Serico germen, radiatque flavis

Lilia cirris.

Inde bulbosis tuberosa cristis
Lacteo nutat Rosa sub colore;

B

Quam

Quam pudor circumvolat, & parentis
Gloria veris.

Inde dispersis lacerata spinis
Floridum sciè simulat cruorem;
Ac odorato socios amœnat

Sanguine dumos.

Hic leves pleno pateras odore,
Caltha Pœstans cumulata villis,
Largius farcit, varioque se se ac-
cendit obryzo.

Inde, Romano saturate fuce,
Languide fuscis, Hiacynthe, crines
Lætius pandis, similique cælum
Ore salutas.

En & Hybleo melior galero
Imperat stratis Amaranthus herbis.
En Cyaneis cinerosa rider

Terra sub alis.

Hinc micat densum jubar, inde montes
Vestiant laxis humeros corymbis.

Hinc apricantes tenero rubescunt
Murice flores.

En odorato teretes hiatu

Lene suspirant, Zephyrumque pandis
Increpant labris, & hiulca verni
Flamina venti.

Dam tuas ergo canimus Kalendas
Pulcher hortensis dominator oræ;
Dulce pratorum decus, & jugalis
Gratia prati,

Huc ades tonsis comitatus Horis:
Te vocat Pallas, vocat ipse Phœbus.
Hippocreneas tibi spargit acer
Pegasus undas.

Interim motis animata ventis

Fila vocalis sonuere buxi;
Et suâ, Virgo, tibi sponte nostram
Tinuît auram.

Ergo puniti monitore Cauro,
In tuos, Virgo, properent honores,

Carminum nexus, meritumque soluat
Chorda tributum.

Nec tibi solus cano: totus inde
Junius quassis tibi mussat herbis.
Cantitant rivi, Citharæque mollis
Accinit Echo.

G A Z A
S A P I E N T I S .

A D
E U L O G I U M L A N D I U M .

O D E X I I .

FORTUNÆ famulos insequor arbiter
Fortunæ, aut dominus, si meritis parem
Sortem possideam, cur capitis minor
Illam fronte colam meâ?

Nunquam se sapiens muneribus suis
Indignum faciet, quidquid amabili
Dat natura manu, ceu sibi debitum

Fatis emeritus capit.

Si non arcet opes, non nimium tamen
Amittas queritur: non abeuntibus
Offusas lacrymis objiciet genas,

Non mæstum gemitu caput.

Non udis subitam prosequitur fugam
Fortunæ lacrymis; se tenet integrum:
Illi divitias, fataque mitia,

Se præter rapient nihil.

Quin sub magnificis pauperiem pati
Novit Roma tholis: novit eburneâ
Inclusus proprii sede palatii

Romanæ Cato curiæ:

B 2

Inquit,

Inquit, divitias possideam meas,
 Non à divitiis possidear meis:
 Illis fors aliquem si dederò locum,
 Pectus, meque negavero.
 Quantumcunque mihi fors mala dempserit,
 Nulla parte mei sum minor: ilicet
 Concessæ rapiat munera copiæ;
 Me plenus, cupio nihil.

A D

VALENTINUM
 GRIMANIUM

Ne spes vota que sua in longum rejiciat.

O D E XIII.

Hæu ex futuro vivitur! occidit
 Commisâ longæ spes trieteridi. at
 Mutanda cum differtur ætas,
 Alipedes perit inter annos.
 Patranda nemo non sibi destinat:
 At facta vanis pollicitis dies
 Vanescit in noctem; & per omnes
 Sæcula præcipitantur horas.
 Alter Caleno spes tumidas mero
 Inter capaces ructat amythides:
 Alter Musarmanas refusis
 In cyathis propè mergit arces,
 Et picta vino mænia: sed simul
 Cum temulentam mens redit ad manum;
 Condemnat hesternos furores;
 Et pharetras, gladiosque prisco
 Desigit unco. Si tamen audiat
 Sarbieviani classica pectinis;
 Magnisque pleniora spebus
 Barbica, Sarmaticoque dictum

Votum.

Votum Gradivo ; gaudet & ilicet
 Futura parvis bella nepotibus
 Commendat : ordinatque feris
 Omina continuanda votis.
 Hâc , nate , dicens , hâc pede libero ,
 Ad celsa magnæ culmina gloriæ
 Contende ; quâ vatis Poloni
 Magnanimum stimulavit æstrum.
 Te bella , te Mars ; me manet interim
 Obliviosi pocula Cæcubi
 Haurire , semestrique Zyto
 Præteritam jugulare bilem ,
 Bellique fumum . Voluitur interim
 Sensim reductâ signifer orbitâ ;
 Et multa sperantem ciratâ
 Destituunt animum Kalendæ.
 Ehêu ! Grimani , te tibi vindica ;
 Et computati commoda temporis
 Censumque collige ; ac negantes
 In se iterum rediisse menses.
 Cunctis severum Numen inhospitas
 Affigit alas spebus : adhuc suo
 Implamis in nido , futuros
 Crescit adhuc cita plebs in annos .

MISERUM ESSE

QUI

NUNQUAM FUIT MISER

AD

JOSEPHUM MUNATIUM.

ODE XIV.

Fallimur . semper miser est , Munati
 Qui miser nunquam fuit . ille magnæ
 Anxius fortis , dubio timorem
 Librat in axe .

B 3

Ille

M

ciat.

otum.

Ille venturæ trepidus procellæ,
 Ne miser fiat, timer; & futurâ
 Sorte torquetur; mediisque miscet
 Vota querelis.

Ille fortunæ dubius, sui que
 Incapax fati, temerè coactis
 Æstuat votis: & avara secum
 Prælia miscet.

At cui magni patiens pericli
 Pectus indurat gravis inquietæ
 Ira fortunæ; miser esse longo
 Discit in usu.

Ille & iratum patiente fatum
 Territans vultu, sibi destinatos
 Rideri insultus, validoque lassat
 Fata duello.

A D

AQUILAM POLONAM,
 UT BELLICOSOS ÆVI
 NOSTRI HEROAS TOTO
 ORBE CELEBRANDOS
 DIFFERAT.

O D E X V.

O Quæ Sarmatici conscia Nominis
 Armatis penetras astra volatibus;
 Et pro vindice iusta
 Vibras fulmina Numine.
 Cui scindi patiens æthra fidelibus
 Ventis obsequitur; quam Zephyri pavent,
 Cui se spontè minorum
 Vulgus dedicat altum.

I, per

I per Marmarici devia climatis,
I per Memnonii littora Nerei;

I, quâ se pretiosis
Ganges fluctibus erigit.

I quâcunque vagâ Fama volans rotâ
Rumores volucris spargit ab essedo:

Et quâ se lacrymoso
Arnus plorat in alveo.

Hic & Sarmatici fulmina praelii,
Et fractos solido Bistonas impetu,

Korakosque, Getasque,
Et canæ juga Moschusæ.

Hic magnos memora Lechiadum Duces,
Qui Thressæ torques cornua Cynthiæ

Eclypsim docuere, &
Lucis pauperiem pati.

Hinc palmâ duplici digna **ZAMOSCIUS**
Stringat laurigero tempora vinculo:

Hinc **ZOLKIEVIUS** ipsas
Inter vividior neces.

Quid **CHODKIEWICII** patria Gryphibus,
Quantum **SRZENIAVIO** Lechia flumini;

Et **KONJECPOLIANO**
Marti debuerit, cane.

Dic quot **CHMIELECIO** Thracia robori;
Quot *Piascynis* Moscuæ dexteræ

Palmas nexuit: aut queis
Mocvarski increpuit tubis.

Non indicta tibi transferit cave
Æternanda tui clava *Potocci*.

Et quidquid Lechicorum
Censent secula Principum.

Quæ **VISNIEWECIO** gloria nomini
Non impar fuerit? quem male barbara

Marti Parca Polono

Cæco messuit impetu.

Nec **KAZANOVII** classica praelii,

Nec **TYSZKIEWICII** fulmen acinacis,

*Firleis*que, gravesque

Ore ac **OSTROBOGOS** manu.

Nec te Littavici gloria nominis,
Radivile, leves inter *Ethefias*,
 Indictum populosis
 Rumor deferet *Africis*.
 Hinc *LANCKORONIOS*, inde *KORECIOS*,
 Et fortes alacri *GASIEVIOS* manu,
 Et quem præcoce fato
 Stravit Parca *SIENIAVIUM*.
 Hinc sexcenta canet nomina; queis mea
 Succumbit tacito charta silentio.
 Sed quæ grata perenni
 Signat Patria carmine.
 At tu quæ *Lechicæ* laudis amantior
 In nostro genita es, *Gloria*, *Carpatho*;
 Quidquid *Martius* ales
 Magnis deferet *Infulis*,
 Dignos perpetuis laudibus, & tuis
 Heroas memori carmine disserere,
 In Fastosque perennes
 Magnis insere litteris.

A D

R E M I A N U M
 B O C A C I U M

Ab aliorum opinionibus Poëtas pendere.

O D E X V I.

Magnis molesti censibus ingenis
 Avara famæ sæcula, & improbos
 Sudore mercamur favores.
 Ac refugam, *Remiane*, vani
 Honoris umbram. quisque suâ minor
 A laude vulgi captat *Ethefias*.
 Pendemus à nutu, & fugaci
 Arbitrii popularis aura,

Se nemo magnus judice. displicet
Domi æstimati gloria nominis.

Externa captamus: recenti est

In pretio peregrina virtus.

At dum exterorum laudibus æmuli,

Intra petitæ mercis adoreas

Fuscamus; hæu totum molestâ

Invidiæ tumulamur umbrâ.

A D

VIRGINEM MATREM

Serenissimam Augustam suam.

Ex Eccl. 24.

ODE XVII.

Sunt quibus, Virgo, graviore buxo,

Martis iratas licet inter hastas,

Illi musos placuit canoro

Condere versu.

Principum fessas levioere mentes

Voce mulcebant alii, nec unus

Censor humanos citharam docebat

Carpere mores.

Ille mordaces Satyras, papyrum

Ille Bellonam docet, inque chartis

Castra metatur, calamoque vivas

Allinit hastas.

Una tu nostro tamen, una, plectro

Sufficis, Mater! placeat Latino.

Flaccus Augusto; placeat Pelasgo;

Hæctor Homero;

O tibi, Virgo, placeam! mææque

Ipsa sis numen placitum Camæniæ!

Ipsa Mæcenas mihi, Cæsar ipsa,

Hæctor & ipsa.

B 5

Sj

CIOS,

M

e.

Se

Si mihi Mavors sapit, ipsa castra
Explicas: quin nec renuis vocari
Cælitum murus, superisque firma
Mænia turmis.

Te rudis quondam, titubante versu,
(Nam nec infantem tua spreuit olim
Comitas vatem) resonos docebam
Plaudere colles.

Te pigras lætus docui paludes,
Te lacus, Virgo: tibi lucus omnis
Annuit; Matrem cecinit ter omnis
Ripa MARIAM.

Erigebaris propè Jerichanas
Nobilis valles, Rosa; vel Cupressus
Quam Sionci coluère moto
Vertice montes.

Inde surgebas Libano suprema
Cedrus, alatis spatiosa ramis;
Inde stillabas liquidum fluenti
Nectar olivo.

Hinc triumphalis caput in Cadano
Palma pectabas tumulo; mihi que
Blanda odoratis procul explicabas
Cinnama libris.

Nunc mihi, leni famulante vento,
Balsami castas jacularis auras
Crinium luxu; madidisque stillas
Mirrha capillis.

Quidquid es, quidquid cupies vocari,
Gratior nostro nequit esse Phæbo,
Quam Tuum, si quæ sibi vindicavit
Pagina, nomen,

Te sibi vernis vigiles sub umbris,
Virgo, narrabant quoties Camænæ
Tristis invito toties recessit
Phæbus Olympo.

Audiit lætum nemo, & sonoro
Fronidium plausu Tibi ter clientes
Subdidit ramos; verulasque iussit
Discere quercus.

Quidquid Astræo meditante buxo
Fuderam Vates : tibi ter , triumphe ,
Et ter applausum refono dedere
Ore cavernæ.

Littus auritos , flavio morante ,
Torfit arreæti cumulos fluenti ,
Et suos iussit mea Te canales
Psallere Virgo.

Orpheus motas velut alter ornos
Tunc ego blando super arva cantu
Lenè deduxi ; patriosque iussit
Linquere colles.

Me minus culti lapides trahentem
Pectinis cantu , scopulosque , risit
Ismarus , retrò proprias jubens de-
scendere rupes.

Ad Marianæ pia recta laudis ,
Ad Marianæ monumenta famæ ,
Ad Mariani superis propinquam
Nominis arcem ;

Ad Marianas , mea plectra , Thebas
Ite , festinum glomerate marmor ;
Ite , Maternæ fabricate celsa
Pergama laudis.

Hæc ego castis mea metra cedris
Lætus incido , meritisque honores :
Hæ cedri crescent , ubi vos mei cre-
scetis Honores.

SUO SE TANTUM
CLARERE VELLE.

ODE XVIII.

FUmofas atavum jactet imagines ,
Ac depicta patrum stemmata , propriæ
Qui virtutis eget. qui sibi non suo
Laudem conciliat lucro.

Hic & perpetuo grandia Consule
 Pingat Romuleis atria fascibus:
 Et quæcunque prior gesserat Annibal,
 Aut forti Æmilius manu.

Ille & Dardanio colle superstites
 Pænorum exuvias, raptaque vel Getæ,
 Vel Daco numeret signa; & in arduis
 Nixos Scipiadas tholis.

Illam picta juvent symbola, non suis
 Augustum titulis, me minor, at mea
 Virtus, & rudibus confra literis

Lassæ pagina dexteræ;
 Me, vel Pierii nobilitas Dei,
 Vel possessa suo pectora numine,
 Et simplex citharæ murmur, & ingens,
 Et lætus calami labor,

Fatis insinuent. Regibus aureas
 Ultra cedo mitras, dum mihi doctior
 (Si tantum merui) non timidum mori
 Stringat laurea verticem.

IN SICCO NAUFRAGIUM

In turpem ebriosorum insaniam.

ODE XIX.

AN vos bibaces gutture spongas,
 Ipsamque siccis visceribus sitim
 Nutritis, ô avara potus
 Et calicum studiosa pubes?
 Alter penates, alter & integrum
 In poculorum naufragio Patrem
 Immerfit; antiquumque vastis
 In cyathis sepelivit aurum.

Alter

Alter decentem, pro dolor! indolem,
 Et patriarum lumina mentium
 Exinxit: insuetoque sanctos
 Ingenui radios honesti
 Oppressit imbri. Quatenus heu nefas!
 Dum se scelesto scævior Evio
 Inflammat; infusoque pubes
 Incaluit liquidum calentis
 Humore Bacchi. sæpè ferocibus
 Indigna Baccho prælia dexteris
 Invasit, & refudit haustum
 Sanguine nobiliore vinum.
 Nam cum bibendum defuerit merum,
 Siccis propinant vulnera poculis;
 Illumque, qui fundendus olim
 Pro patriâ fuerat, cruorem,
 Inter minorum jurgia litium,
 Et cæpta verbis prælia diluunt,
 Festosque non impunè strictis
 Continuunt gladiis lepores.
 At si feroces æra citent manus,
 Et fæta rauco buccina classico;
 Inter refertiora quondam
 Poculâ ferox, propè cum vetusto
 Ulyssè litus non bene compare
 Jugo domabit. Vel calido febrim
 Finxisse gaudebit cerebro,
 Vel tumidis podagram cothurnis.
 O sanctioris si quid adhuc spei,
 Indigna vobis frangite pocula;
 Marrémque non Bacchum, Quirites,
 Magnanimâ celebrate rixâ.

P A R O D I A

Ad Matthiæ Casimiri Sarbievii Lyricorum
Principis XXIII. Lib. II. Odam. Belli
Suetici, Germanici, Hollandici, cala-
mitates deplorat. Anno D. 1644.

O D E XX.

QUA cruentati rubet ora Mosæ,
Quâ suâ sese lacrymatur undâ
Rhenus, & totis numerosa plangit
Funera ripis.

Huc sub atratâ terricûm cupressô
Squalidæ vatem revehant Camænæ.
Non juvat posthac cohibere suetis
Tempora lauris.

Hic, licet rauco metuenda plausu
Territas Martis tuba vexat aures;
Hic licet tristes agitata turbent
Tympana ventos;

Hic, catenati propè fragna Rheni
Assidens, mæsti latices Oderæ,
Et tuos, Ister, cumulo nostris
Fletibus amnes.

Jam fatigatis revoluta stellis
Septimum Solis rota voluit annum,
Septies pulsas iterum reduxit
Bruma pruinas.

Attamen nullum placidos olivæ
Fert nemus ramos. propè funerandis
Sola cupressus malè feriatas
Porrigit umbras.

Sola jam ferri seges insepultis
Surgit in campis: licet, heu! cruentus
Hinc & hinc muero subeat minacis
Munera falcis.

Muta jam passim filuere crudo
 Jura sub ferro; timidisque sese
 Æquitas legum minor hinc & inde
 Vibrat in alis.

Et licet doctis agitata rixis
 Rostra verbosos dirimant Patronos;
 Opprimit leges pavor, & severo
 Obruit ære.

Inde collatis animosus armis
 Theuto luctatur; ruit inde Sueco
 Sævior Lapon, renovatque latis
 Prælia telis.

Hostis incertus, dubiusque palmæ,
 Hinc & hinc sese patriis vocari
 Mars stupet linguis; nec adhuc propinquos
 Crederet enses;

Ni suis rursus malè mista turmis
 Turma collisos paribus furores
 Jungeret telis, similique sese ac-
 cenderet irâ.

Sic pari passim geminâque Mavors
 Voce distractus medias ruinæ
 Distinet gentes, neutrisque sese
 Illigat armis.

Fana jam passim superisque sacras
 Impetus Finni quatesfecit aras.
 Ipsa miscentur domuum profanæ
 Templâ ruinæ.

Quæ nolæ nuper placidum sonabant,
 In profanatas abiere belli
 Machinas; nec jam solito fatigant
 Aëra pulsu.

Rara per latos pecus errat agros,
 Rarus extinctis populus colonis,
 Pæne vanescunt propriis sepultæ
 Mænibus urbes.

Jam ferus stricto implacidusque ferro
 Orbis antiquas iterum ruinas
 Uiget, & moto metuenda ducit
 Jurgia mundo.

Ruris

corum
 Belli
 cala-

Muta

Ruris oblitus Cererisque vomer,
 Vulnus inverso meditatur ictu,
 Nec minax olim, modò torvus iras
 Fulminat ensis.

Falcis heu! nuper fegeti timendus
 Aureis mucro minitatur hastis.
 Et merens Regum trabeas superbis
 Turget aristis.

Illa findendis heberata truncis,
 Ridet affusam propè se securis
 Fascium sylvam; miserùmque findit
 Colla Quiritum.

Cassis armatis tremebunda cristis
 Militum torvis regemit querelis,
 Fæta sudorem, nec amant maritas
 Scuta columbas.

Tuque, si muto facer in sepulchro
 Pulvis argutas finit esse chordas,
 Dive SARBIEVI, malè fæderata
 Theutonas arma,

Et suas rursùm repetisse pugnas
 Tristior desles; propiorque sancto
 Numini fundis meritos tuo pro
 Cæsare planctus.

Surge quà dormis, Latiosque vates:
 Increpans dextrà redeunte nervos;
 Impotes tolli gladios profanis
 Eripe dextris.

Tela (reclusis age dic sepulchris)
 Tela Germani cohibere, tela.
 Quid juvat totos sepelire tantis
 Cædibus agros?

LECHIA PACATA

Ab Anno 1638 ad Annum 1648.

ODE XXI.

AT non pacis inutiles
 Annos degeneri perdimus otio,
 Digorum Soboles, Lechi.
 Poscunt bella vices, se modico ferus
 Mars intendit in otio;
 Alternisque furor dividitur jocis.
 Sic ipsi nimius polo,
 Post concessa suis fœdera præliis,
 Hostes contudit Hercules.
 Et jussis rabidæ sufficiens Deæ,
 Lassavit dominam suo
 Junonem obsequio: fataque, & horridas
 Monstrorum domuit minas.
 Quid magni memorem robur Achillei?
 Quid sævi oria Jasonis?
 Primus post citharæ murmur, & additos
 Imbelli digitos colo:
 Post tractata levis stamina velleris,
 Post mendacia Tethios,
 Effictamque suâ virginem imagine;
 Trojam vicit, & Hæctora.
 Alter post hilaris gaudia Colchidis,
 Flammatos domuit boves;
 Consecitque feris jugera dentibus.
 Sic Pytona severior
 Phæbus, post resonæ carmina tibiarum,
 Et plectri querimoniam,
 Accinctus pharetrâ sustulit auream
 Assuetâ citharæ manu,
 Ac doctis Zephyros ludere spiculis.
 Felices, iterum canam,
 Felices potius pace Lechos suâ,

Quos

Quos & parta manu quies,
 Alternique juvant fœdera prælii:
 Sic nec nubibus asperum
 Martis perpetuò fidus inhorruit;
 Sed nunc mitior aspici
 Astrorum imperium Jupiter obtinet;
 Nunc nato asperior parens
 Saturnus timidis nubibus imperat.
 Et volvi trepidos dies
 Horarumque fugam falce metit suâ.

ÆQUILIBRIUM STOICUM.

AD

MEDARDUM
ATTALUM.

ODE XXII.

Magnam minuti corporis, Attale,
 Metitur umbram, qui proprio suam
 Metitur argento staturam;
 Sêque suo pretiosus olim
 Mensurat auro. quod procul extimo
A corde prudens seposuit DEUS,
 Nunquam minor mentis putabo
 Esse meum; neque me superbo
 Librabo censû: sêu mihi quod dedit
 Fallax dolosâ fors rapiet manu;
 Sêu plura commodabit: æquâ
 Cum reliquis mea vota lance
 Examinabo; nec patiar meum
 Inter serenæ fulgura gloriæ
 Lippire lumen; aut reductos
 E veteri statione mores.

An cum supremam pumilio basim
 Hæmi superbo scandit in aggere,
 Se major extat? an minorem
 Monte super cumulat staturam?
 At ille celsis montibus æmulus
 Gigas profundo de puteo caput
 Attollit, ex imâque valle
 Aëreo minitatur orbi.
 Qui se paternis censibus æstimat,
 Altâ colossum cum basè porrigit.
 Contemnit ingentes cothurnos,
 Qui proprio cupit esse magnus.
 Quodcunq; planis lancibus injicit
 Fortuna pondus, non variabili
 Equata momento, stat olim,
 Stat rigidæ bona libra Stoz.

A D

VIRGINEM MATREM

Sub initium veris.

ODE XXIII.

DIVA, quam Numen genitum fideli
 Stringit amplexu: cui tam beatam
 Invident pondus spatiosa picti
 Brachia cæli.

Cùm TIBI densis radians vepretis
 Splendidè fufum Rosa comit aurum;
 Cum TIBI florum famulas reclinat
 Hybla catervas:

Mitte laxatos sine lege crines
 Auræ nato cohibere vittâ:
 Aut planetari religare sacros
 Igne capillos.

Te decet parvam redimere Vernis
 Floribus natum, tibi dedicatæ

Annunt lauri, Tibi cana prono
Lilia culmo.

Cur sub argento gravibusque gemmis
Lacteus fudet puer? hunc niventi
Crine Narcissi senium, vel alba

Caltha coronet,
Fallor? an pulchro propius puella
Lilium pallet? magis erubescit
Purpuram vultus rosa; tortilesque
Caltha capillos.

INELEGANS ELEGANTIA.

Sumtuosa ævi nostri antitheta.

ODE XXIV.

Sunt & minori tela, sunt apum gregi,
Sunt parva muscis spicula.

Qui mulcet auri tinnulas pecten fides,
Aurum severus increpat;

Auresque vellit auro, & horrorem suum
Ridente metro temperat;

Intende Phæbe barbitum; nervis minas
Irasque plectro condiam.

Armatus auro, seculi luxum mei
Sitimque formæ sordidam

Non pejerantis persequar vates lyræ,
Verique Mystra nobilis.

Cur fraudulento perlitam fucō cutem,
Mentitur impudentia?

Cur eruditus fingit infames genas,
Verumque confundit pudor?

Cur in viriles sæda gratiæ famēs,
Viroque cultus discolor,

Irrepsit animos: Vulneri non est locus;
 Et nulla rugis gratia.
 Pudet genatum, quas facer Marti chalybe
 Crebro notavit stigmatē;
 Pudet cicatricum: exulat Recti vigor,
 Morisque fulgor patrii.
 Innube verum cessit; & cessit Fides,
 Nudusque candor pectora.
 Densis Honestum nubibus canos tegit;
 Peploque damnat lumina.
 Et, quod vetustorum audiant Manes Patrum;
 Pudet videri Sarmatam:
 Pudet Polonum, pro pudor! cerni caput,
 Pudet Polona tempora.
 Alter Sicambrum crinibus, & alter pilo
 Fingit soluto Brachmanem.
 Hic suscitatis horridam cirris comam,
 Montesque gestat crinium;
 At hic capillos torquet, & coercitam
 Hinc inde compellit jubam.
 Lasciviâque pectinis sulcans caput,
 A fronte crines dividit.
 Huic disgregatas diligens incuria
 Confundit & turbat comas.
 Disponit ille sedulâ barbam manu,
 Et pænè canos computat;
 Ipsamque malit comptulas Rempublicam,
 Quam molle turbari caput.
 Hic lævigante raditur novaculâ,
 Hic ordinante dexterâ
 Metatus altum sinciput frontem fricat;
 Comæque suggestum erigit.
 Frustra vocamus liberum Lechi caput,
 Cui tanta labes imperat;
 Ipsosque certæ Mystacas léges premunt;
 Et jura barbæ scribimus.
 Frustra: suarum servitus quenquam premit,
 Premit libido vestium.
 Alter Corallum vestibus, & alter Scytham
 Mentitur, alter Insuabrum.

At

At ille in uno pallio gestat patrem ;
 Omnesque villas induit.
 In seque totum deferens patrimonium ,
 Tanto superbit pondere.
 Non tot diurnas Phæbus astrorum Pater
 Horas morasque computat ;
 Quot quisque vestes mutat , infra nubila
 Natam putares Iridem.
 Huic inquieto fibulæ morsu chlamys
 Claudit redundantes plicas :
 Excludit ille pallio vagam manum ;
 Includit alter alteram.
 Huic disfluentem zona dispensans togam ,
 Laxas coërcet fimbrias ;
 Rugisque legem baltheus gemmis tumens .
 Præscribit angustâ vice.
 Huic curta parcos exprobrat tunica sinus ,
 Huic usque talos verberat ;
 Huic dissipatâ lege rugarum fluit ,
 Ipsumque verrit pulverem.
 Huic sumptuosus cento per totum patet ,
 Pannosque pannis subsuit.
 Sic ipsa stulti cogimus foramina
 Supplere mentitum decus.
 Hic quas pavebat , insuit vesti feras ,
 Gemmisque depressum nemus
 Ramis inumbrat aureis , & hoc suum
 Horrore pretium temperat.
 Et cum videri comptior velit , lupos ,
 Totamque spoliat Africam.
 Illusa quin & gemmeo vestis gelu ;
 Auroque ridet textili.
 Ac è draconum frontibus superbiam
 Sævoque vestit vellere ;
 Ferocibusque Tygridum debet oculis
 Leporis ornatum sui.
 Jam queis Gradivus pellibus ferrum tegit ,
 Armataque loriceæ metum ,
 Nos in decoris vertimus mendacium ,
 Lasciviæque regmina .

Quin nec sub uno pallio luxus calet,
 Nec sub lacerna simplice.
 Quem nunc togatum cernis, induet sagum;
 Nodumque demet baltheo;
 In pace miles comptus, in bello cicur;
 Cristasque Martemque exuet.
 Qui manè crebris tigridem fingit notis,
 Vulpem videbis vespere.
 Et quam triumphat ferici relam Tygris,
 Argoque pardus concolor,
 Cum per feroces Mars vocat tubas viros,
 Angetque vexillis metum;
 Brevi quieto dum canet receptui,
 Se subjugabit ferico.
 Brevi, severum qui modò nutrit metum;
 Pardus calorem nutriet.
 Hic condit auro pocula, & gemmas liquat;
 Regnisque titubat ebrius.
 Hic pingit auro fornices, auro focos,
 Auroque cochlearia,
 Auro culinas dapfiles, auro cibos,
 Et ipsa inaurat fercula;
 Cræsiq; patinis auream pascit famem,
 Votis faginatus Midæ.
 Auro gravatum pegma formidat caput;
 Pedes pavimentum stupent.
 Auro ferocis horridæ Martis tubæ,
 Auroque cicuratus furor.
 Auro mucronis horror, auro Martiæ
 Effæminantur lanceæ.
 Armantur auro pila, nec fæcio carent
 Bellacis æra buccinæ;
 Gemmisque tectus grandibus lignum suæ
 Vix mucro vaginæ videt.
 Sic dum in sereno baltheo ferrum latet,
 Iras minasque temperat.
 Et mitiores spiritus sensim induit
 Auroque & argento assonat.
 Gemmis capistrum, cornipes gemmis micat;
 Herusque gemmis fulgurat:

Et

Et qui timeri debuit miles, suo
 Ab hoste laudari velit;
 Velit videri, cum tamen spectantium
 Lacescat auro lumina.
 Sic dum profuso comptuli Saturnia
 Mœntimur auro sæcula,
 Ferro timendum duriore sæculum,
 Et ære iustra cudimus.

A D

BARTHOLOMÆUM
 GUINUM.

Verborum parsimonia.

ODE XXV.

POne maturum, Guine, prurienti
 Pessulum linguæ. graviora ripæ
 Damna fert annis, quoties silenti
 Volvitur undâ.
 Te super quovis, dominumque lingua
 Consulat pectus: quoties magistram
 Os præit mentem; toties inani
 Fluctuat æstu.
 An putas frustra vigil excubantis
 Cura naturæ cohibet reductum
 Dentium vallum, gemitoque clausam
 Carcere linguam?
 Nempe ut arctatis moderanda verbis
 Dicta tardaret; nimiumque fandi
 Jus, & admorso bene masticanda
 Verba palato.

A D

PANCRATIUM LYCUM.

Famæ & inanis gloriæ inconstantia.

O D E XXVI.

M Endax Fama bonum, Lyce;
 Illam vel tenui crediderim virto,
 Vel fluxæ similem nivi:
 Quam cum fæta gravi nubila frigore
 Cani velleris ad modum
 Effundunt madidis non sine lacrymis,
 Ridens dissolvit Phanes.
 Illi virginens candor amabili
 In se diffluit æquore;
 Et mox in propriis naufraga fletibus
 Sensim canities perit,
 Deploratque sui funera balnei:
 Sic famæ gracilis vapor;
 Sic adnata levi gloria nubilo
 Primo solvitur impetu,
 Cognatoque niyi flumine diffluit.
 Hanc umbram meritò canam;
 Umbram quæ nimis æmula molibus
 Æternum variabili
 Præit, vel sequitur corpora imagine.
 Sic dum se juvenis Phanes,
 E Tarreffiaci gurgite Memnonis
 Claro tollit in esse do,
 Palmarem nimis passibus impotens
 Pygmeum simulat Gigas.
 At cum Sol mediâ celsus in orbita
 Maturâ incaluit die,
 Accenditque novis prata caloribus,
 Decrescit nimius Gigas;
 Atlantemque minor sesquipedæ æmulus

Pygmeo referet gradu.

Sic Famæ levior linea, & in suis
Mendax gloria vultibus.

Quem nunc sub Tytii pingit imagine,
Hunc Psyllum referet brevi,

Et sparsum modico pulvere Pūmulum.
Mendax, Fama, bonum, Lyce,

Cum crescente die crescit; & alites
Inter serpit Etesias.

Quem magnis hodie farcit honoribus,
Cras grandem populi jocum

Inter promeritas sternet adoras.

O pennis levior suis!

O fingi nimium cerea! o in sui
Sudoris toties vado

O nix, in propriis naufraga lacrymis!

Quo me cunque situ præis,

Vel stas pone comes æmula, vel meos
A tergo sequeris gradus;

Umbram te memoro, si pereas, minus
Amisisse putavero,

Nec te sollicitis questibus insequar.

A D

VIRGINEM MATREM

Prædestinationis suæ non infimam
spem.

ODE VII.

VIRGO, quæ geminis prædita laureis,
MATREM VIRGINEO nomine temperas:
Intactoque sedentem

Gestas in gremio DEUM.
Vincis purpureis sidera vultibus;
Sincerique jubar solis, & aureo

Quid.

Quidquid casta sereno
 Stellarum irradiat cohors.
 O famæ meritò maxima pars meæ!
 Et famâ melius quidquid erit mihi!
 O nostræ moderatrix,
 Nostræ gratia barbiti!
 Dum Te Castalias scribo per areas,
 Parnassum titulis nobilitans tuis,
 Nostro nomine, VITÆ
 A te scriptus erit LIBER,
 Gestati leviter Numinis aureum
 Inclina calamum; tu digitos move;
 Cunctantemque benignâ
 Dextram dirige dexterâ.
 O SPES virgo meæ maxima patriæ;
 Augustalque poli! tu mihi, nil moror,
 Oclusum referabis
 Stellati jubar atrii.

REDIVIVUS PHAETON

Id est

**AMBITIO SEMPER
 TIMIDA, ET NUNQUAM
 NON PRÆCEPS.**

A D

MEDARDUM ATTALUM.

ODE XXVIII.

Periculoso niteris ambitu
 Quo per ruinas scanditur, Attale.
 Adduc modestiora vastæ
 Eræna spei; nimiumque laxos

C 2

Ad-

Adstringe nodos. Ambitiosius
Sperare nulli, nisi timeat, datum est.
Latere sub depressiori

Valle graves renuunt timores.
At qui superbo celsa premit gradu,
Timere nunquam desinet. aureum
Inter tiararum serenum

Perpetuus stabulatur horror.
Superba curas & trepidos metus
Carpentâ gestant: exiguas timor
Subire dedignatur ædes:

Pauperibus negat esse civis
Hospesque tectis. Magna pericula
Humi jacentem non subeunt casam.

Sic dum beatus esse cæpit,
Incipiat miser esse necesse,
Qui magna voluit. Sic titubans paver,
Pœnasque motæ spontè superbix
Extorquet, & cogetur ipse
Vota suis jugulare voris.

Pœnas libido sola potest pati,
Et esse pœna: in divite carcerem
Togâ, coronatisque multam
Ambitio luit in tiaris.

Sic dum paterni luminis impotens
Permisit aliis fræna jugalibus,
Cælumque, pallentesque stellas,
Indomitis Phœton coëgit

Ardere flammis. Sic patrio levem
Inominatæ pœna superbix

Dejecit è curru, & stupentem
Strage novâ quatesfecit Orbem,

A D

EQUITES POLONOS

Cum Tartarorum irruptio in Podoliam
nunciaretur : ut eorum multitudine
contemptâ, in eam spes suas reponant,
quæ est

CASTRORUM ACIES
ORDINATA.

O D E XXIX.

CUM tibi Martem tuba militari
Provocat cantu, cupidam duell
Temne Bellonam, Leche; fulminantem
Temne Gradivum.

Temne densatis numerosa turmis
Castra, quæ creber Geta per Gelonos
Computat campos, nimiosque cædi
Destinat arcus.

Qui recens parti dociles triumph
Colligit dextras, satis ille multa
Castra conscribit; numerumque certo
Robore sarcit.

Ille sat multis numerosus alis
Dicitur miles; cui territarum
Turba damarum fugiens decoram
Porrigit herbam.

Nam quid imbelli numero superbie
Luna Threïssis opulenta gazis.
Qui potest vinci, satis ille pauco
Milite gaudet.

Si tamen terret numerus, vel acres
Prælio dextræ; meliora, Lechi,
Castra metemur, metuenda torvis
Castra Gelonis.

C 3

Illa;

Illa, CASTRORUM prece quæ frequenti
 Audit à nobis ACIES, Polona
 Scepra tutetur, Geticosque frangat
 Virgo furores.

Illa quæ victam dominis coercet
 Calcibus Lunam, tacito triumphum
 Ore præfagit, geminatque certæ
 Omina palmæ.

Illi & ereptas Dolopum sarissas,
 Et pharetrati cydares Corallii,
 Et graves gemmis frameas, sacrato u-
 remus in igne.

DESIDERIUM
 SUPERNORUM
 COLLIUM.

Ex nocturna cœli Contemplatione.

ODE XXX.

O me! sed quis in abdita
 Cælestis revehat limina patriæ,
 Et clausas superum domos?
 Quis me, quis liquidis sistat in ignibus,
 Stellarumque rotam super,
 Et puri hospitium colloceat ætheris?
 Quà solis pater integra
 Horarumque dies; pulchra micantium
 Quà Respublica fiderum,
 Interfusa agili nubila turbine,
 Fatorumque regit vices;
 Et volvenda suo nectit in ordine
 Denis sæcula vinculis.
 En jam stelligeræ culmina porticus,

En

En ipsæ rapiunt *Fera* !
 En claris *Aries* cornibus imperat !
 En veris dominus levi
 Inclinata terit sidera vertice !
 En & Marmaricus *Leo* ,
 Præcinctus croceo tergora lumine ,
 Maturi juga Julii ,
 Flavaramque regit jugera messium.
 Quid dicam geminum *Canis*
 Sydus ? quid rutilæ sibilæ *vipera* ,
Ursarumque graves rotas ?
 En illinc rubeis cælica brachiis
C A N C E R rura perambulat !
 En parvum fugiunt sidera *Scorpium* ,
 Iratumque *Bovis* jubar ,
 Dum curvis reprimit nubila cornibus !
 Illic **M A R S** positum super
 Respirans gladium non violabili
 Sese tollit in otio.
 En illinc *Geminos* semita lactea
 Fratres rore fovet suo ,
 Cum nudis faveant numina parvalis .
 Et vivi fluvius **P A D I** ,
 Cælos virgineis præfuit amnibus ,
 Stellarumque comas lavat ,
 En sudat liquidâ *Pegasus* unguâ !
 En cælo nimius **C A P E R** ,
 Binorumque natant sidera *Piscium* !
 Eheu , solus amabili
 Solus stelligeris exul ab atris ,
 Excludor patriæ sinu ,
 Et cælum dabio specto sub æthere ,
 Eheu totus inanibus
 Diffundor lacrymis ! totus heu novo
 In me desino flumine ;
 Majoremque , mihi quàm fuerit data ;
 Fortunam invideo feris !
 O quam vel rigidi Sidus *Orionis*
 O quam vel Nemees *Leo* ,
 Vel tortis fierem *Bellerophon* jubis !

quenti

M

ne.

ous,

m

En

Fallor? jam Nepheleis
 Paulatim intamuit frons mihi cornibus?
 Jam passim teretes pili,
 Jam sensim bifidas & digiti, & manus,
 Conne&untur in ungulas?
 Jam crispata suo brachia vellere
 Me pigro eripiunt solo?
 En jam per liquidi rura feror poli,
 Et magnos tero cardines!
 En vicina Deo conspicer agmina,
 Et mistos cytharis choros!
 En jam, Virgo tibi, quæ super aureæ
 Incedens jubar Iridis,
 Verris conspicuo sidera firmate,
 Pronis annuo cornibus,
 Villosoque minor succido poplite!
 An quòd crediderim magis,
 Jucundi trahitur fabula somnii,
 Affosique lyræ joci,
 Eludunt queruli gaudia pectoris?
 En jam cornua decidunt,
 Orbanturque suo brachia vellere;
 Hirsutæque cutis tumor,
 Paulatim in proprium diffuit aëra!
 Sic jam qui modò sidera
 Calcabam dominis altior unguis;
 Sellâ contineor meâ,
 Nec terram digitis deserui tribus.

OCULUS SAPIENTIS.
 A D
 MAXENTIIUM
 MORTONIUM.

Optimum asperæ fortis remedium.

ODE XXXI.

PRæconcepra animum spicula mitius,
 Maxenti, feriunt. cui subitum nihil
 Prævisumque prius quam ferit, accidit,
 Hunc & fata timent sua.
 Quotocunque ferant sæcula turbine;
 Nullum sit jaculum, nullaque machina,
 Quam non prævideas. magna pericula
 Expectata minus nocent.
 Sic dum post refugi lumina Cynthii
 Stellarum vigiles vesper inhorruit
 Accendens oculos; non nimium graves
 Amissam querimur diem.
 At si sol mediâ occumberet orbitâ,
 Et primam subitis obrueret diem
 Arcturus nebulis, quantus in horrido
 Frigeret populo timor.
 Hærent nempe novis pectora casibus,
 Incertusque sui fervor &, & merus
 In diversa trahunt. quo magis ardua
 Sperantur, feriunt minus.

EQUITES POLONOS

De liberandis Græciæ Provinciis.

O D E XXXII.

Quisquis Lecheæ sidera gloriæ
 Apollinari pangere barbato
 Præsumit; immensum natari
 Exiguo superare lembo
 Præsumit æquor: quantus ovantibus
 Polus sereno ditior aëre
 Superbit astris: tantus olim
 Sarmatico micat ardor igne.
 Utcnque Cimbros, aut Scythiæ vagas
 Convellis ædes, aut Getico super
 Umbone describis perennes,
 Assiduis gelidus sub armis,
 Polone, laudes. quantus Achaico,
 Armis petita laudis amantior,
 Baccharis in Ponto, & trementem
 Magnanimo quatis ære Pindum?
 Tibi frequenti milite densior
 Bellona strictis annuit ensibus;
 Ferroque prælustres catervæ,
 Fulmineo dominum coronant
 Latus Gradivo, jam Tibi, jam graves
 Virtus honesti prodiga sanguinis
 Indixit iras. quâ Polonos
 Strimonius petit horror agros.
 Hæu! quantus armis, quantus atrocibus
 Assurgit hastis campus, & arduis
 Hinc inde condensata peltis
 Arva micant, dubiasque solis
 Multo lacescunt lumine palbebras!
 Quantum severis nutat in arcis
 Nemus sarissarum, & paventes
 Ambiguo rigat igne campos!

Ite,

29

Ite, ite fortes, quæ celeres vocat
 Virtus priorum; quæ Mareotico
 Pinguescit à tabo, Lecheæ
 Testis adhuc, spoliūque famæ;
 Cruentus Ister. quæ patriæ super
 Sepulchra laudis vivere, vel mori
 Juvabit; & Divis parentum
 Manibus inferias Gelono,
 Aut si triumphum fata negant, suo
 Litasse tabo. currite Sarmatæ;
 Quacūque vagitus gementis
 Errat Hebri, Gericosque latè
 Deplorat agros. vos querulâ Theris
 Invitat undâ: vos lachrymabili
 Melesque, Cydnusque, & nefastis
 Mancipium Cynosura sceptris
 Suspirat amni. vos juga Thespiæ,
 Et quæ superbo non humili mitrâ
 Occurrit Arcturo, Carystos,
 Vos Scythici vocat ora Pindi.
 Vobis clienti supplicat hispidus
 Ramo Cytheron; vos Marathonæ
 Orni; Methoneique saltus,
 Vos resonis vovet Ossa sylvis.
 Vos illibatus sanguinis inclyci
 Flos, mancipatæ vincla Propontidis
 Laxate; turpesque aggementis
 Hæmonia cohibere frænos.
 Vestro resolvi poscit acinace
 Bethles scelesti tristior imperi;
 Divoque consecratus olim
 Hospitio Solymeus Hermon.
 Vos Tauricani servitium jugi
 Demetis Hæmo; Vos juga Phocidos,
 Vestræque *Libertatis* olim
 Participem facietis Hebrum.
 Et hæc, sed olim: crescite crescite
 Fæcunda multis jugera laureis;
 Tandemque victori Polono
 Emeritum properate sertum.

LEONARDUM ATTALUM

Stipendiorum militarium exolutorem.

ODE XXXIII.

FRustra sollicitis nubibus asperam
Bellonæ faciem contrahis Attale :
Et stipendia Marti

Invitâ numeras manu.

Armati manibus militis omnia
Dat, qui iusta negat. ne renuas dare
Ultrò, quod rapienti

Non impunè negaveris.

Quo se cunque trahi posse putaverit,
Illo se propero fert sapiens gradu.

Præstat fata præire; &

Ultrò, quo raperis, sequi.

Inter Romulidum vora Quiritiam,
Admotam capulo Cæsar agens manum.

NOBIS *hic dabit* inquit,

Quidquid Roma negaverit.

EURI-

EURIPUS
ARISTOTELICUS

DE INEVITABILI
VOTORUM NOSTRORUM

æstu.

ODE XXXIV.

ET non inani nuper arundine
 Incerta votorum, & dubios sui
 Plorasse fatorum Mæandros,
 Me memini: juvat usque priscos
 Novare planctus. O variabilis
 Vertigo Fortunæ! O resluentiam
 Eripe votorum! & per omnes
 Ire sagax, mea vita, fortes?
 Ut ille vasto turbidus impetu,
 Depræliantum plangit atrociam
 Duella ventorum, & frequentes
 Pontus agit, reagitque spumas.
 Cum post minorum jurgia fluctuam
 Clamosa crebro littora verberare
 Oppugnat; & mergi rebelles
 In se iterum sepelit procellas;
 Moverque ventis prælia, & asperos
 Lacescit Euros: sic regementium
 Obsessa votorum procellis
 Mens dubios inimicat æstus.
 Cum post minorum bella Cupidinum
 Incerta lasso prælia pectori
 Indicit, oppugnatque vota,
 Vota suis inimica votis.

Ille imminentes dum nimium timet
Fati procellas, advocat: hic feros

Dum vitat, incurrit, dolones:

Ille sui ambitiosus ævi, &

Longum ordinatis spebus avarior,

Nec dum calenti sole superstites

Dispensat horas; & futuros

In tabulas propè scribit annos:

Sic dum futuris mensibus imminet,

Et spem per annos porrigit, horrido

Se quisque confundit tumultu, ac

Se propriis necat ipse voris.

RELIGIOSÆ AUGUSTI FERIÆ.

PARODIA

AD III,

Matthiæ Casimiri SARBIEVI

Libri Epodon Odam.

ODE XXXV.

Abiste Delphos; tuque nil debens foro
Horatiana barbitos.

Ex tripode Phæbus sæpe mentitus fuit,

Phæboque Flaccus concolor.

O quanta vestras, SARBIEVI, fides Fides

Candorque chordas incolit.

Ille, ille, Flacce, nunc erit beator,

Qui ruris exul patrii

Id omne calcat, quod pedum plebes minor

Pronis adorat frontibus,

Ibo reductis quæ patet tectis domus
 Et sole Taganovio
 Lacescit albi parietis sudum polus,
 Escisque mensas destinat.
 Huc me Polonis dedicata Regibus
 Dimitte tantisper chelis.
 Dimitte tuffis doctior Socraticæ,
 Stoæque fervens jurgiis,
 KARNKOWIANÆ desacrata Palladi
 Illustris Artium Dea.
 Jam pura lini vestiit mensas dies;
 Castâque mapparum nive
 Celavit orbis ligneos; quibus Ceres
 Parvorum adinstar collium,
 Vel innocentem candidâ panem nive,
 Et dapilem brumam allinit;
 Vel fusca mihi subrubens lanugine
 Candore flavum temperat.
 Parvo nitentis vasculo frigus salis
 Illinc & inde candicat.
 Sitasque rarò testeas, vel buxas
 Vitrum tuetur amphoras.
 Et temperatus frigidâ ridet Lyeus
 Minore clausus margine.
 Ridet modesto Virginis se se vitri
 Examinari congio.
 Mox, cùm secundâ commonens aures vice
 Campana tempus indicat:
 Obedientum nutui sodalium
 Tranquilla tempestat fluit;
 Et innocentes sint licet, puro manus
 Stagno, vel amne perluunt,
 Cumque hinc & inde sistitur; læti Deo
 Alterna plaudunt carmina.
 O quàm modestos læta convivas quies,
 Mutumque sternit otium!
 Vel cum legentis voce suggestus sonat,
 Sacrasque voluit paginas;
 Quæ differrentis stat Dei reverentia
 Evisceratis auribus!

Elingue totum crederes triclinium,
 Et ore facundum unico.
 Tunc in rotundo simplices disco cibos
 Culina fraternâ manu
 Mittit, gulamque egente conditam fame
 Olus modestum temperat,
 Pictique damna Julii, vel horti opes,
 Et artis expertes fabæ;
 Aut hospitalis anser, aut domestico
 Junctæ columbo turtures.
 Assique frustum vile, vel cocti bovis,
 Cicerque lacte naufragum.
 Spadoque gallus, qui tamen Tanagricæ
 Nihil saginæ debuit.
 Non diuiores tunc mihi Nero scaros,
 Lucrina vel conchilia;
 Non sumptuosæ Phasidis mittant aves
 Argiva mercimonia;
 Non citreorum larga malorum strues
 Fissis oberret orbibus;
 Contenta parvo dum meas condit dapes
 Amante Paupertas manu.
 Lactè cibatur, qui cibo quantum satis
 Non plena farcit viscera.
 Famemque gnarus temperare scit ultimæ
 Locum placentæ linquere.
 Posthæc quieto dum canit receptui,
 Mensisque convivas rapit
 Campana, festæ rursus alterno preces
 Hinc inde mullant murmure,
 Manusque tingit lympa, quam siphos ærens
 E fonte stillat stanneo.
 Tum vel serenas inter hortorum domos,
 Textasque ramis porticus,
 Vitatur asper Syrius; meridiem
 Leni domante frigore.
 Vel destinatæ corricem metæ quatit
 Mentitus è ferro lapis,
 Regesque fingit proximos: victoriam
 Quinâ remensurus vice.

Alter rotundas exprobrans mundo pilas,
 Levemque Fortunæ rotam,
 Pilam peritâ jactat & captat manu,
 Verosque Fortunæ jocos,
 Non indecorus exprimens Actor suas
 Fugisse gratatur minas.
 At hi jocosâ castra metantur manu;
 Binosque committunt Duces.
 Ac in tabella discolorè buxeos
 In se incitant exercitus,
 Et ligneorum non leves cadaverum
 Hinc inde moles erigunt.
 Vel ubi quadrato mensa clausâ margine
 Æquam supinat aream,
 Angustiorè eburneis portam globis
Verumque tradunt ferreum,
 Et sena mensæ præcavent foramina,
 Teretisque posticum orbitæ.
 Quod si propinquas quispiam persuaserit,
 Errare ponè populos;
 Quoruscunque pictum floribus tumet solam;
 Vago coronatur pede.
 Quâ vagientes lacrymoso littora
 Rivi peragrant murmure,
 Camposque parvo dividens vado latex
 Puris maritat imbribus,
 Et pigritantem tenuioribus libris
 Arundo prætexit Thetim;
 Umbransque ripas juncus hilarioribus
 Nectit coronas piscibus.
 En dissidentum fluctuum superbia
 Blando refedit margine!
 En somniantis more sub suis hiat
 Stagnum quiescens alveis,
 Lacusque surdis mutus in canalibus,
 Campos aquarum porrigit,
 Udóque siccum marmore refundens jubar
 Solem resorbet naufragum!
 Et jam coruscas vestiens flammis domos
 Crystalla frænât syderum

Vesper : faventes mitius cæli patent,
 Et sole dimisso tepent.
 Jam per supernas porticus sparsas faces
 Accendit ipsa Cynthia;
 Comensque castâ siderum crines pharo,
 Cirrhos repectit Hespero.
 Parcus culinis interim fumat vapor,
 Cænâsq; præfagit leves,
 Quas si juberur esse Cambletes vorax,
 Se non vorabit conjugem.
 Gruisque guttur ambiens Polixenes
 Immane votum corrigeret.

VANAM GLORIAM
 ESSE
 FUGIENDAM.

ODE XXXVI.

PLenâ micantem lampade Cynthiam
 Nemo irretorto lumine strinxerit.
 Quidquid sereniore Numen
 Luce fovet, prohibet videri.
 Sic ille cultæ pictor imaginis
 Obscuriori spario suam
 Invelat artem; publicique
 Invidiam refugit theatri.
 Laus vera vanæ lucra scientiæ
 Evitat ultrò, sæpeque fictili
 Fugatur à plausu & per omnes
 Invidiæ trahitur procellas.
 Ut evibrantem splendidior tegit
 Caligo solem: sic docilem premi
 Cortina laudem. vera virtus
 Ipsa suo latet in sereno.

V O T U M

A D

VIRGINEM MATREM,

Cum Gedanum navigaturus è littore
solveret. Anno 1644.

O D E XXXVII.

NAm me, quis potior regat
Pollux cum focii fidere Castoris?
Quæ me stella fidelius
Inter Sarmatici jurgia Vistulæ, &
Undarum vitreas domos
Servet CHRISTIPARÆ fidere Virginis?
O quæ sole serenior
Extinguis famuli lumina Phosphori,
Vati, Dia parens, tuo
Pollucem, & gemini munera Castoris
Patronâ face suppleas.
Tu crispata trucidis vellera Vistulæ,
Mulcebis dominâ manu.
Tu percussa suis littora fluctibus,
Et mortis dubias vices,
Ventorumque minas, & sibi dissoni
Placabis furias Noti,
Imponesque avidis fræna Aquilonibus.
O seû, *Navis*, ab ultimis
Panem ferre tuum diceris Insulis!
O seû, Argolicæ ratis,
Quam vivo irradiant sidera lumine,
Justo nomine scriberis!
Tu vero potius vivida spiritu,
Argo sis melior mihi,
Ac in portu hilarem constituas meo.

Sic

Sic nec *Portus* inanibus
 Dicêris titulis, sic benè consono
 Plebs devota celeſtimate
 Infractam *Fidei* Te canet Anchoram.

A D

VIRGINEM MATREM.

Cum in eadem navigatione periculofâ
 tempeſtate jaçtaretur, ipſâ die S.
 MARIÆ ad nives, in navi-
 cula dictatum.

CARMEN
 EXTEMPORALE.

ODE XXXVIII.

O procelloſi Cynofura Ponti!
 Quæ perulcorum rabiem Notorum
 Lenè compeſcis, placidaque frænas
 Æolon arte:

Cui modò vernâ nive, dedicatæ
 Colle, Romani, ſuper Exquilino,
 Adſonant ædes; adolentque feſto al-
 taria thure.

Si tibi votam, mea Virgo, cymbam
 Ritè conſcendi; tibi ſi meorum
 Vena metrorum ſonat, & modèſtæ
 Fila Camænæ.

Tu mihi torvas cicura procellas,
 Et rebellantis nimium feroces
 Viſtulæ fluctus leviter reducto
 Stringe caſiſtro.

Sic

Sic TIBI grato celestima cantu
 Per Gedanenses resonabo ripas.
 Sic TIBI crebris cumulabo sacra al-
 taria donis.

A D

M. THOMAM LENTULUM.

Quinam dicendus sit felix.

O D E XXXIX.

Felicem potius, Lentule, dixeris
 Quem durâ Superi pauperi è premunt:
 Quem virtutis avita

Circùm castra beaverint:

Cûi parvo patrius balat ager grege,
 Ac exulta suis jugera dexteris:

Quem non multus adorat

Strictis culmus in horreis:

Cui, dum spiciferis Triptolomus rotis
 Inclinata sibi rura perambulat,

Raris nutat aristis

Maturæ Cereris seges.

Non adversa pavet: non nimiam sui
 Fortunam queritur: non dubiam fugæ.

Damnat, quin abeuntem

Andaci sequitur joco.
 Illi divitias credere tutius

Possunt Fata suas; nam sine jurgio,

Quandocunque placebit,

Concessas reperent opes.

Non illas animo; sed minimâ suæ

Gestat parte domus, sique recesserint,

Virtuti viduatam

Inscribit pretio locum.

I N

IN VENTOSOS
ÆVI
NOSTRI DRANCES.

ODE XL.

INter calentis pocula Cæcubi
 Odi difertos: cedere posthuma
 Labes, verecundumque Martem
 A vitreis prohibere castris.
 Aut si crueni tanta animum coquit
 Cupido belli; si gladium manu,
 Si Martis & Ieri capaces
 Magnanimis animos sub armis
 Gestamus; ultrò vindice Bistonas,
 Et æstuantis cornua Cynthiæ,
 Ferro, minacibusque telis,
 Et solido reperamus ausu.
 Nam quid refusi dilavie meri
 Audita Patrum prælia pingimus?
 Quid tela, in expertumque Martem,
 Magnificis crepat ille verbis;
 Qui concitatâ bile ferocior,
 Bellace linguâ prælia conferit?
 Quid iræ inermes, quid diferto
 Ore ferox, sterilique pugnax
 Sermone miles? scilicet eloquens
 Orator acrem vicerit hostium
 Ferrique mellêm; cum minaces
 Explicuit super arva gyros,
 Cernique nolit; cum procul igneos
 Accendit agros; cum radiantibus
 Et ipsa vulnerantur armis
 Lumina, sub trepidoque nictant

Ferri sereno. cum gravioribus,
 Impleta rauco machina murmure,
 Plumbi perorabit figuris
 Et resono dubium movebit
 Horrore bellum. Tam mihi scilicet
 Te bellicosi suaseris enthei,
 Justique consortem furoris,
 Ní gladio frameâque grandes,
 Inter calentúm rostra Quiritium,
 Et fluctuantis classica prælii,
 Gestus redordiris; cruento
 Ense minax, rigidoque plenus
 Mavorre miles! Cedite dexteris
 Disertiorum verba Quiritium;
 Hunc ritè faciundum putabo,
 Qui quod ait, probat ense, miles.

ENTHUSIASMUS

Priori accinens.

ODE XLI.

Votis feroces, languidâ ferrum manu,
 Martemque linguâ stringimus.
 Exaggeratis viribus Chronographus,
 Pugnata quisquam prælia,
 Crepatque pugnâs; computans fusos mero,
 Ridente mensâ Bistonas.
 Hâc ibat, inquit; ibat hâc, inquit, fugax
 Besso remistus Artaces.
 Instabat inde ferreis hirtus comis,
 Junctus Polono Littavus.
 Pictorque digitis allinit conopea,
 Et castra pingit poculis.
 Meroque guttur diluens, inquit, cruor
 Tantâ fluebat copiâ.

Ferri

Fo-

Fossæque tantis ebrææ cruoribus
 Tabo madebant hostium.
 Tum pro salute patriæ libans merum,
 Hâc arte supplet sanguinem.
 At, o! saluti quisquis est amior,
 Vinum cruore suppleat,
 Fërroque linguam, præferat verbis manum
 Vivis perorans gestibus.
 Pictoris audax non eget Mavors manu,
 Bellacæ gaudet dexterâ.
 Membrana cuiquam perfidum Getæ caput,
 Sint penicilli spicula.
 Tribunus ensis, roboris testis tui,
 Sigilla cerasque imprimat.
 Censura magni pectoris facit viros,
 Martisque Cancellaria.
 Equi è cathedrâ celsior miles sui,
 Supplente verba verbere,
 Peroret alter Tullius, plausum Scythis
 Orator annuentibus
 Laturus; arguente quâ cervix manu
 Robar disertum comprober.
 Suâ disertus si quis est Heros manu,
 His his peroret exedris.
 Qui cum Gelonis conferit fortes manus,
 Justè triumphos disferit.

A D

BARNABAM MÆNIUM.

De suâ quiete interrogatus.

O D E XLII.

DUM procellosi tumer ira Martis;
 Dum truces rauco litui fragore
 Personant. cur me recreat quietæ
 Daphidis Umbra?

Cum

Cum fatifcentis medijs ruinæ
 Orbis incertos labat inter ictus.
 Dum timent gentes, dubiusque stare
 Fluctuat orbis;
 Ferior, Mæni; mihi parva magnam
 Sors tulit pacem; mihi cedit ultrò
 Triste curarum senium, & molesti
 Imperus ævi.
 Temnit iratas levis ulva nubes,
 Temnit insanum Boreæ furorem;
 Cum potens cæli Notus eminentes
 Proruit ornos.
 Ast minax astris, nimiumque cælo
 Culmen, infestis agitur Euris.
 Et repentinis feriuntur altæ
 Ictibus alni.
 Sic ego parvâ ravidam staturâ
 Ludo fortunam; tenuique fata
 Sorte declino, nec avara pauci
 Tela cruoris.

SUSPECTA FELICITAS

Ad Petrum Antimum.

ODE XLIII.

NIL felicibus, Antime,
 Optabis melius morte. ferocia
 Frustra fata vocaveris,
 Cum magni rapiunt pegmata nominis.
 Felix ille vocabitur,
 Qui, dum fata vocant, immemori simul
 Curas in tumulo premit,
 Et secum moriens spes sepelit suas;

D

Ac

Ac vanæ lucra gloriae,
 Ille aut seposito conditus aggere,
 Aut magni strue marmoris,
 Edormit tacito fata silentio,
 Securoque jacer situ.
 Nec pallens rabidæ fortis ad imperum,
 Urnâ protegitur suâ.
 At qui perpetuo sollicitus metû,
 Infelix fieri timeret;
 Felix esse nequit, vivit; at in dies
 Votis immoritur suis.
 Et fluxas tremulâ spes librat in manu.
 O me! (si juga Phocidos,
 Et sublime sacri culmen Apollinis
 Faustis passibus attigi,)
 O me præteritis Diva periculis
 Vatem Relligio erudi!
 Ne dum fors nimio volvitur impetu,
 Voti prodigus & mei,
 Aut spes, aut nimios corde agitem metus.

V O T U M

A D

VIRGINEM MATREM.

Pro graviter læsa, erumpente pyrobolo,
 dextera manu.

O D E XLIV.

EN quam molestis pressa doloribus
 Et sulphurato faucia pulvere
 Tumescit, o Mater! tuarum
 Dextra memor, memor usque laudum.
 Illa, illa quondam virginibus tuum
 Mandare chartis nomen, & igneas
 Assueta stellarum choreas,
 Et famulæ pia strata Lunæ;

Heu! illa, quondam quæ tibi deditas,
 Quamvis minoris carmine tibiæ
 Distinxit horas; contumaci
 Opprimitur manus à dolore.
 At si tuarum non vacuus cani
 Laudum magister plebis ab agmine
 Dicor, *Marianusque vates*
 Pieriis geminor Camænis,
 TIBI dicatam, Dia parens, manum
 A tam molesto tubere vindica.
 Et ipsa digneris vocari
 Certa meæ medicina dextræ.
 Illam, illam honoris sollicitus tui
 Tibi sacratis versibus illicet
 Lassabo; maternumque nomen,
 Et medicam resonabo dextram.

A D A M I C U M.

Ob insperatum fratris obitum,
 Consolatoria.

O D E X L V.

CUR hæu dolori penè succumbis tuo!
 Totusque lacrymis diffuis.
 Et nunc severa criminariis Numina;
 Nunc triste fatorum genus.
 Nunc jurgiosis impotens singultibus,
 Menses & horas increpas.
 Furesque stellas, invidiosque cælites,
 Polumque raptoem vocas.
 Ah! siste mentem; siste viventis genas,
 Frænos doloris attrahe.
 Ut funeremur, nascimur. propè nemini
 Impunè nasci contigit.
 Ipse, ipse vates sortis est infans suæ,
 Mortemque passurus gemit:

Et pænè in ipsis præficam cunis sibi
 Agit, canitque nœniam;
 Quandoque nasci dicitur, mori incipit,
 Ad fata proclivis sua.
 Cuicumque nasci contigit, restat mori.
 Hâc lege se teneat dolor.

A D

AUGUSTINUM FEIRVARIUM.

FAMÆ SCIOTHERICUM

Magni nominis umbrâ descriptum.

Famam magnumque nomen senum vesti-
 gia premere, juvenum anteire.

ODE XLVI.

CUM tibi pulchro speciosa cinctu
 Vita florentes cumulabat annos;
 Non reversuro tua te præibat
 Gloria passu.
 Ast ubi canâ nive dedicatum
 Opprimis vernæ specimen juventæ;
 Retrò jam flexis tua te frequentat
 Gloria plantis.
 Sic per inflexas revolutus umbras
 Cum recens natæ teneram diei
 Phæbus ætatem, dubiasque nosci e-
 xaminat horas:
 Semper adverfo sinuata sole,
 Et stylum certis imitata signis,
 Gnomonis centrum, docilemque virgam
 Anteit umbra.

Ast

Ast ubi se jam prohibens videri
 Phæbus in multas adolevit horas ;
 Cum senescentis tremulam diei
 Explicat umbram ,
 Quæ super planum modo scripta murum ,
 Indices primæ radios diei
 Umbra præibat , sequitur minores .

 Umbra lituras .
 Sic parum certis agitata pennis
 Fama nascentes præit usque laudes .
 Sic minor nosci sequitur vetustos
 Fama triumphos .

Sic diem fero rapiente Phæbo ,
 Contrahit parcum retroacta vultum
 Fama : sic gestit periisse magni
 Nominis umbra .

AURORA CONSURGENS.

In ipsa nascentis DEIPARÆ Aurorâ.

ODE XLVII.

Surgamus ! Jo ! jam minor aspici
 Nox evagantis cornua Cynthiae
 Extinxit , addictasque soli
 Alma dies properavit horas .
 Jam manè primis subrabet ignibus ;
 Atraque nubes nectareum polus
 Distillat in rorem ; hinc beatas
 Atva bibunt , tumulique guttas .
 Quis ille verò Phosphorus auream
 Solis propinquo lumine purpuram
 Accendit , insomnesque quondam
 Cæli oculos renuente cerni
 Oppressit auro ? quæ roseo micans
 Aurora vultu ? quam geminus sacri
 Pudoris inflammavit ardor ;
 Ingenuis cremat astra flammis ?

D 3 .

Quana

Quam ponè densis fusa caloribus
 Se se ipsa tanto lux stupet impetu ;
 Sacerque se miratur ignis
 Insolito radiasse cælo.
 O sempiterni Phosphore Cynthii !
 O nata faustis STELLA favoribus !
 O dulce subluces futuri
 Solis amor, meliorque mundi
 AURORA salve! se tibi florida,
 Jam non inani nomine, Nazareth;
 Submitte; in tuasque totus
 Veris honor subiisse cunas
 Festinat ultrò. se tibi lilia,
 Palmæque, & omnis pompa virentium
 Stravisse pratorum, & perenni
 Elore sacras redimire plantas
 Gratantur. ohe! quas video procul
 Inter micantum sidera nubium
 Fervere pompas! quis per altos
 Cælitum volat horror agros?
 En ipse tandem se famulis DEUS
 Permisit astris; vox resonantium
 Auditur è rima polorum,
 Cresce meis, mea Virgo, votis.
 Quæ post minorum examina mensium,
 Et Mater olim, & Virgo vocaberis.
 O vile nil unquam relucens
 Perpetui Cynosura Solis!

A D

EMERENTIANUM RUFUM.

Internorum motuum molestiam
exaggerat.

O D E XLVIII.

NON est, ut populo placet,
Parvum, Rufe, malum, dissociabilis
Tempestat animi. Magis
Intestina nocent prælia; & integro
In vultu latitans furor,
Internisque animus diffidiis hians.
Nam dum perpetuis sibi
Inensus studiis ambigit, & propè
In spes prominet exteras:
Casuro similis pender, & omnia
Hostili insequitur manu.
Sic se mobilium murmure fluctuum
Insani reprimunt Noti:
Sic infensa Theis spumat, & in suis
Se se fluctibus obruit;
Incertisque agitat littora pulsibus.
O constans animi quies!
O sudum placidæ mentis, & ecstasis,
Curarumque sacer sopor!
O me! quis cupidum mi
Nunquam degeneri sopiat otio?
En hîc, quæ vitreus latex
Ripas follicitâ præteriens fugâ
Somnos suadet amabiles,
Curarum vacuum sternor in otium!

A D

JOSEPHUM TALIARCHUM.

De inani vestium luxu.

ODE XLIX.

NON Canopæis, Taliarche, textis,
 Non Molucano satiata fuce
 Commodè vestit toga; nec remoti
 Lana Pelori.
 Cur peregrinæ suæ terga vulpi,
 Et coloratis maculas Hyænis
 Invides? cur te Lycaon lupino
 Hispidus armo,
 Aut suâ Lynceus cute, duplicique
 Allicit villo? licet hic & ille,
 Ut vetus rumor cecinit, ferinus
 Induit artus.
 Pluma nos vestit, volucrumque pennæ,
 Aut sibi raptis olor orbus alis,
 Aut Tunetano levior natare
 Cauda capillo:
 Hic, ubi pictam celebrata Sidon
 In rudes lanam glomeravit orbes,
 Hic ubi tinxit Phrygio bibaces
 Murice vestes:
 Hic, ubi ductis operosa filis,
 Inter æstivos Babylon tepores,
 Molliter texto simulat nitentem
 Vellere nubem:
 Aut ubi priscae studio Minervæ,
 Inter illimes Acaronis undas,
 Najades versant teretem madenti
 Pollice fufum.

Alter

Alter excurrat Sinicisque vestes
 Quærat in ripis; mihi lana simplex,
 Et niger pannus pretio levatus

Contegat artus.

Ille vulpinas animet vel ipsis
 Moribus pelles; geminamque totus
 Induat vulpem, rabidosque Pardo

Jungat & ungues.

Hic lupo vastum, lupus ipse, guttur
 Commodet; torvam rabiem lupinis
 Excitans villis; Tygridemque corde &

Corpore gestet.

Me domi natus levioze pannus
 Induat villo: vel atrociori

Si furat brumâ Lechicis timendus

Jupiter arvis,

Cum per hybernas gravior pruinas
 Frigidum cyclus revehet Decembrem,
 Me rudi lanâ spoliatus olim

Induet agnus.

A D

P O T E N T I S S I M A S E U R O P Æ G E N T E S .

De recuperando Orientis Imperio.

O D E L .

S I nec minorum spernis idonea
 Mandata vatum; duc age Pegason,
 Sertisque frænatumque lauris,

Aonio DEA nota colli.

Ibo, ibo vastis quâ patet atriis
 Erraticorum patria siderum;

Ibo per obstantes coluros,

Qua solidi geniale solis

D 5

Lu.

Lucescit aurum; quæ vaga Cynthia
 Argenteorum lumine cornuum
 Præit renidentes Planetas;
 Quæ nimio polus ardet igni,
 Ibo viator; me nec inhospitus
 Terrebit axis; me nec Olympicæ
 Ursæque, Taurique, & superbus
 Marmorico Leo sistet ungue.
 Me fessus Atlas, me celer Hesperus,
 Postquam propinquo jungere Phosphoro
 Et noctis auctores & ortus
 Jussit equos, rutilante curru
 Vehet per alti devia climatis,
 Camposque cæli. Jam mihi patrius,
 Jam pene decrevisse mundus,
 Jam minimæ periisse turres,
 Orbisque punctum villius aspici;
 Et concitatis recta vaporibus
 Devexa sensim non videri
 Incipiunt, vacuoque gentes
 Hiant inani. Jam mihi sidera,
 Auro repexis vecta jugalibus,
 Hinc inde certatim ferenis
 In numerum crepuère flammis,
 Illinc Bootes, hinc gravibus rigens
 Armis Orion, cominus obvios
 Currus salutare, & canori
 Eloquium geminare plectri
 Gratantur ultro. Jam mihi, quæ propè
 Equata binis sæcula lancibus
 Dispensat, effetosque menses
 Virgo suis glomerat catenis.
 Hinc Iûs, illinc Triptolemo comes
 Jason, reductis nubila brachiis
 Stipant, peregrinumque vatem
 Sidereo recreant sereno.
 Hic me, sed ehèu! quam lacrymabili
 Salutat auro Cynthia, hèn dolor!
 Inquit, Corallorum pudendis
 Mancipium prope, Phæbus, armis,

Tot jam recentes præcipito dies,
 Tot subjugatâ luce meridiem
 Adverto; nec quisquam nefasta
 Audet adhuc minuisse vincla.
 Nunquamne primo mane serenior,
 Et nec dum adultis mitior ignibus,
 Videbo surgentes Polonos,
 Cum patriis solidantur armis,
 Et Martiales fortibus induunt
 Lyncas lacertis: non tibi Battave,
 Vastumque qui potatis Humbrum,
 Et trepidi vaga stagna Trentæ
 Hauritis Angli, non tibi nascitur
 In subre Phæbus? sic ne Othomanidis,
 Torvoque captivus Gelono
 Perpetuo famulabor ortu?
 Sic fatus alto non sine murmure
 Largo madenti flumine lividas
 Immerfit in fletu querelas,
 Et rubeo pudefactus ostro,
 Me sub paternis, nescio quomodo,
 Reliquit astris. hîc ubi tetricis
 Despumat Arcturus procellis;
 Et gelidas male tractat Urfas.
 Hîc qua Polonis Vistula vitreas
 Propinat undas; quâ celeres fugæ
 Isterque lubricusque Varta,
 Sarmaticæ lavat arva terræ.
 Hinc vos canoro carmine, posteri,
 Compello vates; hinc lacrymabiles
 Phæbique & astrorum querelas
 Pierio meditabor auro.
 Tantumne nobis occidit, & suum
 Abscondit ortum Phæbus? an aureos
 Ignava non meretur ignes
 Posteritas, radiumque Phæbi?
 Senesne tantum, nec vegetos dies
 Seram recedens mane sub Hesperum
 Illuminabit, & fatigato
 Occidnam feriet fenestram

Aurora curru? Surgite Martiæ
 Manus; feroces surgite posteri;
 Diesque nascentemque solem
 In proprium, repetente ferro,
 Cogatis orbem. Surgite Sarmatæ,
 Mavortiarum lumina gentium;
 Vobis Gelonorum nefasto
 Erubuit toties pudore
 Aurora Mater. vos refugus Getes,
 Canæque sensit bruma Propontidis.
 Vos Moschus, audacesque Bessi,
 Vos Scythicæ pavet ora terræ.
 An jam mucrones & gladii minas
 Torpor remisso cretus in otio
 Recudit in falces? & hastas
 Connubii socius pudendi
 Jussit maritis nubere vitibus,
 Fædoque Bacchi Martia spicula
 Gravavit amplexu, nec ipsum
 Esse sinens sine prole telum.
 Nec dum ne nostris montibus erutus
 Chalybs severi cuspidis arduas
 Promittit iras? heu! nec ullo
 Æs galeas coquit in camino?
 Nondum remotum natus ad Ausidum
 Faber futuros cudit acinaces?
 Quis torva Turcarum procella
 Trans geminum redigatur orbem
 Metasque terræ: quis Othomanidum
 Asserta nostris Cynthia legibus
 Utrumque reclinasse cornu,
 Et domino spoliasse crines
 Cogatur auro: quis tibi Vistula
 Jungamus Hebrum, Bactraque patrio
 Addamus Istro: Carpathoque
 Et comites Heliconis artes,
 Et te Latinis non inimicior
 Parnasse Musis; quis juga Phocidos
 Ortumque & Auroræ pudorem
 Sarmaticis sociemus astris?

Surgetis? ehêu! Surgite posteri.
 Molles virili rumpite classico
 Somnosque torpentesque dextras,
 Et viduum sine laude Martem.

A D E A S D E M

Mutuis inter se armis collifas.

O D E L I.

A T non vel enses, vel clypei vacant;
 Quos in suorum sanguine civium
 Insana demersit libido;
 Eque suis capita alta membris
 Totum cruorem fundere prodigo
 Persuasit amni. Scilicet aureis
 Caput coronatum micabit
 In radiis, teretique gemmâ,
 Si membra fuso debita sanguine
 Tributa fundant. non benè Regio
 Offasa fulgebit sereno
 Cæsaries, quoties cruentus
 E subditorum vulnere sumitur
 Daturque census. ut malè corrui
 Exangue sterniturque corpus;
 Sic proprio viduara cive
 Regum potestas. Parcite Principes,
 Inominatis parcite cædibus:
 Lapsisque parciole ferro
 Excidium prohibete regnis.
 Vivone, quod non crediderim, piget
 Præesse vulgo? num morientibus
 Regnare nec quidquam pudebit
 Civibus, in tumulisque laras
 Scripsisse leges? sistite pro dolor!
 Et Christiano parcite sanguini.
 Cur vestra; pro pudor! severos
 In gladios abiçre sceptrâ.

Jam pene rauco parcite classico,
 Nam qui tyrannis imperat ensibus,
 Rarò cruentatis retenta
 Regna diu moderatur armis.
 Mersæ frequenti funere, pæneque
 In se ruenti parcite Principes
 Naturæ, & in vestris sepultum
 Visceribus remouete ferrum.
 Vel si craenti tantus amor viget
 Ferri, & furoris protinus arduum
 Inflate cornu: non verabo
 Odryfias sepelire turmas
 Et in suorum funere civium.
 Non arma Thracum protinus in suo
 Fixisse tabo, non furores,
 Non rigidum prohibebo ferrum;
 Non arma, Reges. dum modò mutuis
 Pax fascinato refrita classico
 Conspiret armis, & fideles
 Unanimi grauer ære dextras.
 Saltem remoti in vortice Bosphori
 Navisfragantum lintea navium
 Mergantur, audacesque peltæ
 Sithoniis vireant sagittis.
 Non parcus iræ, non ego Martiam
 Verabo pubem Barbaricis manus
 Inferre signis; non Gelonis
 Vulneribus grauius libratum
 Mersisse relum: non iuvenilia
 In præliantium pectore Bistonum
 Arma experiri, & auspicatum
 Cædibus exacuisse ferrum.
 Horrete telis, tympana tundite,
 Armate classes tela refundite,
 Exercitamque in severum
 Martis opus glomerate pubem.
 Non arma vestitis, non frameas ego
 Extrudo dextris, non solido latus
 Exarmo ferro; sed nec ipsos
 In dubium revoco furores,

Bellique causas. hoc precor unicum;
 Vobis propinqui parcite Principes.
 Vobis & arma & militares
 Ferte manus, meliusque vestrum
 Locate robur. Si tituli placent,
 Et causa belli, nomina, si cruor,
 Urbesque, Regnorumque census;
 Fertilius titulisque Regnum.
 Censuque vestris sinibus imminet.
 Nostriisque quondam rapta parentibus
 Throphæa versat, ampliores
 Hic titulos sibi quisque quærat.
 Hic subjugatæ rector Achæiæ;
 Albinianis ille vocabitur
 Primasque Regnatorque terræ
 A populis, famulosque scepro
 Reget Pelasgos. hic Macedonici
 Magnique fines occupet imperiū.
 Hic Bactra, Locrorumque censum, &
 Æmatium capiti addat aurum.
 Hinc Doris, illi solvat Alanicum
 Tributa vulgus. hinc ebur Anticum
 Phocisque, Delphosque, & Methone;
 Perpetuò famuletur Isthmo.
 Hic Lambianis, ille Corinthiis
 Regnabit heros; juraque Besbico
 Incidet in saxis colono,
 Memphiticis animata cælis.
 Hic Sestianos; hic moderabitur,
 Multo natantes æquore Cycladas,
 Paronque, Naxumque, & Coronen;
 Et Scythici nova lustra Nessi.
 Minusne laudis quisque putaverit,
 Superbientis cornua Thraciæ,
 Arcesque Bizanti, & probrosi
 Mænia diripuisse Daci,
 Quam subditorum sanguine sordidos;
 Inter procellæ fulmina civicæ,
 Ensisque, cognatasque dextras,
 Et patriam maduisse terram?

Tandem cruentas jungite dexteras ,
 Tandem labanti parcite Patriæ ,
 Mundóque ; conjunctisque Turcam
 Viribus aggrediamur hostem .
 Nondumne partis non sine laureis
 Junctas perenni fœdere dexteras ,
 Nondumne complicasse signa
 Austriacis rutilam tenebris
 Fumóque belli cernimus alitem ?
 Nondum nefastæ pró dolor ! ærea ,
 Pugnæque . concordisque Martis
 Bistonio seges hórreret agro ?
 Nondumne mistim cerno micantia
 Horrere multo L I L I A milite ?
 Nondum Leones & nitentem
 Sarmaticis A Q U I L A M manipuls ?
 Nondum propinquus desipuit cruor ?
 Nec pro Garumnæ flumine Peneum ,
 Hebrúmque pro Rheno , & remotum
 Haurit eques galeis Tibiscum ?

In diei cujusdam diluculo

A D

VIRGINEM MATREM,

Auroram suam.

O D E L I I .

J A M rariores excubant cælo faces .
 Jam lassæ nictant sidera ,
 Sacérque Marti gallus è somno excitæ
 Salutat auroræ jubar :
 Et Martiali classicum cantu ciens
 Soli futuro præcinit .

Sur-

Surgamus! O quæ SOLIS Æterni PARENS
 AURORA Virgo diceris.
 Musis amicum sidus exorere meis,
 Natumque collustra diem.
 Tuo futura surgat in sinu dies,
 Et vesper expiret senex.
 Surgamus, & ter Virgini sacratum AVE,
 Bonamque dicamus diem.

A D

FRANCISCUM RUBIUM.

Temporis pretium commendat.

ODE LIII.

I Mò tunc etiam, Rubi,
 Cum vitam trahimus, perdimus, & leves
 Parcarum terimus colos,
 Lassamusque citi stamina sæculi.
 Quâ quisque est genitus die,
 illâ mortis iter cæpit, & arduam
 Leti currere semitam
 Æternùm fugiunt sæcula: quælibet
 Fato sit propior dies.
 Et quidquid puero temporis additur;
 Vitæ detrahitur suæ.
 Sed (proh!) quis pretium temporis æstimat?
 Quis lapsos numerat dies;
 Annorùmque fugam? quis morientium
 Inter funera mensium,
 Vitæ rupta suæ licia computat?
 Hic vanos sequitur Notos:
 Hic fumosa suæ nubila gloriæ.
 Hic labentia syderum
 Rimatus dubio examina lumine,

Cælis

Cælis imminet omnibus,
 At sese interea negligit, & sua.
 Hic, quò plura recentibus
 Gazis accumulæ, se minuit; neque
 Scit quòd fiat egentior,
 Dum sese ipse caret. Quid memorem, quibus
 Dum quærantur opes, ruunt
 Perdunturque animi Pluribus, heu dolor!
 Nec nati pereunt dies.
 Sic dum perpetuis mentibus obvii
 Æternas terimus moras;
 Urgent prona suum Fata negotium.

AD AMICUM.

Se esse quiete suâ contentum.

ODE LIV.

ME teste quidvis & facere & pati
 Avebo, vates. non mihi confono
 Aut circus applaudit tumultu,
 Aut resonum faveat theatrum.
 Secretus omni plebis ab agmine,
 Inter quieti claustra silentii
 Somnumque curarum latebo,
 Nec nimiis dabo vela votis
 Securus ævi. Non ego publica
 Admurmurantum vota sodalium
 Vovebo; sat capax theatrum
 Ipse mihi, mihi testis ipse.

FER-

FERREA JASONIS POSTERITAS

E Tot intestinis diversarum gentium
bellis recensita.

ODE LV.

SÆpè de jactis animata saxis
Entheatarum soboles petrarum,
Sæpè narramur lapidosa priscae
Pignora Pyrrhæ.
Namque dum, totâ pereunte terra,
Unicum merfus foret æquor Orbis.
Cuncta dum magnus fierent novarum
Campus aquarum;
Fertur in parvi trabe clausa lintris
Per sepultarum superas natasse
Turrium pinnas sociata sancto
Pyrrha marito.
Tunc per excelsos nemorum recessus
Hinc & hinc sparsæ jacuere Phocæ.
Tunc Thetis lætos stupuit sub alto
Æquore campos.
Hic suos alter sinuasse remos,
Et repentinas agitate cymbas
Dicitur, curvis ubi nuper arva
Torsit aratris.
Nulla frænatum cohibere Pontum
Ripa dimotis poterat fluentis,
Nulla dispersos poterant domasse
Littora fluctus.
Hic, ubi celsis propior Planetis
Hæmus assurgit, madido procellæ
Hæserant limo, veterique major
Nereus alveo,

At

At simul toto fugiente Ponto,
Ac in antiquas remeante ripas,
Fertur in primos iterum rediisse

Orbita vultus:

Et simul docti soboles Promethei
In super stantis bifido stetitisse

Colle Parnassi, sacra naufragi com-
pendia mundi.

Ne tamen merso viduata cive
Terra squaleret; Themis imperarat
Projici post se graviora magnæ

Ossa parentis.

Sic in humanos recreata vultus
Saxa surgebant; simul hinc maritos.
Vir jacit; jaçtat simul hinc marita

Pyrrha maritas.

Nec pari cunctos genuisse saxo
Juverat: paucos melius politum
Marmor effudit, variisque picta

Fragmina venis.

Hunc flex, illum popularis orbi
Petra donavit: pretiosiore

Neminem fama est tamen excitatum

Esse lapillo.

Nullus offusus adamante venis,
Aut coruscanti satus è Berillo

Nullus è gemmis, solidoque vitam
Traxit ab auro.

Quin licet plebem rude, nobilesque
Cultius saxum tulit; his & illis

Dura nativo riguisse narrant

Pectora saxo.

Nos tamen (si quæ veterum probata
Stat fides vaturn) propè duriore

Dixerim ferro genitos, vel arcti

Aere metalli.

Nos Chalybs, vel si magis esse quidquam
Creditur durum, male pertinaci

Induit vitâ; rigidissque strinxit

Pectora fibris.

Hinc amans ferri chalybumque proles,
 Et tot infensis agitata castris;
 Ferreos ipsis gladiis, & hastis

Prodimus ortus.

Quin & illorum seges esse dentum,
 Quos venenati sanie draconis
 Ritè perfusus Minyos Jäson

Sparfit in agros

Jure credemur; quoties scelestä
 Arma civili glomeramus ære.
 Et reluctantes terimus propinquis

Cædibus enses.

Jamque per terras, juga, stagna, montes,
 Quæritur letum, residetque Parcæ;
 Jamque pacato pudor est quietum oc-
 cumbere fato.

Hic propinatam, reboante Ponto,
 Cum mari mortem bibit; hic cruentos
 Emovit fluctus, proprioque mistam

Sanguine lympham.

Alter ereptis viduatus armis
 Propriâ Martem renovat ruinâ.
 Et dolet, si non comes hostis atrum
 Scandat ad orcum.

O nimis laxis saturæ ruinis
 Impium gentes cohibete ferrum.
 Ne vetustorum maneat fidelis

Fabula vatum.

Non exile damnum esse inconsultam
 donationem.

ODE LVI.

Donum qui malè collocat,
 Urget magna novo damna negotio.
 Frustra spargitis aurea
 Reges munificis munera dexteris.

Non

Non dat, sed sua projicit
 Inconsulta manus. qui temerè ferit
 Laras semen in areas,
 Parcâ melle suis prospicit horreis.
 At qui quærit idonea
 Mandandæ segeti jugera, largior
 Hunc circum viruit Ceres,
 Centenoque operam fânore sarcit.
 Sic nos cum damus obviis,
 Ingratos facimus; nostrarque prodigè
 Dando, munera perdimus.
 Felix qui geminâ lance beatior
 Equavit meritis manum.
 Libratamque pari munere gratiam.

A D

VIRGINEM MATREM.

Cynthiam suam.

In cujusdam diei crepusculo.

O D E L V I I .

E N per supremos deciduæ tholos
 Horæ reclinem præcipitant diem!
 Tibique, Virgo, jam se anhelò
 Prona dies senio, & supinis
 Inclinat umbris. Pande fidelius,
 Tuo beatos pondere cardines:
 Stellasque, supremumque noctis
 Imperium, vigilesque cæli
 Impelle flammæ. Si tibi gemmeo
 Offusa surgunt cornua lumine;
 Si casta non frustra vocari
 LUNA cupis, teneroque frontem

Ac-

Accendis argento. O nive purior !
 O innocenti candidior rosâ,
 Permite defessum parumper
 Teste polo accubuisse vatem !
 Permite blando sparsa papavere
 (Quamquam molestæ cura vetet chelys)
 Et membra, projectumque corpus
 Hocce super jacuisse strato.

A D

THOMAM NAQUINIUM.

Melius illum sapere, qui in herba medetur
 vitiis.

O D E L V I I I .

CRescit dum pateris scelus,
 Fæcundoque caput tollit in otio
 Impunita protervia.
 Tunc, cum purpureis halat ager rosis,
 Palantesque rubentibus
 Inserpunt violæ per sata brachiis,
 Non pigræ patiens manus
 Herbas dissimulet falx; juveni ferox
 Non parcat ligo carduo.
 In primo facilis flore pati manum
 Paulatim gravius ferit;
 Vellentemque sequi pænè manum nequit
 Annorum numero senex.
 Nil est ira sibi quod vetitum putet,
 Provestusque furor, magis
 Maturum feriet, si pateris, nefas.

A D

MARIANUM ANNEUM. FA

O D E L I X .

Dixeras nuper ; melius perorat,
 Qui per exemplum solidasque praxes
 Verba supplevit ; loquiturque vivos
 Vota per actus.

Dixeras , quin nec caruere nostro
 Verba consensu , meliora mutus,
 Suadet Orator : superat loquacem
 Dexteram linguam.

Attamen cano pereunte mundo ,
 Rarus exemplis , solidæque praxi
 Æmulus pareat. caret illa primo
 Robore virtus.

Sic licet primos Oriens nitores
 Æthiops natæ videat diei :
 Atra nocturno tamen ipse fuscet
 Membra colore.

Quin nec Ascreæ patiens Camænæ
 Temnit inflexum piger orbis aurum.
 Nec lyre , nugis satur , obsequentem ac-
 commodat aurem.

Et licet quondam lapides canendo
 Traxit Amphion ; tamen ipsa multis
 Displicet morum chelys , & severi
 Testis Honesti.

Jamque mordaces Satyros vocamus ,
 Si quis audaci memorat vetustam
 Voce virtutem , cytharæque primos
 Suggestit annos.

Fallimur ? quidquid stabilis priorum
 Gesserat virtus , male feriatam
 Damnat ætatem , sterilesque laudem
 Exprobrat annos.

A D

UM. FAMIANUM ARANDAM
FRAGMENTUM
POLITICUM.

De Liberalitate Principis.

ODE LX.

AT nec tributum pendere nescius,
 Se subditorum munere Regio
 Audire VECTIGALEM avebit
 Munificus, Famiane, Princeps.
 Non ille frontem contrahit ad sui
 Petita vulgi. non popularium
 Surdus querelarum molesto
 Accumulat sua lucra censu.
 Et illa tantum computat, ac sua
 Importat arcæ, quæ tenues opum
 Effundit in cives; suarum
 Largus opum, & sibi pauper uni.
 Sint plura quæ dat, quam capit, indigo
 Illata fisco. Non ego nundinas,
 Turpemque mercatum probabo
 Si cupidus sua dona Princeps,
 Decusque magni nominis aureâ
 In lance librat: Si meritis datum
 Præponit aurum; vel repensum
 Es gladio frameisque nummos,
 Ille ille magnis dignior asseri,
 Quem larga plenis copia cornibus,
 Pronæque liberalitatis
 Egregiæ comitantur artes,
 Et non coactis munera passibus.
 Ultroque dandum quod petitur, cui
 Anhela prævenisse vota, &
 Munificum libet esse gratis:

E

Ma-

A D

Magnetis aurum si subbeat vices
 Trahentur enses, fortior est manus
 Onusta donis, nemo Thraces
 Non feriet, modo NERVUS adfit,
 Quin & retulo jam senio putres
 Senioris cote pecuniæ
 Limantur enses, sic virorum
 Et meritorum opulentus emptor
 Antiqua Princeps secula prorogat;
 Sic pæne ab ipsis Manibus Hectoras,
 Codrosque, Mutiosque & altis
 Scipiadas revocans ab umbris,
 Depræliantum nobile Jasonum
 Instaurat ævum, non pudet Herculem,
 Novosque sub signis Achilles
 Munifici meruisse Martis.

PÆAN LECHICUS

An. Dn. 1645.

Invicissimo Poloniæ & Sueciæ

REGI

VLADISLAO QUARTO.

ODE LXI.

JAM mihi multis revoluta chartis
 Crescit in plenam Lechias staturam;
 Jam Marianis redimita vernant
 Tempora fertis.
 Ite vulgares procul, ite plausus,
 Ite plebeix monumenta famæ.
 Ite, nil restat populare tenis
 Dicere nervis.
 Te, Sub-Arctoi Moderator Orbis,
 Te per Afcrae traho fila buxi,
 Te renidenti tremulum loquetur
 Barbiton auro

Ipse

Ipse devotis tibi servit armis ;
 Rauca dum raras tuba scindit auras ,
 Præses armorum ; tibi fæderatus
 Militat æther.

Hinc tibi magnas dicat unda puppes ;
 Hinc laceffitis tremit æthra contis ;
 Inde torrentes pudor undat alto
 Sanguine campos.

Hinc tibi strati poplitis minores
 Supplicant Moschi ; trepidique Thraces
 Indè ; decrescunt Dacica caducis
 Mænibus urbes.

Tu dlu castæ Cereri negatos
 Vindicas campos. foliisque Bacchum
 Induis , cæsas viridi coronans
 Palmite silvas.

Te sibi sero moriente Phæbo ,
 Te sub Eois oriente tonfis ,
 Læta rumorum loquitur fideli
 Voce juventus.

Te canunt mistæ pueris puellæ ;
 Te docent parvos geminare natos
 Sedulæ matres , quoties renatus
 Nascitur ortus.

Hic ubi pigris taciturna ripis
 Mortui campos lavat unda Ponti ;
 Hic ubi plenus nimis Phætera
 Æstuat horis ;

Te coronatis Cynosura bigis
 Per triumphati vehet arva cæli ;
 Te per ignitum jubar , & pudicas
 Memnonis arces.

Te fatigatus pharetrâ Gelonus
 Audiet fractis levior sagittis.
 Ter tibi pronâ Cydari severas
 Exuet iras.

Ibis in nostris per inane pennis
 Nubium Victor , dominusque cæli.
 Ibis emotas spatiat inter
 Ætheris arces.

Nescit in parvis latitare terris
 Arduo virtus stabilita nisu.
 Nescit in parcis habitare clausi

Sepibus orbis.

Te tuis quondam superata bellis
 Luna vicinos doceat Planetas,
 Dum triumphales tacito stupefcit

Axe Polonos.

Te sibi crebris Boreale cælum
 Nutibus monstrat; tibi laxiores
 Dedicat stellas polus, ac utramque

Destinat Arcton,

Sed tamen nondum facilis precari
 Differas cælum, cupidosque soles.
 Regios donec tibi grande canos

Sepiat aurum.

Patrio donec Casimirus hæres
 Arduas sceptro solidabit ulnas.
 Et tibi magnos simili reponat

Prole nepotes.

Serenissimæ Poloniarum
 REGINÆ CÆCILIAE

Renatæ Austriacæ

PANEGYRIS Lyrica.

ODE LXII.

POst Martiarum robora mentium,
 Dictasque magni non sine numine
 Laudes Vladislai, & suprema
 Sarmaticæ monumenta famæ;
 Nam quæ disertis mera decentior
 Sit Phæbe nervis, tendite patrios
 Arcus Camænæ, & cultiora
 Cecropo date resla versu.

At tu Lechei maxima climatis
 Regina salve. cui modo Regiam,
 Centumque securas columnis
 Vistuleus lavat amnis arces.
 Sêu te quietis distinet areis
 Facunda Pallas: sêu mare Virginis
 Tranare sit calor papyri,
 Et docili superare pennâ,
 Rhenana quidquid dissociat fuga
 Claudique Scaldis; cum facilis regi
 Arundo permittit sagacem
 Austriacis equitare campis,
 Fratrisque mitras visere Cæsaris
 Loquace chartâ: se tibi Regio
 Arguta disserente fletu
 Sarmaticus nova Regna Julius,
 Novosque spondet mitè loquacium
 Olim nepotes, murmure risuum;
 Aulamque vagitu diserto,
 Et Dominum recreat Parentem.
 Utcunque vivas pingis acu notas
 Vincis Minervam; sêu adamantinos
 Accendis argento Planetas;
 Sêu Phrygiis animata textis
 Non indecori fidera pollicis
 Metaris astu: sêu melior DEI,
 Tuique, Divorum supinis
 Pauperiem prohibes ab aris.
 Te pone pictis alta curulibus
 Themis, sereno Te propè Faustitas
 Exultat obryzo, & repandus
 Innocuo tibi Candor adstar
 Virtusque Recto. Tu geminæ Pharos
 Felicitatis; tu Lechicæ potens
 Regina LIBERTATIS olim,
 Et Patria meliore buxo
 Dicere MATER, te sibi limpidi
 Loquantur amnes, te resonis Chronus
 Enarrat undis, vitreoque
 Deciduis sonat ore Varrâ.

Tibi supinis collibus annunt
 Turrata Craci Pergama; te genu
 Nixus Bootes, te Polonus,
 Littavicus sociatus armis,
 Stratusque densis Vistula puppibus,
 Postquam maritæ nubere Bathidi
 Jussit rebellantes procellas,
 Oceanos docet inter æstus.
 Tibi sonorus de glacialibus
 Iter procellis fingit amabile
 Nomen, coronatosque fasces
 Artifici simulabit undâ.
 Sed jam, Camænæ, Vistuleo metrum
 Mandemus anni, quod procul Adriæ
 Transfundat; & torvam RENATAM
 Erudiat geminare Pontum.

Serenissimo

SIGISMUNDO CASIMIRO
 POLONIÆ ET SUECIÆ
 PRINCIPI,

recens tunc nato

OMEN GENETHLIACUM.

ODE LXIII.

Quis reudentes volat inter auras
 Rumor auratis sinuatus alis?
 Quod jubar nostros iterum serenat
 Numine cælos?
 Quod recens Sidus Lechiæ faventes
 Mittit Divi? novus en Polono
 Phosphorus cælo melioris urget
 Omina famæ!

Æmu-

Æmulus magnis Proavum trophæis
 Nascitur natus. prope jam paterno
 Noscitur vultu, prope jam paternas
 Suscitât iras.

Ille nativos animabit ausus,
 Ille vernantes cumulabit olim
 Patriæ lauros; memoresque laudum
 Eriget horas.

Ille jam cano virides Parenti
 E Musurmanis referet triumphos
 Sedulus campis, Lechicoque Thracas
 Induet ære.

Fallor? an magnis Avus è sepulchris
 Prodiens natum manibus nepotem
 Sustulit, parvos gelidis premens am-
 plexibus artus?

En sibi frontem simileque vultus
 Lætiôr spectat! probat en lacertos;
 Et suis quondam, superos precatur,
 Floreat annis!

Cresce, jam dicit, Casimire, cresce.
 Cresce centenis cumulate lustris,
 Dum tibi noster meliora condit
 Sæcula pulvis.

I, tibi pressos imitere passus,
 Quâ tibi magnæ patet aula Famæ:
 Quâ tibi nostros referet Polonus
 Orbis honores.

Emblema Præsentiaë DEI.

Sphæra seu Circulus, pro puncto habens
 Oculum

ODE LXIV.

CUR tot pervigilum lumina siderum
 Pro clausis Superùm postibus excubant?
 Et longo ordine castra
 Metantur, duce Cynthiâ?

Ac Phæbi quoties fulva recesserit
 Fax, Tartefliaco naufraga Nereo,
 Cur centum vigilare
 Ignes Numina jufferint.
 An fors centoculi fabula verior
 Argi nunc etiam vivit; & ignei
 Nostras despicit oras
 E custodia agematis?
 Sic est? sic, tenebris dum malè credimus,
 Securoque nigræ noctis in otio
 Frustra fallere mundi
 Conamur vigilantiam;
 Cælos non fugimus: nulla diem polo
 Insomnesque oculos eripuit quies.
 Nostram sedula scenæ
 Spectant astra Tragædiam.
 Infundas sceleri vesta Caristici
 Ferramenta soli; vel laquearia,
 Quæis concordia calcis
 Cælum surripit & diem,
 Claudant te Niobe viscere saxeo,
 In venisque tegant Marmaricæ suis
 Cautes, non fugis usque
 Censores oculos Dei.
 Non secreta Paros, non Mareoticæ
 Servabant filices, splendidius vitro,
 Sinceræque nitore
 Cristalli, patet abdita
 Telluris facies, cernitur ilicer,
 Qui se Carpatiis rupibus obruit;
 Aut in Marmoris alvo
 Patratum sepelit scelus.
 Ergo qua geminis collibus eminet
 Vernans Aoniæ Regia Phocidos,
 Scandam, & pectinis icta,
 Hoc laurum viridem super
 Incidam, memores quod sibi posteri
 Pandi Emblemata legant sole supercili;
 Blando carmine feris
 Enarrentque nepotibus,

In parvo teretis pectore circuli
 (Sphæram docta vocant Palladis atria)
 Pro puncto vigilantem
 Papillam vigilis DE I.
 Tunc scisso tenero pectine cortici
 Has insculpo notas: Quisquis ades, cave.
 HINC SPECTATOR in orbis
 Scena cuncta videt DEUS.

A D

REGINALDUM ANTIMUM.

Cum in Angliam vela daret.

O D E L X V .

NIL te, nil moror, Antime.
 I per cæruleæ jugera Balthidis;
 I, quæ vitrea Nerei
 Magnas ira rates frangit; ostantibus
 Malum stringe rudentibus,
 Optatæ repetens littora patriæ.
 Illud deprecor unicum,
 Illud sollicito suggere carmine,
 Ne noster madidis amor;
 Quo-te-cûnque ferant æquora turbine,
 Extinguatur in amnibus.
 Undas spernit Amor: nec minor in tuis
 Fervet Neree fluctibus;
 Et flammæ medio suscitât in freto.
 Quin & naufragium pati
 Unus nescit amor. Cum redeuntibus
 In se claudicet amnibus
 Ignes sub gelido concipit æquore,
 Nil fatis trepidus suis.
 En jam prædomitæ marmura Balthidis!
 En sopita jacet Theris!
 En pigris titubant æquora fluctibus,

Pacatque silent Noti!
 En recline suos ad scopulos mare,
 Lentis somnia sibilis,
 Et pacem modico spirat anhelitu!
 En jam vela modestior
 Imprægnat teneris aura Favoniis!
 Sensim suppara fluctuant;
 Et malus placido motus ab Africo
 Festis infremuit Notis,
 Et blande graciles scidit Ethesias.
 Jam sensim raperis mihi
 Paulatimque peris Antime: nec nisi
 Te fas luminibus sequi,
 Quin ipsis etiam luminibus peris,
 Ergo dum fugientia
 Excludunt oculos lintea, vividis
 Te votis comitabimur.
 Nam quo non oculis, itur amoribus.

A D

Serenissimum
 SIGISMUNDUM
 CASIMIRUM
 POLONIÆ ET SUECIÆ
 PRINCIPEM.

ODE LXVI.

ET tu Polonis Regibus inclytum
 Accede fidus, cui prece consona
 Adspirat Europæ, & Lecheum
 Fatidico vover ore sceptrum.

Quid

Quid jam Paternum? Quid *Jageloniū*,
 Inter tenellæ vincula fasciæ
 Moliris, o puer! Poloni
 Splendidior Cynosura Regni?
 Quid bellicosus dignus Avis nepos,
 Balbutienti non pueriliter
 Portendis in fletu? quid iste
 Ingenuo stimularus æstro
 Præfagit ardor? num Proavis pares,
 Nec annuenti dissimiles Avo,
 Magnoque laudandos Parenti
 A teneris velit usque cunis
 Actus redordiri! An lacrymabili
 Fletu morosum damnat Oniona?
 Pigròsque naturæ labores
 Sæpe vocans modicas rotarum
 Incurfat horas? scilicet inclyrans
 Nequit sub ipsis gloria fasciis
 Latere; formosamque pulchris
 Invidiam coquit in medullis
 Avita virtus, nescit idoneus
 Tepere parvis ardor in artibus.
 Primoque vagitu Polonis
 Esse licet generosiores.
 O quantus armis! quantus ovantibus
 Crescis Lyceis, Austriacæ recens
 Propago famæ! quantus olim,
 Cum teneros tibi major æras
 Durabit annos! quantus in obvios,
 Martis corusco vectus in essedo,
 Ibis Musurmanos, tuoque
 Bella redux referes Parenti!
 Et hæc, sed olim, dum solidas tibi,
 Post acta parvæ tempora fasciæ,
 Armabit in vires fidelem
 Mars animum, patrioque pectus
 Accendet igni; nunc teneris Avum
 Patrémque sensim, magne nepos, sonis
 Gestuque coneris minori
 Et lacrymis imitari in ipsis.

DEI MATRI VIRGINI.

Ad Oden Ecclesiasticam Parodia.

O D E LXVII.

F Allimur Vates, quoties superbo
 Carminum fastu celebramus illa,
 Quæ pedum plebes minor, & supinum
 Vulgus adorat.
 Vera laus plebem fugit, & remotas
 Incolit nubes. populare quisquis
 Marmor auscultat calamos inani
 Atterit arte.
 Te, tuns vates, cano, GLORIOSA
 VIRGINUM VIRGO, tibi subjugata
 Aureum sternunt caput, & corufcos
 Sidera crines.
 Tu, licet parvum tibi pendet uber;
 Hunc propinato satiassè lacte
 Diceris, qui te dominâ puellam
 Voce creavit
 Quod suis quondam male pasta pomis
 Eva, patriæ coriphæa noxæ,
 Abstulit; mundo *bona mater* almo
 Germine reddis.
 Ut suo tandem lacrymosa fletu
 Possit oclusos subiissè cælos
 Turba; tu pandes vitreo fenestram,
 Virgo, sereno.
 Jure te summi patulam vocamus
Januam Regis; tibi panda vivæ
 Lucis hinc, illinc radiat trecentis
 Porta lucernis.
 Ergo jam vobis ope virginali
 Redditam, gentes geminate vitam.
 Quas Mariani canimus redemptas
 Merce cruoris.

AREO.

NI. AREOPAGUS.

Lente procedendum esse in judiciis
ferendis, nî falli velimus.

ODE LXVIII.

TArdo moveri dicitur ambitu,
Quodcunque falli nolit, & abditas
Errare per fortes, fideli
Judicium comitante vero.

Hoc & rotari difficilis sacro
Hinc inde claudit lamina pessulo;
Mensesque pendentésque Lunæ,

Et propriis bene ponderata
Momenta lustris. Hoc paribus penes
Appensa nodis se gemino librat
Statera pondo, accommodante
Ponderibus sua vincla mole.

Hoc replicato circuit ordine
Matura lento Canities gradu;

Moræque, perspicaxque visus,
Et veteris monumenta Numæ.
Hoc & trecentis, non sine Numine,
Accincta curis pectora, & impiger

In astra candor, & quieti
Ver animi, capitisque sudam.

At retrò fertur sub juvenilibus
Imberbis acri se Levitas situ

Tulisse pennis; & profanus
Consilii popularis ardor,
Præcoxque dictum. retro minacia
Prava appetentis rela Cupidinis:

Timorque desidesque Curæ, &
Præcipitis genius Juventæ.

Sic est: sepultus sub volucris latet
Error cerebro, sæpeque præpeti

Dum fidit auræ, ventilatas
Consilium male perdit alas.

Quicumque summis arcibus imperans
 Incerta legum jurgia dividis,
 Causasque, temperasque rixas,
 Et stabilis pia jura Recti,
 Tardo moveri judicium ambitu
 Edisce Præses. Sæpe procacibus
 Perire festinata votis
 Vota solent; mediumque certi
 Habere, fertur, qui genitum diu
 Circa peregit consilium manu.
 Sed multus olim judicandi
 Præcipitem comitatnr error.
 Fit sæpe virtus, quod fuerat scelus;
 Ipsoque passim in fine beator
 Virtusque, virtutisque fulgor,
 Degeneri latuit sub umbrâ,
 Sic ille puro lucidior viro,
 (Postquam coacti nube supercilii
 Illime cælorum serenum,
 Ac hilares tremefecit ignes,
 Spissata multos nubila Jupiter
 Liquans in imbres) sol retrico caput
 Immerfit in peplo, & diurnam
 In nebula sepelivit aurum.
 Quis tunc aviti sidera luminis
 Condemnet illo cæcior impete?
 Ipsumque cæcutire solem,
 Et vigiles petiisse stellas,
 Totumque tristes in tenebras polam
 Iisse dicat? splendidior brevi
 Redibit, illustresque Titan
 Mundi oculos melius repexo
 Accendet igni, sic brevior mora
 Plerumque falsâ conditum imagine
 Correxit errorem; ac in una
 Judicium reparavit horâ,
 Solemque terris reddidit; & simul
 Obscura claro nubila pollice
 Cælumque detergens molestæ
 Siparium replicavit umbræ.

Ergo volantum turba Cupidinum
 Maturioris iudicii sacris
 Abscedat à rostris; volucres
 Inde procul fugiant calores.

SE MULTUM POESI,
 MARIANA PRÆSERTIM
 DELECTARI.

ODE LXIX.

O quà Regia carminum
 Vernat Pieris aula tapetibus,
 Et celsum gemino caput
 Ostentat superis in diademate!
 O quà Pegaseis salit
 Sacri collis amor excitus unguis,
 Puro Peneus agmine!
 Huc me Castalios, huc, super alveos
 Reclinem volucres Noti;
 Huc picto revehat Cynthius effedo.
 Hinc me de bifido licet
 Suggestu miserùm tristia Principum
 Despectare pericula,
 Et Regum cineres. Hinc titubantium
 Formido patet urbium.
 Hinc orbis dubius stare labantibus
 Hinc illinc minor arcibus.
 Hinc confusa solo sedulus æquora,
 Et mistas numero domos;
 Vivorumque gemo funera Cæsarum.
 Hic, unus mihi celsior
 Non obscura polus lumina suggerit,
 Auratas revehens dies;
 Inclusumque sibi cum vigilantibus
 Commendat Superis DEUM.
 Huc mî, (nam quid obest?) ferte recondita
 The-

Theſauris melioribus
 Vel dilecta mei barbata *Sarbiul*,
 Et pompam lyricæ chelis ;
 Vel perſum Calabri carmen *Horatii*,
 Si turpi careat joco :
 Aut cantata gravis prælia *Virgiliû*.
 Hic & feſſa minor pedum
 Infundam niveis brachia liliis.
 Hic caſſos hilaris dies
 Solabor querulæ murmure tibiæ,
 Quod ſi, Dia parens, tibi
Cordi Muſa mea eſt : nec tenuem rudis
 Buxi ſpernis anhelitam ;
O quanto feriam ſidera vertice !
 Non jam nectareis ego
 Dulcorata favis carmina condiam,
 Nec teſtudinis ebrizæ
 Largi mellis ebur Dardanium velim
 Ut mi ſuppleat alvear.
 Non me *viſceribus plus faciat ſuis*
 Mecænas Latii decus.
 Non *monſtrer digito prætereantiam*
 Argutz chelis artifex,
 Si me Virgo tuis vatibus inferis,
 O quam dixero verius,
Quod ſpro, & (ſi placeo) tuum eſt.

A D

THOMAM TALIARCHUM

Cum aliò evocatus migraret.

O D E L X X.

CUM meæ plenus, nimisque terræ
 Patrios linquo, Taliarche, cælos,
 Cur inexpletis tua me retentant
 Vota querelis ?

Patriam mecum fero; mundus ipse
 Patriam vastis mihi præbet oris.
 Exulem me non faciet remotæ

Ora Canopi.

Ipse se fallit sibi quisquis unum
 Destinat Regnum, patriosque soles.
 Orbis est hæres homo totiusque

Incola mundi.

Ipse civilem mihi Bactra solem
 Inter Arctos referunt procellas.
 Ipse nativi Tanais propinat

Flumina Rabæ.

Seu per accensos Orientis æstus,
 Seu per undosos Aquilonis imbres,
 Seu ubi canus gelidas Bootes

Increpat urfas,

Sive juratos hyemi triones,
 Seu feros visam Lybiæ calores;
 Patriæ nubes comitesque mecum

Ibitis auræ.

Me nihil præter propriique gestem
 Pectoris censum; nec avara posco
 Divitis Cræsi juga: nec superbi

Stagna Neronis.

Non mihi fuscis comes ibit alis
 Tædium; totus feror, & relictas
 Nil moror gazas, nec amœna nostræ

Prædia terræ,

Me nihil præter cupiens; quid ultra
 Tædio mistis voveam querelis?
 Nesciunt plenis supereminere

Tædia votis.

Prodiga militaris pompæ jaçantia.

ODE LXXI.

UNam, Quirites, cætera distuli,
 Monebo vates. dicite, quid retro
 Centum coronatos trophæis
 Magnanimis peperit parentum,
 Dextris triumphos? an framæ jubar,
 Senioris fulgure laminæ
 Diem lacellens? an sonoræ
 Mancipium gladius catenæ?
 An pictus umbo, vel clypei timor?
 An tecta Maris terga leonibus?
 Jussæque in imbellis lacerti
 Excubiis vigilare lynces?
 An pelta flavis æmula solibus,
 An delicati sygrapha verticis?
 An crista, Phœnicisque caudæ
 Raptus honor, Lybicisque conus
 Crispatus alis? an celeres pedum,
 Doctique tergum vertere barbaro
 Equi, volaciumque plantæ
 Cornipedum, male cum jocantes
 Meimur agros? Non Arabas pudet
 Equos patritæ merce pecuniæ
 Emisse; nec fugisse Thracam
 Thracis equo, Scythiæque turmas
 Ac exprobrantem Massagerem pudor
 Audire, noto cum sibi cornipes
 Arrisit hinnitu, & Gelonos
 Poscit equos, dominique tortum
 Rumpit lupatum, cum trepidum solo
 Herum severis non sine pulsibus
 Allisit; excussumque Thressis,
 Opprobrium grave, liquit agris.
 Qui cum Gelonis bella gerit pedes,
 Eques triumphat; celsior hosticis
 Gestitque sub pennis videri,
 Et spoliis equitare raptis.

Quod

Quod si fugaces terga dabunt Dahæ;
Ferro, Quirites, alite transfugas

Sequamur, aut frustra pharetris
Pennigeras gerimus sagittas,

Et juncta nervis cornua? si timor
Plumavit alis brachia; non amor

Pulchrique plumabit cupido?
Nonque pedes pedibus triumphii?

Opprobrioso brachia stigmatè
Sat est notasse; & vindicibus Getas

Monere telis, ne Gradivo
Invideant, rapiantque frontem.

Quin si sequaces effugiant globos,
Et persequentis vulnera spiculi;

Non tela transfugæ pudoris
Effugient: satis est volaci

Torum tuentis tergora Concani
Signasse plumbo: sat fugientium

Theatra spectasse, & fugaces
Myrmidonum numerasse scenas.

Vel si Geloni tantus amor coquit
Equi, Quirites; non pretio; manu,

Ferroque, plumboque, & repens
Merce globi, fraxæque censu,

Equos emamus. Jam Scythicæ tument
Turgentque ripæ, mille fremunt equi,

Manduntque cernui micantes
Assyrioque Phrygioque furo

Bullasque frænosque. Ite, diem tubæ
Dixere, grandes Martia nundinas

Pangæa vulgârunt: cruenti
Cornipedes meliore censu

Vendentur ensis; qui caput æmulo
Turcæ Polono demet acinace,

Martique sacrabit, Geloni
Cornipedis patietur emptor.

PRO SERENISSIMO
 POLONIÆ ET SUECIÆ
 PRINCIPE
 SIGISMUNDO CASIMIRO.
 AD MATREM.

O D E LXXII.

Gradive, nostris patrium terris jubar,
 Præses Poloni Nominis:
 Sæu te cruentis, nil sui sexus memor
 Bellona pascit cædibus;
 Sæu te feroces ensium nudus pavor
 Inter Corallos recreat;
 Decede campo, deserat cassis genas,
 Conusque fulmen exuat;
 Frænata multis rideat lauris coma;
 Sagoque succedat toga.
 Dum vagientem Principem Poloniæ
 Pacata nutrit Regia,
 Cur pervicaces tinniant Martis tubæ?
 Cur æra nubes puniant?
 Absiste murmur grandius; solus novi
 Poloniarum Principis
 Vagitus auras mulceat; solus suo
 Soletur astra murmure.
 En, ut severas inter hastarum minas,
 Interque pilorum nemus
 Repsisse vellet! ut hilarem victricia
 Per arma prospectum jacit!
 Ut pæne galeâ parvulum claudi caput,
 Equove sublimis vehi,
 Ut pæne vellet ferreo tegi sago
 Avara Martis indoles!

Ut,

Ut, si feroci perfonare classico
 Æs militare cæperit ;
 Siticulosis auribus belli graves
 Bibisse gratatur sonos ;
 Paruisque manibus horridæ applaudit tubæ,
 Nutuque frontis annuit !
 Ceu ipse Martis admoneretur & eâ
 Ad pugnam vocaretur tubâ.
 O! si viriles stare jam possent pedes ,
 Aptumque cassidi caput ;
 Quantum fatiscenti Austriæ, & Bohemè, tibi ;
 Avunculoque Cæsari !
 Quantum labanti penè jam Silesia
 Columen decusque surgeret.
 At, differ arma paululum, & minas puer
 Iramque fletu dilue.
 Absiste ferro. Te brevi & Avi & Avunculi
 Agnoscer ultorem Gothus ,
 Agnoscer omnis Suetia, & ferox Getes
 Sævæque tela Tauricæ.
 Nunc defacratam fæderum præstat fidem ,
 Ferri silentio coli.
 Quid pertinaci diffuis fletu, puer ?
 Martemque lacrymis cies !
 Absiste paulùm ; dum tibi majus caput ,
 Majore lauru frondeat.
 Adolescat iste Regiæ frontis calor.
 Matura vindicta acrius
 Sentitur olim: tutius quondam solet
 Adultus armari furor.
 Accrescat hisce viribus suis vigor ,
 Accrescat animus corpori ;
 Capaxque Martis indoles capacibus
 Incorporetur artibus.
 At tu magistrâ protinus pubem novam
 Gradivi flecte dexterâ.
 Parvam Lecheis impleas armis manum ;
 Magnoque cognatum Patri
 Avoque pectus, jam, licet panni verant ,
 Doctâ propines dexterâ.

Maturus olim nobilem exprimat manu
 Avum, Patriſque laureas.
 Hic Martiales incoquat fibras furor,
 Hic entheata peſtora,
 Te, te magiſtro, te imbuat ſub præſide;
 Gradive bellorum Pater.
 Nunc faſciatas, ſupplici minor pede,
 Ter oſculatus dexteras,
 Jam jam futuro tela, jam lauros para,
 Para trophæa militi.

A D A P E M.

O D E L X X I I I .

A Rtiſex mellis, cui delicata
 Inde nativo cutis arder auro;
 Inde præluſtres tennis revolvit
 Bractea pennas.
 Cum tibi molles Zephyritis herbas
 Inter illimem reſeravit hortum;
 Carpe jam tandem pretioſa picci
 Damna vireti.
 Hic ubi laſſas mea Muſa pennas
 Inter æſtivos nemorum lepores
 Dulciter torquet; cruciatque crebris
 Metra lituris.
 Hic mihi ſtricto leviter ſuſurro
 Jam fatigatas recrea Camænas,
 Auſa cantanti citharæ tuum con-
 jungere murmur,
 Sed quod illuſtres tibi ſubrer alas
 Incipit parvum trepidare telum?
 Quod vibras, eheu! modicâ timendum
 Vulnus ab haſta?
 Jo ſurgamus, nimis expeditis
 Fulminant parvæ volucres ſagittis.
 Heu dolor! quantas Apis ipſa, quantas
 Concipit iras!

A D

ARTEMIIUM MOENIUM.

Ne suo æmulo minor animo dejiciatur.

O D E L X X I I I I.

Errore, Mæni, discitur. Acrisius
 Post victa miles prælia dimicat:
 Pulchroque flammatus calore
 Egregios iterat triumphos.
 Fors & minori percitus impete,
 Entellus olim straverat arduum
 Daretæ; ni fallente gressu
 Non humilem Phrygiis cachinnum
 Movisset armis. ast ubi sordido
 Fædata fimo membra levaverat,
 Viresque collegit, superbum,
 Indomitis juvenem lacertis
 Et ipsa stravit munera. Sic humo
 Allisus olim fortius Herculem
 Lussisse Gerion, & ipso
 Dicitur exagitasse lapsu.
 Proh! quanta nigris funera Manibus
 Incerti adaectus vulnere spiculi
 Demisit Aeneas! quot olim
 Cornigeros Leo stravit uros;
 Postquam recepti vulneris immemor
 Totis Leonem viribus advocat;
 Fusoque non ferendus hosti
 Magnanimum satiat furorem!
 Assurge magnis ausibus Artemi,
 Quamquam superbo victus ab æmulo,
 Herbamque laurumque, & decoros
 Obtuleris Dario corymbos.
 Sperare victus plura potest: minus
 Sperare victor. te gravis interim
 Soletur Entellus: vetusti
 Historiam renova Daretæ.

INTER MAGNAM
ET
PARVAM SORTEM
DIFFERENTIA.

Ad Ambrosium Montanum.

ODE LXXV.

I Mus: tu volucti vectus ab Africo
Æthram præpetibus scinde jugalibus.
Me terræ proprior semita tutius
Præno tramite duxerit.
Tu, Montane, cave, ne nova fabula
Mutes Icaris nomina fluctibus,
Quamvis perpetui stabra Favonii
Miti murmure perstreant.
Me, quò fata velint trudere, non habent,
Affixam tumulo. quod mihi denegat,
Det fortuna tibi: dummodo quod tibi
Nanquam surripiat mihi.
Vis quo differimus? tu metuis: mihi
Circumscripta truces spes jugulat metus.
Debes quidquid habes. cuncta negantibus
Fatis nil ego debeo.

A D

M
E M
D. T H O M A M
AQUINATEM.

Theses Theologicas defensusus.

O D E LXXVI.

Dive, cui fulvi radiis obryzi,
 Pensili Titan simulatus auro
 Pectus accendit, solidoque fusum
 Lumine torquem.
 Cum tuæ quondam placita alta Stoæ,
 Nec leves nosci monitus calenti
 Assero luctâ; tua bella miti
 Luce serena.
 Non opus toto mihi, Dive, sole,
 Qui tibi compro reverenter igne
 Pectus offulfit; radius clienti
 Sufficit unus.
 Hoc graves mentis tenebras, & altam
 Ingenii noctem poteris beatâ
 Luce solari, viduasque sacri
 Luminis umbras.

A D

F

Dithy-

Dithyrambus

*Ob titulum*DEI MATRIS
VIRGINIS:

MARIÆ Matri nostræ collatum, exultans.

Ipsa die salutatæ ab Angelo Virginis.

ODE LXXVII.

ITE vota, fæderatas
 Quis Amor plumavit alas;
 Ite, prona sibilantis
 Africique, Japygisque,
 Obsequente colla loro
 Inter alta nantis auræ mancipate iurgia:
 Ite; quod rebelle pictas
 Pondus alligavit alas?
 Ite; jam latus sequaces,
 Jam maritant vela, venti,
 Jam suave somniantis
 Trudit alas, trudit auras Æoli suspirium.
 Illa nati Mater orbis,
 Illa nostræ fidus oræ,
 Illa nostri Luna cæli,
 Virgo casta, prole castâ
 Mancipatum ditat orbem,
 Et Tonantis esse MATER, VIRGO cum sit, dicitur.
 Io nubilum severas
 Stringe cælum, stringe brumas!
 Cur noverca de profanis
 Tela funduntur pharetris?
 Cur procellis horret hirra,
 Et pruinis spargit arva, nubium protervia?

Cur

Cur apricos radit hortos,
 Cur Aprile mordet aurum
 Congelatis alga canis!
 Frondium tonsor November
 Nam reciprocante brumam,
 Et nivalis cana cæli rostra, trudit effedo.
 Ite, vota fæderatas
 Quæis Amor plumavit alas;
 Ire Flora quæ perennis
 Veris inter officinas
 Comit hortos, peçtit herbas
 Maficusque piætæ lucus astra terræ fasciat:
 Quæ per altos oscitatur
 Feriatus Eurus agros;
 Quævè passo criniuntur
 Sempiterni flore campi;
 Quæ capillar ebrias
 Liberali neçtar amne Floræ nantis infulas.
 Ite flores delicato
 Quos inaurat Chloris auro:
 Quos Clitumnus vagienti
 Plorat amne; cum marito
 Temulenta terra rore
 Pulchra laxat & relaxat Veris hirti stemmata.
 Ite lauri, nostra piætis
 Irrigate teçta nimbis.
 Explicatis auspiciatus
 Ambulet Majus capillis.
 Et procella nil nocentis
 Lilieti magna scribat Magnæ Matris omina.
 Ite flores, quæ serenis
 Compta rider aura cirrhis;
 Ite calthæ, Virginisque
 Stemma latè naufragantis
 Quæ cachinnat imber auræ
 Prænotate mollè fufis liliorum literis.
 Scripta nostris æthra prælis
 Te serenas edocebit
 Virgo stellas, te Parentem.
 O Maria! curiosis

Illa commendabit astris;
 Differetque interroganti digna cælo nomina.
 Dicit auro, quâ coruscus
 Phæbus explorat Planetas.
 Qua tiaris casta Phæbe
 Ardet albis, & minores
 Fræna flectit inter ignes,
 Edocebit Arcton magna *magne matris* symbola.
 Ite flores; perge Virgo,
 Hospitas quâ laxat æther
 Sponte scenas; eruditi
 Quævè se Maji procellis
 Ominatus pingit imber;
 Et diserto vere pingit stemma *MATRIS VIRGINIS*.

A D

S T A N I S L A U M
N O L I U M
A M I C U M Æ N I G M A .
O D E L X X V I I I .

NOli, propinquo jam gravior die
 Aurora plorat. Jam properâ fugam
 Invasit Arcturus curuli;
 Jam refugæ periêre stellæ.
 Sic ille Titan nubibus æmulos
 Proscribit ignes? sic face cum pari
 Fulfisse, rivalesque cælo
 Ferre nequit Phaëton Planetas?
 At hæc scienti. ducimus interim
 Obliviosi pocula fluminis;
 Novumque miramur serenum
 Emeritâ residens sub umbrâ,
 Quod si procaci læsus arundine
 Scheinerianum corripiam tubum;
 Ne cernat orbis inquinati
 Pauperiem maculasque Phæbi.

Parum furēti distat acinace
 Obtusa læsæ parma modestiæ.
 Flammantur, in iustumque mices
 Degenerant animi furorem.
 Callosa sacræ frons Patientiæ
 Importuoso deteritur situ.
 Erumpit insepultus ignis,
 Dum gelidam quatitur metallam.
 Nunc lætiori mente coercitam
 Compono bilem. Jam steriles minæ
 Cessere. Pro Tridente Fulmen,
 Proque olea fero sponte Laurum.

A D

JACOBUM CARVALLIUM.

O D E L X X I X .

I Mus? an frustra graviore bruma,
 Omnis iratos ligat unda fluctus?
 Imus? an frustra solidat gelatos
 Vistula pontes?
 Hic ubi nuper renuente nosci
 Semitâ vastæ rediēre naves;
 Jam volant currus, & adacta pulsâ
 Rheda caballis.
 Nosque dum sese vitreus per undas
 Porrigit fornix; vada tutiori
 Calce metimur, madidasque ficcis
 Passibus undas.
 Nulla, Carvalli, sibi constar ætas.
 Annus incertis equitat quadrigis.
 Certa convolvi properant fugaces
 Tempora menses.
 Martio vernum fugiente cælum
 Vitreas vindictis pedicas fluentis
 Demet Aprilis, gelidæque solvet
 Vincula ripæ.

F 3

Quam

Quam modò tuto terimus corhurno
 Semitam, torvæ rapiunt procellæ;
 Et ferent Balthim super æstuosis
 Frangere ventis.

O nimis fluxæ simulacra laudis,
 Quam modò tanto licitamur æstu!
 Non secus nostræ cita transmeant ve-
 stigia Famæ.

A D

Serenissimum

SIGISMUNDUM

CASIMIRUM

POLONIÆ ET SUECIÆ

PRINCIPEM.

Vota Musarum.

O D E L X X X .

Hic quæ Poloni culmina Carpathi
 Fastigiatis sidera collibus
 Infrant, Polonicosque Fasces
 E viridi tumulo propinquis
 Narrant Planetis; dicitur Attici
 Ferro Tyranni territus è suo
 Apollo demigrasse Cyntho,
 Et comites revocasse Musas:
 Et pro diserti flumine Penei
 Præterfluentis littora Vistulæ
 Fessis propinavisse Divis,
 Et Lechicas habitare subter

Jussisse

Jussisse stellas; quidquid acutior
 Prolusit ætas; quidquid amabiles
 Mendaciorum sub fideli
 Auspicio cecinistis anni:
 Huc te sonoris, huc dociles vocant;
 O bellicosæ gemma Poloniæ!
 Metris Camænæ. Hic erudiro
 Hospitium tibi Phæbus ipse
 Inscribit auro. Jam tibi, jam rudes
 Appollinaris præscia laureæ
 Thalia dedolat tabellas;
 Jam calamos, cytharasque Clio,
 Apratque libros. Jam tibi Gratiæ
 Facunda cultis verba leporibus
 Velint propinare, & sacratos
 Eloquio graviore fontes.
 Te laureati porticus otii,
 Novumque nostri culmen Apollinis
 Suspirat! & quondam futuris
 Luna Vigil Vigilesque noctes
 Serena chartis lumina dedicant.
 Cum doctus olim Nestoream libris
 Demes senectam; cum per altos
 Ingenii ruet ala campos.
 Hic tu, Polonæ Nestor adozæ,
 Olim futuris jura nepotibus
 Dices; Palatinosque fasces
 Pegasæa recreabis undâ:
 Ac in Lecheis collibus hospitas,
 Maturus olim Sarmaticis, caput
 Levasse sub gemmis Camænas,
 Magnanimo similis Parenti,
 Miti fovebis lumine. Tu brevi
 Docto fluentem vortice Peneum
 Cynthumque, Parnassique culmen
 Ingenuo repetes Mucrone.
 An ne in tenellis jam tibi fluctuat
 Apollo labris? jam ne animosior,
 Ipsoque vagitu disertus,
 Patricias moderaris aures?

Blandæque tandem, currite sæcula,
 Dixere Musæ, currite pervii
 Annique mensesque, & trecentis
 Brachia conduplicate pennis.
 Citumque nobis sistite Principem
 Inter Polonæ limina Phocidos;
 Ut oris & maturus ævi
 Castalios vacuet canales.

FLORA REGALIS.

Ex amænissimis REGUM POLONIÆ
 hortis in Suburbio Cracoviensi fitis, quos
 identidem per ferias æstivas invisebat,
 expicta.

ODE LXXXI.

SI nec patentes temnis hortorum domos
 Ac plana Floræ compita;
 Huc, huc, curules Pegasi pennas super,
 Apollo ludorum Parens,
 Huc laureatos coge Musarum choros,
 Blandosque metrorum sales.
 Descende Cyntho, præfer hortos rupibus;
 Scabrumque Parnassi caput
 Postpone teneris æsculetorum thotis.
 Præpone flores cantibus.
 Hic ipse passis ambulat Majus comis,
 Majoque cognata otia
 Sub explicato frondium tentorio
 Compris amænantur jocis.
 Hic mitigati blandius Favonii
 Mulcent apricantes rosas.
 Ipsi te odoris provocant suspiriis
 Flores, gemelli fiderum,
 Hiantibusque casta diducunt labris
 Et pollicentur oscula.

Hic fæderatas Africus sopit tubas,
 Lenesque somniant Nori:
 Gratoque Zephyrus halitu flores fovens
 Miti cachinno verberat.
 Hic oscitantes provehunt Etesiaz
 Renata veris gaudia.
 Ridet pudica floreat fratres rosa:
 Repanda rident lilia,
 Lenique ventorum increpatæ murmure
 Sese alloquuntur arbores.
 Hic, te disertum verberante barbitum,
 Jucunda nutabunt sata;
 Nutabit omnis frondium saltu rosa,
 Tardique saltabunt rubi,
 Saltabit hortus. & levi ductas choro
 Gyrabit æther arbores.
 Tenebit acres interim buccas Notus,
 Grandæque mutescunt soni,
 Et complicato jurgiorum murmure,
 Raucus silebit Africus.
 Quin nec propinquas alloquetur arbores
 Arguta volucrum cohors;
 Sed cuncta mutum sopiet silentium,
 Blandoque sternit otio.
 Et sola tantum Etesiarum flamina,
 Ac mollis auræ sibili
 Inter loquaces mustitabunt dactylos,
 Vocemque conjungent lyræ.
 En discolori flore lucentes patent
 Herbasque pascunt aræ,
 Saasque duro siderum senatui
 Immunitates explicant,
 Et tot sigillis, pænè quot rosis, tument,
 Saasque signant literas!
 En claudit hortus foscucos sambuccis
 Incarceratos sepibus,
 Textisque castæ Chloridis colonia
 Sese coronat mænibus!
 En illa teneri veris adolescentia
 Crispante juvenescit solo!

Pudica ab ipsis floribus Floralia
 Luduntur, & terram beant,
 Ac æmulandas libero stellas polo
 Tuentur, & cælos petunt.
 Hinc illa florum nititur in altum seges,
 Nubesque paulatim subit,
 Ambirque cælos. hic tibi *Virgo parens*,
 Tuoque sacra Nomini
 Hic eloquentes educat tellus notas,
 Tuumque pingit Symbolum.
 Hic sub ruborum densiore milite,
 Crebrisque spinarum Rosa
 Horrescit armis; crederes rursus in suo
 Videre Danaen carcere:
 Et rursus Helenam subter armorum minas
 Suo reservari proco.
 Hic erubescit, hic suos pallet rubos,
 Spinasque cælat frondibus.
 Hic delicatas aureis mitras pilis,
 Flavumque crispas verticem,
 Et pertinacis vellicans hamo rubi
 Ad se viatores trahit;
 Ac tot decoris replicata coloribus
 Varia meretur nomina.
 Nunc vulneratæ *floridus* terræ cruor;
 Nunc *parva stellarum soror*:
 Nunc castiori consecrata lumine,
Pudica pratorum *Venus*:
 Nunc osculati Veris obrysum salit
 Sese vorari *basium*.
 At si *MARIAM Mysticam* vocés *Rosam*,
 Totâ rubescit purpurâ:
 Totoque cydaris aureæ motu tremens
 Tantâ superbit æmulâ.
 Pubescit illinc, attamen jam sutili
 Canescit argento solum,
 Et florulento lilieta frigore
 Latas inundant areas;
 Vernoque lacte languidum quassant caput,
 Æstatis innocentiam,

En ut minutim fluctuant, & è suis
 Suspensa pendent caulibus!
 Ut candidatis turbinata paginis
 Album merentur calculum,
 Et sustinentes grandius premunt bases,
 Flavoque rident stamine!
 Illinc jocosò pensiles suspensio
 Irridet aura flosculos;
 Vernansque socias inter Hyacinthus rosas
 Crispante stipatur comâ.
 En Caltha, florum Proteus, totos suo
 Intexit agros vellere.
 Imparque proprio ponderi ora languido
 Acclinat ad terram osculo.
 En explicatis Tulipæ captant labris
 Amæna Phæbi lamina!
 Et, si vel atrâ pellitur noctis rotâ,
 Vel insepultus Nubibus
 Titan serenas invidet mundo comas,
 Turbante Cauro sidera;
 Et illæ apertos protinus claudunt sinus,
 Tristemque vultum contrahunt.
 En ordinatis carminatim lineis,
 Se spica Nardi porrigit!
 Florentibusque Rosmaris tua radiis
 Sese coronat infula.
 Illinc verecundâ Irides florent genâ,
 Et tam modestè subrabent;
 Ut ipse florem pænè credatur Pudor
 Propriâ animasse purpurâ.
 Nec falsâ terris nascitur Thaumantias
 Minusque diverso capit
 Distinguit igne: hinc æmulas astris rosas
 Effingit; illinc lilia.
 Hinc tristiozem fuscat inter purpuram;
 Hinc lætiorẽ muricem,
 Inexplicatim pensiles tornat Scyphos,
 Et picta Floræ pocula.
 Illinc minore flore Narcissus nitet,
 Canoque pallefcit gelu.

Quem si loquaris, fuscitata febili
 Suspirat Echo murmure.
 Adhucque mediâ voce Narcissum vocat,
 Suasque deplorat specus.
 At nec sub uno flore Narcissus later,
 Nec crine eodem fluctuat.
 Illic fideli purpuram mendacio
 Mentitur, & fingit rosas.
 Illinc pudico subrubentes murice
 Vivas odoris pixides
 Suspendit; inde luteas refert noras,
 Floræque tintinnabula.
 Hinc ditiori pingit auro pendulam
 Floris tenelli bracteam.
 Ac distributis in modum stellæ comis,
 Flavum rotundat verticem.
 Illinc cruentum mentiente sericum
 Nutat labatque coccino:
 Aut nigricante buxum ferrugine
 Sensim colorem diluit.
 En rursus idem in aureis flavet genis,
 Auroque ridet duplici.
 Argenteoque lacte conspersum caput
 Virente concludit mitrâ:
 Et quâ supremi verticis surgit coma,
 Raro rubescit sanguine!
 Unum quis unquam crederet florem unico
 Vernare dictum nomine.
 Sed quâ explicaræ porriguntur arbores,
 Parvosque despectant rubos.
 Quæ lautiore Pyramis vernat comâ,
 Aut vere majori viret?
 Hinc viva Laurus Daphnidem celat suam,
 Phæbumque non vitat procum:
 Illinc superbum floreâ turri caput
 Procera pomus erigit,
 Et sub globosa frondium testudine
 Æstiva nutrit frigora:
 Pyrusque celsis grandè testâ frondibus
 Vastos relaxat fornices.

Trophæa terræ crederes victricibus
 Intrare nubes infulis.
 Et ne supino diceret quisquam DEUM
 Isthæc patrasse brachio.
 Quotcunque cerno folia, quotvè flosculos
 Crebris notatos lineis,
 Tot credo ductas sedulæ limas manus
 Laboriosæque indices
 Dextræ lituras: nam quis exquisitiùs
 Vel scripta limavit sua
 Vel scripsit unquam, aut paginas severius
 Censore correxit stylo?
 Quis te parentem nesciat florum DEUS?
 Quis te marito nesciat,
 Herbas serenis esse vestitas rogis,
 Rudesque depingi areas?
 Tu molle pandos circinasti flosculos;
 Tu cana tornas lilia,
 Castisq; præfidiarios sentes rosis
 Certo catenas fœdere.
 Tu delicatis contegis tapetibus
 Verni pavementum soli.
 Tu temperatis imbribus florum sitim
 Extinguis, & plantas rigas.
 Ad te omnis hortus floreas tendit manus,
 Et densa pandit brachia.
 Tibi dissipatis supplicantes frondibus
 Curvantur excellæ arbores.
 Et in rotundos distributus urceos
 Omnis rubescit flosculus.
 Sed en & ore, nescio quid, pallido
 Tibi loquuntur lilia;
 Ipsique flores, nescio quid, pandulis
 Mutire conantur labris!
 Abfiste nervis Phæbe, quin Patrem suam
 Ipsi alloquantur flosculi,
 Et Chloris ipsa florulentis vocibus
 Parenti aduletur DEO.
 At nos Polonis interim gestis manum,
 Torumque lassemus diem.

Totus Polonis Regibus fadet stylus,
 Totæ sacrentur feriæ.
 O quæ ferenum gemmei, Virgo & Parens,
 Cæli pavementum premis,
 Et excubantes fiderum accendis rogos,
 Robur Clienti suggere.

AD GREGORIUM BAXONUM

De extemporali Poësi iudicium.

ODE LXXXII.

Quisquis jocosø percitus entheo
 Extemporali ludere carmine
 Præsumit; horrentesque nosci
 Præcipiti vomit ore versus.
 Ille aut magistræ laudis avarior
 Formosa vulgi nomina deperit:
 Aut sacra, Musarumque leges
 Indocillis temerat Sacerdos.
 Odit profanz verba loquentiæ
 Laboriosi culmen Apollinis.
 Repentè nil pulchrum; frequenti
 Urfa suos polit ore færus.
 Sublime quidquid vult, solido fovet
 Natura partu: sic virides diu
 Crevère lauri; crevit illa
 Æthereæ cedrus æqua nobi.
 At ulva, vel quod vilius aspici,
 Submissiori verrit humum comâ,
 Serpillum, inæqualesque lappæ,
 Exiguus viruète lustris.
 Sic dum madenti rore tepentior
 Exsudat æther, innumeros parit
 Nox una fungos; sic minores
 Spe citius vegetantur herbæ.
 Repentè natum carmen in extrimas
 Vanescit auras. Frange volubiles,
 Baxone, nervos, curiosa
 Pegaseo metra stringe fræno.

Nam cui supremis Musa natat labris,
 Spumâque rinctum carmen, & obvio
 Extrusum palato cespitanti
 Accumulat nova damna linguæ.
 Præcogitato dulcius influit
 Thalia versu: quod cita parturit
 Prurigo, de sublimioris
 Ingenii ruit arce carmen.
 Absiste plebes, me juvat interim
 Lassata crebro pagina vulnere.
 Multisque detritus lituris,
 Sollicito calamus cerebro.

Meta Votorum.

ODE LXXXIII.

Quid profunt Parii pægmata marmoris,
 Sublimisque domus; quam Phrygiis graver
 Trabs innixa columnis,
 Tecto subter eburneo?
 Quid prodest pedibus vix patiens premi,
 Stratum Tænartius marmoribus solum?
 Aut vivis pretiosa
 Sapphis laquearia?
 Quid prodest Tyrio lana satur mero,
 Captivæque suis divitiæ seris;
 Et quodcunque stuporem
 Vulgo conciliat decus?
 Nil me regna juvant; nil iterum canam,
 Quanquam gemmifero sordidus alveo
 Pæctolusque, Tagusque
 Et magni solium Jovis.
 Nil me divitiæ, quas vomis anreo
 Præceps Inde vado; nil juvat aurifer
 Toto Lydius auro,
 Et ditis pretium Cypri.
 Hæc poscant alii; me minor interim
 Intonsâ retegat cespes arundine,
 Plebejâque lucernâ
 Virtutis dominæ manus.

Hanc

Hanc desideris ingemino meis,
 Hanc nunquam tacitâ sollicito prece.
 Illâ vota precesque
 Ac suspiria compleo.

ELOGIUM LYRICUM

Perillustri & A^{dm}. R^{ndo}. D^{no}. D^{no}. Alberto
 Szerebryski Canon. Cracoviensi. Ob Sacel-
 lum S. Francisci Xaverii, Indiarum APO-
 STOLI, Cracoviæ, in Regia SS. PETRI
 & PAULI Basilica egregiè exornatum.

ODE LXXXIV.

Sunt quos petrosæ fragmina Lydiæ,
 Et è Lycurgi montibus eruta
 Silex, peregrinumque marmor,
 Et Pariis variata clarant
 Trophæa crustis. Alter inania
 Jam pænè tactis culmina nubibus
 Immiscet; addendumque stellis
 Tegmen agit; nimiasque cælo
 Inducit ædes. Hic veteres solo
 Exæquat arces, fanaque diruit;
 Fumoque Majorum sacrata
 Tecta novis onerat colossis.
 Ehêu ruinas condimus! obruunt
 Ipsa eminentem marmora gloriam.
 Casura molimur; gravesque
 Magno emimus pretio timores.
 Quidquid superbis addimus arcibus,
 Terræ & sepulchro demimus. En gravi
 Lassata fabrorum tumultu
 Stare negat, titubatque tellus!
 Et justa cæli fulmina provocat
 Sublime marmor. cur minitantium
 Irasque Fatorumque rixas,
 Magnificis alimus fodinis?

At dum insolentis lege superbæ
 Patrum venustos corrigimus lares;
 Jam pænè defacrata cælo
 Tempa labant: & anhela crebris
 Delubra rimis. Jam propè pauperes
 (Quamquam vetustæ cura tenet domus)
 Ad astra migravère Divi:

Nam rudibus malè nixa fulcris
 Gemmas profanis ædibus invident.
 Et obsoleto fana silentio

Divosque, Divorumque Nomen,
 Et patrios tumulant Honores.
 Sic & propinquæ regna Bohemæ
 Formidoloso Mars quatit impetu:

Ausosque ditius vel ipsis
 Cælitibus habitare Reges
 Neglecta sternunt Numina. Sic tibi,
 Defuncte tantis Panno periculis,

Antiqua divisère scepra
 Odrysiæ nova jura Lunæ.
 O cui fideli Relligio manu
 Sublime sacris Nomen Honoribus

Aptavit; illustresque nosci
 Emeritis Titulos trophæis,
 Divine Mystes, cum radiantia
 XAVERIANO pegmata nomini
 Educis & SIGSMUNDIANOS,

Ausoniâ regis arte muros:
 Tibi perenni marmore durior
 Non pænitentis Fama caloribus

Affurgit: Arctoumque culmen,
 Et geminos tibi sacrat axes.
 Et ipse quamquam thuricremo sibi
 Stipata fumo sacra per exteras

Fulsère gentes, quæ Goana
 Memnonium rubet ora solem,
 Quamquam trecentis pervigil ignibus
 In Mexicanæ collibus Indiæ

Stet ara, Brasilæque turres
 Perpetuo famulentur auro:

Tibi

At

Tibi Patronâ XAVERIUS manu
 Denata rursùm sæcula prorogat;
 Arasque dignatus Craceam
 Ingressitur novus Hospes urbem,
 Qua liberali prodigus entheo
 Tuo beatæ munere dexteræ
 Invitat ardor, & recoctum
 Dædaleâ secat arte marmor:
 Ac eruditâ calce nirentia
 Suspendit alto Symbola fornice;
 Auroque dispunctum lacunar,
 Arte novos imitante flores.
 Tibi Myrones, & pretium novi
 Debent Apelles; quos propius sacris
 Inducis Aris, annuente
 Cæla jubens placuisse Cælo.
 Humana quidquid dextera condidit,
 Humana sternit. Subruit æmulos
 Natura conatus. In una
 Cum Phrygibus jacuere tumba
 Superba quondam Pergama; nunc cinis,
 Et incolentum rudera murium.
 Quò vasta Carthago? quò avaro
 Ære graves Amathuntis arces?
 Et illa quondam Roma, nimis suæ
 Oblita Romæ! surgit & occidit;
 Sargerque, & occidetque rursus
 Divitiibus tumidum ruinis
 Inflatus orbis. Nulla sibi fatis
 Constabit Ætas. Nulla diu sui
 Secura moles, Multa magnas
 Hora tulit; rapit una Turres.
 Tu certus ævi sæcula grandibus
 Frenas lupatis: Tu fugientia
 Momenta, pernicesque Lunas,
 Et refugos super orbe soles;
 Ac larga pennæ lustra renacibus
 Arctas catenis. Te superùm favor,
 Et aucta SEREBRYSCIANIS
 Cælituum monumenta RIVIS

Peren-

Perer
Sanx
Co

Et ex
Abfc
Se

Ipfic
Grat
Hi

Trip
Tag
H

Inau
Ære
V

E

Perennioris non dubium spei
 Sanxere Civem. Tu minitantiæ
 Compescis annorum farores,
 Ac vetulæ cariem Senectæ,
 Et excitatos divite parietes
 Abscondis auro. Jamque volubilis
 Secura Fortunæ serenas
 Marmora perpolière venas:
 Ipsique sese sternere calcibus
 Gratantur ultrò, jam Patrias Tibi
 Hinc inde suspendere Ceras,
 Quà TRIPLICI madet AMNE saxum:
 Triplexque Ganges Stemmata de Tao,
 Tagusque triplex volvitur: & simul
 Hermique Pactolique ditæ
 Diluvio locupletiore
 Inaurat undas. Sic memori Tuum
 Eternitatis Flumen in æquore
 Volvetur; æternique sacros
 Eridani cumulabit amnes.

PRO
 EODEM PERILLUSTRI
 ET
 ADMODUM RNDO D^{NO}.
 Ad S. Franciscum Xaverium
 VOTUM.

ODE LXXXV.

DIVE cui fulvo tumidus metallo
 Gemmeas inter Brasidium saburras
 Supplicat Ganges: rubeique largus
 Fluminis Indus.

Quem

Quem Molucani didicere tractus
 Auræ Numen sonuisse linguâ?
 Et pedum Japon minor; & sequestri
 Regia Bungî,
 Huc ades quâ te SEREBRYSCIANUM,
 Arte nativas imitante gemmas,
 Marmor invitat; vigileſque ſacro
 igne lucernæ.
 Quâ Timantæ genio Palæſtræ
 Viva ſtellatus rotat aſtra fornix;
 Nec ſpei caſſum laquear ſuperbo
 Invidet auro.
 Quâ Tunetanis animatus herbis
 In tuos geſtit color ire vultus;
 Et ſuum fronti decus, æmulamque in-
 fundere mentem.
 Hinc & hinc fixum geminis laborat
 Poſtibus marmor: minus eruditæ
 Cæla Naturæ; pretioque doctus
 Certat Apelles.
 Nec tamen cedit pretio; nec arti
 Ille, qui prompto tibi ſervit ære:
 Et ſuum vincit propè munus ipſe
 Muneris auctor.
 Vincit impenſas Animus, nec ulla
 Lucra collatos pariant favores.
 Nec latex fontem ſuperat; nec hauſtura
 Flumina Pontum.
 Ergo bellacis columen Navarræ,
 Quâ tui certus SEREBRYSCIANI
 Pectoris candor vocat, expeditos
 Dirige paſſus.
 Ille ſeu multæ miſerum catervæ
 Neſciam ſtringi, timidamque noſci
 Porrigit dextram; queruloſque nummis
 Ditat egentes.
 Sive dotandis opulenta Divis
 Dona diſpenſat: benè contumaci
 Conſulit Fato, redimitque magnæ
 Tempora Famæ.

Quos fatigata peperere Lunæ,
Una collectos rapit hora census.
Voluitur sensim, teretisque gyrat

Copia nummi.

Pauper est, qui plus cupit obseratis
Incubans gazis, sua dona parcus
Qui premit, perdit; perimens sepultæ

Semina laudis.

Ille qui sparso pretiosus auro
Pauperes ditat superos; suasque
Elocans gazas meliore Numen

Fanore stringit.

Ille Fortunæ, dubiæque gaudet
Certior fortis, cui grata justum
Astra vectigal, solidumque pendent

Fata tributum.

Talis erectis, tibi Dive, votis
Se cliens sacrat; Patriumque largo
FLUMEN electo; nec avara clausæ

Scrinia gazæ.

Quæ SIGISMUNDI tholus, hospitalis
Ad latus PETRI, tibi dedicatam
Porticum pandit, facilemque cerni

Erigit arcum.

Si tibi proni studio clientis
Regius multo lapis ardet auro:
Si Craci culmen placet, & propinqui

Petra Veveli;

Sic ei magnæ per acuta Famæ
Limpido TRIPLEX fluat AMNIS auro,
Semper illimis liquidoque semper

Dives obryzo.

Sic procellosi vacuus duelli
Vitreo totos bibat ore cælos,
Donec immensum subeat refusi
Naminis Æquor.

CAR-

CARMEN SECULARE,
DEI MATRI VIRGINI

Ineunte anno à nata in terris Sapiaentia
M. DC. XLIII.

E VOTO METAPHYSICORUM

Ad metas humanæ Sapiaentiæ consistentium,

IN COLLEGIO KARNKOVIANO
SOCIETATIS JESU.

In gratiam Condiscipulorum

DECANTATUM.

NEC me Latinis æmula vatibus
Exemit ætas. Tendite Gratia
Lyraſque chordaſque, & diſertis
Mane novum recreate plectris.
Jam nata rorem Lux ſtudentibus
Propinat agris: ſurgite Præſides
Deæ, *Marianumque vatem*
Caſtalia redimite ſerto.
Non fata Trojæ, non Agamemnonis
Multo redemptam ſanguine lauream
Canemus, aut ſparſas Achillis
Buſta ſuper tumuloſque palmas.
Tibi, diei *Prodroma*, Thracio
Interrogatam pectine barbiton
Tentamus, attractoſque nervos
Ad tacitam moderamur aurem.
Tuo, recentis tænia ſæculi,
Et nexa denſis orbita menſibus,
Expiret in ſinu: renatæ
Hinc iterum remeent Kalendæ.

Tibi

Tibi propinquis sanguinibus novum
 Signamus Annum; cum sibi Vagiens
 Infante sacratum cruore
Nomen emit titulosque VERBUM.
 Tibi dicatum, Dia Parens, AVE
 Quæ narrat horas machina quolibet
 Persolvat ictu; & ter monente
 Quæque dies dabit ære SALVE.
 Utcunque casti nomine Sideris
 Expergefactæ prævia Gratia
 AURORA diceris modesto
 Castius erubuisse vultu.
 Non te Phaneres, non nimio dies
 Extinguit igni. Tu mihi blandius,
 O Virgo, sub meridianis
 Mane refers; Cynosura, flammis.
 Quin & supernæ maxima GRATIAE
 Dicere MATER; cui vigiles sacrum
 Caput coronavere stellæ;
 Cui famulum sociata cælum
 In circularem sidera tæniam
 Stellis Planetas dissociantibus
 Coëgit, & bis sex fluentem
 Sideribus cohibere crinem
 Affectat ultrò: cui adamantina
 Pallent supinæ cornua Cynthiae;
 Et ipsa necquidquam perosa
 Eximiam capitis tiam,
 Tibi decentes neçtere calceos,
 Et virginali non humilem pedi
 Aprare gratatur cothurnum,
 Aquæ tuis melius serenum
 Hausisse plantis. Quid memorem simul
 Tinctas pudici lumine Phosphori
 Fulgere malas; ac honestis
 Tempora subrabuisse flammis?
 Quid ad fluentis firmata pallii,
 Si quando. Mater, tendis in aureum
 Cæli pavementum, trecentas
 Sub pedibus vigilare stellas?

Quas ludibundi dextera parvuli
 Hinc inde flexi straminis in modum
 Prehenſat; & ridente vultu
 Innocuos tibi monſtrat ignes.
 Utcunq; nobis diceris Aurea,
 Quam ſumptuoſis marmora colligant
 Hinc inde gemmis, o trecentis
 Digna *Domus* ſupereminere
 MARIA pinnis! ſeu tibi Cedrinæ
 Auro gravatos tollere fornices
 Certant columnæ; ſeu per amplas
 Gemma frequens tibi ridet ædes.
 O me beatis poſtibus additum
 Adſcribe vatem! me, DOMUS AUREA,
 Stellasque nolentemque cælos,
 Hoſpicio meliore virgo
 Dignare Mater! ſi tamen ardua
 Non pœnitendæ CAſTRA potentia
 Metaris, & rurfum ORDINATA
 Belligeris acies ſub alis
 Dicere? lectum me tibi militem
 Adſciſce, Virgo; me tua potius
 Sub ſigna, ſacratumque Martis
 Auſpicium, rigidasque rurfum
 Adſcribe turmas? non ego proprii
 Parcus cruoris, Neſtorios ſinam
 Impunè graſſari; aut caninos
 Sacrilegi fremitus Arii.
 Certus triumpho, certus in obviam
 Calvinianæ monſtra proterviam
 Armabor, inſtantesque rumpam
 Virgineis acies trophæis.
 Tum poſt peracti claſſica prælii,
 Si fors Cadanis PALMA vocaberis
 Florens corymbis; ipſa noſtrum
 Non humili caput, ipſa vere
 Umbrabis olim; non ego laurea
 Nunquam vetuſtæ brachia Daphnidis;
 Frondeſque Dodonæ, aut dicatum
 Herculeo folium labori

Desiderârim, si mihi vel Rosa,
 Vel innocentis florida LILII
 Hyems triumphales decoro
 Flore velis redimire crines.
 Quin nec molestis horreo tempora
 Sepire spinis. si mihi Liliū
 Exinde surges, delicatis
 Immeritam religare frontem
 Dignata fertis. O radiantium
 Exuberanti lumine vivida
 FENESTRA cælorum, innocenti
 Digna magis radiare vitro.
 O PORTA Cæli! gemmea siderum
 O porta virgo! nobile Regii
 ALTARE cultus, quod trecentis
 Gestit Amor cumulare votis.
 Quocunque tandem nomine fulseris,
 Tuo quotannis lumine terricas
 Solabor horas, seu resurgit,
 Seu vetulo labat ore Titan.
 Si te Phanetem dixeris: illico
 A tam sacratis torreo ignibus.
 Sed dicta rursū diffuenti
 Flus tepidos Cynosura ventos:
 Quis ille vero Fons vitreis vocat
 Ad se labellis? quæ salientium
 Procella lympharum bibaces
 Explicuit sine labe fluctus?
 Heu quanta casti me fitis occupat
 O Virgo, fontis! da cupido sacrum
 Hausisse nectar, sine tu FONDS,
 Sive suâ PUTEUS vocaris
 Illimis undâ: non ego garrula
 Apollinaris flumina Pegasi
 Vovebo, si vivacis undæ
 Virgineos referabis amnes.
 At nunc, tuorum si qua clientium
 Te cura tangit; pulchra volucris
 Protende tantisper Favonis
 Lora, super bijugesque pernix

Adscende ventos: te juvenum frequens
 Suppirat ordo; te vigilantibus
 Aræ lucernis, supplicisque
 Ingeminat pia flamma ceræ.
 Tibi, *Modorum* gloria, Lesbios
 Gratante plectro colligimus modos;
 O Mater, Æternum administro
 Digna Modo genuisse VERBUM.
 Hic, quæ mitrato vertice celsior
 Tibi supinis cornibus annuit
 AGNUS, superstitesque nobis
 Auspicio potiore Colchos,
 Crispumque Phryxo non minor æmulo
 Suspendit aurum: quæ tibi subditæ
 Lassantur aræ: & digniora
 Herculeo monumenta furto.
 Qua grata doctæ nænia Palladis
 KARNKOVIANIS manibus affidet,
 Udæque deplorant Camænxæ
 Præfulei cineres sepulchri:
 Quæ præfidentis Arx *Sapientia*
 Inter minores summa *Scientias*
 Edicta dispensans, Lecheam
 Non dubio ciet ore pubem.
 Quam ponè flexo cernua vertice
Natura adorat; cui capitis minor
 Se spontè submittit *Mahestis*,
 Et *Logica* genius *Minervæ*.
 Huc, increatæ quæ SAPIENTIÆ
 Mater vocaris, virgineos age
 Molire currus; huc vel ipsa
 Te queruli vehat aura voti.

Quies

QU

VI

P

 F Effus
 Hic
 Mitis se

 Altern
 Et se i
 Nil du

 O qui
 Bland
 (Virg

 Junoni
 Quem
 Affusu

QUIES POST LECTIONEM
THEOLOGICAM.

AD PEDES

VIRGINIS MATRIS
PUERUM JESUM
AMPLEXANTIS.

ODE LXXXVII.

Fessus Theologi diffidiis fori,
Hic ad virgineos me jacio pedes;
Mitis somne veni, clausaque languidis
Adduc lumina palpebris.
Alternâ vegetum stat requie caput:
Et se interposito mens fovet otio.
Nil durat nimium. Tensa diu fides
Plectrum deserit & manum.
O qui Liligero virginis in sinu
Blandum pape cubas, tu mihi languida
(Virgam Mercurii temno) oculi vitra
Dulci sparge papavere.
Janonis dubio somniet in sinu,
Quem Fortuna juvat. dum mihi tutior
Affusum dominos virginis ad pedes
Somnum conciliet quies.

A D
R E M I A N U M
F E S T I U M.

De suis scriptis, eorumque publi-
candorum morâ.

O D E L X X X V I I I .

CUR diu tantis, Remiane, curis
Opprimor, quæris: quoties minores
Ingeniû partus minus expetitæ
Commodo luci;
Sepe *Cunctator*, nimiumque tardus
Audio vates: mihi sæpe dicis
Vera *TESTUDO* digitos, & ambas
Possidet ulnas.
At nec à tantis monitus querelis
Occupo tardas magis ipse pennas;
Et citum nasci gravibus calorem
Tardo lituris.
Ante maturis mea charta canis,
Ante deponatano adolescat ævo;
Ante versetur, crucitata donec
Cura senescat.
Non ferunt longam properata lucem.
Temperat nostrum Maro dux calorem.
Perque bisseños vigilata quondam
Thebais annos.

Fædum in Parnasso monstrum,
turpis inter Poëtas invidia.

O D E L X X X I X .

O Nata pulchras inter adorea,
Lætum tuentis prodigialior
Propago famæ! o in decoris.
Progenies malè nata cunis!
O laureorum blatta cacuminum
Profana, facti non populariter
Proles Honesti! dicta quondam &
In medijs habitasse cælis.
Enate multis Livor in ædibus,
Adulte multis, te sibi disparem
Inter Planetares ruinas
Dius Honor genuisse partum
Narratur olim. Te per & inclytas,
Eti impotentes stare pedes, manus
Jovaret heroum tiaras,
Et solidæ monumenta famæ
Impunè reptasse; ac medijs super
Mavortiorum culminibus Ducum
Hæsisse passim; per suasque
Se se iterum recreasse mortes.
Quis ille? verò (pro superùm fidem!)
Quis ille tandem per medias tui,
Apollo, Parnassi nivales
Se genius graviore passim
Incestat aurâ. quæ furia impio
In eruditas serpere laureas
Luctatur ausu? quæ sacratas
Aonidum populata frondes
Se pestis infert? quam macies propè,
Pallorque fædis pingitur in genis,
Horrorque, qui frontis serenos
Inciliis sepelivit ignes?

An & scelestum, sit licet innuba,
 Thalia partum jure stupentibus
 Effudit astrarum? proh vetustæ
 Excidium, interitusque famæ!
 Sic & sacrati culmen Apollinis
 Infame passim corripuit nefas,
 Ipsosque jam passim Poëtas
 Livor edit spoliūque laudis.
 Ille excubanti Dædalus impete,
 Perjura nostris laudibus impulit
 Dolabra; queis parvas videri,
 Pergit adhuc tenuare laudes.
 Vel si supremi gloria nominis
 Nolit dolari, protinus horridam
 Se volvit in nubem, & latentes
 In nebulis terricoque fumo
 Celare laudes pergit, & impias
 Inhalat umbras: hinc meritis frequens
 Se vesper infudit trophæis,
 Hinc vetulæ periëre laudes.
 At, si sacrati restat adhuc amor
 Collis Poëtæ, si vice consonâ
 Æterna magnorum vocamur
 Posteritas sobolesque Divum:
 Si dius omnes altius impulit
 Apollo vates; pellite perfidam
 E valle Permessi, aque castis
 Invidiam prohibere Musis.

A D

FELICEM GEORGIUM.

Christophori Baldovini Ossolinski Palatinidæ Sandomiriensis, Stobnicensis Ropezycensis &c. Capitanei filium.

O D E X C.

Sunt quos patricii stemmata sanguinis,
Et confanguineæ symbola gloriæ
Ignavos faciunt: qui patrium decus
Cunis intumulant suis.

At tu Sarmatici fax nova climatis,
Fax Ossoliniis addita fascibus,
Nunquam propositi nominis immemor
Magnis passibus emica.

Seu te belligeræ circulus orbitæ,
Inter Sarmatici fulmina prælii,
Ac immerfa suis spicula cædibus
Et mistos gladiis globos.

Sên Bellona truci percita classico
In conferta suæ præta Podoliæ
Invitat, rigido fortis acinace
Latas ibis in areas.

Et de Tartaricis vulneribus tuum
Implebis gemino nomen æthelitu:
Nec parvus proprii sanguinis hosticum
Totis viribus hauries,

FELICEMQUE tibi te fore dixeris.
Si fors pro patriæ finibus arduum
Fati amplexus iter magnanimo frequens
Vulnus nomine sarcies.

Hic post emeriti classica prælii,
Ac absterfa levi vulnera spongiâ,
Infundes clypeis
Fessum corpus in aggere.

G 4

Post

Post haustasque gravi de galea nives,
 Evictamque famem, lætior ardua
 Ad suprema novæ culmina gloriæ

Faustis ibis Eteſis.

Quod si paciferæ Palladis atria
 Marti præuleris: protinus huc, ubi
 Sudor Pieriis præfluit arcibus,

Pronos curre per aggeres.

Hic gentilitiæ prodigus ASCIÆ
 Cæſas de viridi culmine laureas
 Doctâ fronte feres, ferraque fortibus

Immisceris adoreis.

Et junctas patriis Fascibus Ascias
 Doctâ lege jugans consiliis Patrem
 Effinges, patriæ lapsaque proprio

Sistes sceptrâ periculo.

Tunc conferta suis rostra curulibus
 Distractumque gravi diffidio forum
 Leni voce tenens Herculis aurea

Stringes pectora compede.

Vel si fædifragi Cynthia Concani
 Armatos Geticis ensibus Ædonas
 In nos impulerit; prælia, & asperæ

Suadebis juga gloriæ.

Tunc & non vacuo nominis omine
 FELIX à Lechicâ gente vocaberis,
 Et patrum decus, non popularia

Doctus vincere nomina.

At nunc cum teneræ vincula Fasciæ
 Plexas non humili stamine dexteras
 Infanti cohibent, cresce volentibus

Felix progenies Diis.

Cresce ô magnanimo dignus Avo Nepos,
 Primis ingenuam stertibus indolem
 Confessusque Patrem; cresce novas tuo

Spes cum nomine nutriens.

In eos qui exoticis ac inusitatis
nominibus delectantur.

O D E X C I.

AT ô Polonæ quisquis amicior
Virtutis hæres, projice barbaros
Ritus, peregrinumque nomen
A Lechicis prohibeto fastis.
Nam cur Latino Scipiada minor
Victoriosæ symbola gloriæ
Innadir, & sublimiores
Romulei titulos Quirini;
Qui militaris parcior indolis
Paterna quondam tela Decembribus
Exussit in focis, & altas
In stimulos humilemque stivam
Coëgit hastas? dum tenui manu
Sulcans paterni jugera prædii
Fodit reluctantem juvenum,
Et patriis secat arva pilis.
Ac pro revicti verticibus Getæ,
Aut Tauricani milite Concani,
Prosternit imbelles aristas;
Hâcque sua tegit arva strage.
Alter furenti percitus impetu
Iræque largus, mitibus asperos
Confundit Augustis Neronas,
Et veterem crepat ore Numam.
An & ferarum (pro Patriæ pudor!)
Indigna nobis nomina fingimus,
Pardisque commissos Leones
Ingenio exprimimusque factis?
At ô Polonæ si quis amor rei,
Ignora nobis nomina patriis
Delete de fastis, Quirites,
Et veteres renovate ritus.

Hic acer ensis, ac gladii; arduis
 MIECISLAORUM nomina dexteris
 Interpretetur, & redemptam
 Belligero parer ense famam.
 Alter, regendæ laudis idoneus,
 Potensque famæ, moribus exprimat
 Nomen VLADISLAI, sciatque
 Certa suæ dare jura laudi.
 Hic non inani nomine sedulus
 PREMISLAORUM se genio ferat
 Illustrem; & inclinata quondam
 Consiliis animisque sistat
 In se ruentis culmina patriæ
 Infractus Atlas. Hic LECHUS audiat,
 Hic LESCO; nobilisque PIASTUS;
 Hic Lechico ZEMOMISLUS olim
 Illustris auro. Si veterum tamen,
 Quos densiori fusa volamine
 Caligo, gentilisque ritus
 Immemori sepelivit urnâ,
 Pudet Parentum: sunt alii tibi,
 Polone, fasti; & vel Latios super
 Inscripta colles, vel Pelasgis
 Nomina nobilitata saxis.
 Quæ vel professâ conspicuus fide,
 Vincens aperto lilia pectore
 Candor fatetur; vel refusus
 Purpureo cruor ambit ostro.
 Sunt sacra quondam, sunt merito Lechi
 Recepta cælo nomina; sunt quibus
 Servata libertas, & auro, &
 Supplicibus vigiles lucernis
 Accendit aras; hinc tibi faustius,
 Olim futuris danda nepotibus,
 Polone, non vanum futuri
 Nomina suppeditabit omen.
 Hinc nata proles, non vacuum sui
 STANISLAORUM nomen; & intima
 Bene apprecantis ominetur
 Vota spei, similesque Patrum

Promittit ausus; queis ubi grandior
 Ætas virilem fuderit aleam,
 Patriſque patriæque cerrâ
 Laude decus, pretium famæ
 Non otioſis aſſerat ictibus,
 Inviſtus hæres. hinc alius tibi
 Aſſurgat ALBERTUS, Polonæ
 Gentis amor, patriæque florem
 Vel FLORIANI nomine præferat;
 Vel indecori fæderis otia
 Rumpenda promittat, vocandus
 Non humili CASIMIRUS æſtro.

SUMPTUOSUS
 MODERNI SÆCULI
 MENSARUM

A C

CONVIVIORUM
 APPARATUS.

ODE XCII.

GULæ magiſtrum perſequar, Muſæ, ſcelus.
 Ultore Vates carmine.
 Ventrinè tantum vivimus? Myſtæ gulæ,
 Voracitatis Præſules:
 Sordent ſub axe patrio natæ dapes;
 Avita ſordent fercula.
 Et nî macello farciatur Indico,
 Fames ſuperba marmurat.
 Cupediarum quidquid aſt Phæſis fovet,
 Aſt dives Oriens educat,

G 6

Totis

Toris ematur censibus: nec annuo
 Crumena parcat censui.
 Multisque patinas æstimatas millibus
 Dives culina præbeat.
 Et tota paucis lancibus patrimonia
 Insanus impendat nepos.
 Centum coquorum dapfiles exercitus
 Uni Dynastæ militant.
 Strepunt culinæ; fumus obfuscat diem.
 Ætæ favillas crederes:
 Trojamque rursus, & suis captum dolis
 Fumare rursus Ilium.
 Immugientum hinc fervet ollarum cohors,
 Illinc ahenorum agmina.
 Hastata verum stridet hinc & hinc phalanx,
 Mille legiones lancium.
 Pippire volucres, garrulosque posthumo
 Stridere gutture anferes,
 Et quidquid igne pinxit Vulcania
 De plebe, censes queri.
 In quæstionem tardus, & perdis gemit,
 Raptumque Phænicopteri
 Quidquid saporis servit. acta in equuleum
 Omnis ferarum copia.
 In jus vocati taurus, & lepus pyræ
 Adjudicantur igneæ.
 Alter Prometheus cervus explodit jecur,
 Exenterantur bubali
 Tortore ferro. dama carnifice rotâ
 Torretur Ixion merus.
 In innocentes sæviunt cultri feras,
 Feræ necantur à feris.
 Apros molossi lancinant; aves, aves
 Gulæ voracis victimas;
 Et ni suorum purpuretur sanguine,
 Hero ferina non sapit.
 Mox pharmacorum prodigâ fluens manu
 Exoticorum copia
 Inundat ollas: advenæ Tmolo croci
 Pretiosa inaurant flumina.

Armantur apri pipere : amaris dulcia,
 Ludunt amara dulcibus.
 Ac evoluti cinnamorum cortices
 Aduſque pulverum nihil,
 Molles arenâ divite inſcribunt notas,
 Limboſque circumſepiunt,
 Hinc Canarino ſaccarum ridet gelu,
 Extrema rident lancium,
 Niveſque circum, circum & hyemes albicant
 Puroſque claudunt margines:
 Poſt fata ruſum vitreum natat pecus
 Mellita ſubter flumina.
 Anſerque pigri Nerei quondam accola ;
 Inter ſapores fluctuat.
 Domator alter collis ad morem tumet,
 Premente pomorum ſtrue.
 Tum tortuoſa ſumptuoſo cochlea
 Inviſcerantur hoſpitate ;
 Et quidquid infami Oſtreorum gurgite
 Lucrina piſcatur Thetys.
 En pavo vitæ medius à morte explicat
 Stellata caudæ lumina.
 Et centum oculis hoſpites ſignat comis,
 Pupilla pennarum aurea.
 At inde ſaturam provocat famem ſuis
 Gallina cincta prolibus.
 Galluſque ſemivir, vel avens Ardea
 Coo petita litore.
 Anſerque Thuſcus, & cothurnix Indicæ
 Raptura palmam Phafidi.
 Conſuſa centum ſerculis (Ollam vocant
 Gulæ ſacriſtæ putridam)
 Sentina planè nauſeæ, & famis ſcateret
 Infame diverſorium.
 At cum ſupinas veſtiit menſas labor
 Discriminatis orbibus,
 Mox reſluentum, & diſſluentum plurima
 Nant bajulorum examina.
 Dapum procella, nimbus & mappas procul
 Faſtidioſus opprimit.

Mensas paropsis subditas latè premit;
 Lances superstant lancibus.
 Turrita crebris mappa consurgit jugis,
 Trabelque patinis territat.
 Suspiriosus ingemit venter, satis
 Anhela clamant viscera:
 Farcitur usque, sed tamen satur fames,
 Ad usque fundum nausæ.
 Tuentur ora, nausæ ventris tumor,
 Pascuntur epulis lamina.
 Oculisque dentes invident; & dentibus
 Oculi voraces exprobrant.
 Sistantur argento interim graves scyphi,
 Et militares amphoræ.
 Senexque Bacchus, seculare dolium
 Crebro resiccans congio
 Quo cum recedens perpluit se Phosphorus,
 Redux stupescit Hesperus.
 Et cras relinquens Indicum Phæbus torum
 Hæsterna ridet pocula.
 Oppugnat alter alterum scyphus scyphum,
 Ac vitra respondent vitris.
 Et cæu micantem cæteræ Phæbum faces
 Longo sequuntur ordine;
 Prætoze vitra cantharo mensas premunt.
 Lateque mappas obsident.
 Ripis stupescit aureis se se merum,
 Tanto superbum margine.
 Compendiosus unicâ ridet Lyeüs
 Se se intueri vineâ.
 Jam tunc Falerni non eget solis Pharo,
 Calena temnit jugera.
 Jam tunc Faliscos deserit libens cados,
 Rubrasque Cypri vineas.
 Coumque temnit, temnit & Tmoli caput
 Flavasque Crææ glareas.
 Glebas pinguis Massici mittit manu,
 Consortiumque Synnadæ
 Vitis superbus; in gelu gemmæ cavo
 Purisque stagnat balneis.

Centum salutes quisque præbabit ; bibit
 Quisquam salutesque toridem.
 An mersa tantum cantharis natat salus
 Siccos perosa margines ?
 Sapit nec unquam ni sit ampla prodigo
 Condita vino gratia ?
 Jam naufragatur animus , & plantæ labant ,
 Diluta languent viscera.
 Stuper cerebrum ; sed caput ducit choros.
 Vinum loquuntur lumina ,
 Vinoque stillant ; tota mens vino madet ,
 Caduca fallit tibia.
 Deliberanti steter ne , num cadat , pedi
 Incurva cervix annuit.
 Reciprocantes & dubii planum pedes
 Super pavimentum natant.
 Errat loquela , lingua titubat , nant manus ;
 Eclipticique stant dies.
 Tum sistræ turpi classicum canunt joco ,
 Fædosque provocant sales :
 Et inverecundis socia verbis comes
 Misceetur impudentia.
 Rauca peritum tibie citant pedem
 Gyrare molles circulos.
 Itur per ulnas , manibus adnæxæ manus ;
 Pulsam ingemit cænaculum.
 Mathesis ipsa , sed carens puncto , rotas
 Sphærasque pangit , crederes.
 At ô Avorum quisquis immunes geris
 Vultus decusque Patrium ;
 Absiste circo : dedecent chori viros ,
 Et fæminales circuli.
 Martis cruentus circus invitat viros.
 Ac dura Bellonæ orbita.
 Hic hic parentem masculus quondam chalybs ,
 Hic entheata pectora ,
 Addicta famæ negligunt ipsam famem ,
 Ac erudita fercula.
 Sed per Gelonos postquam arietatum est choros ,
 Tepente Thracum sanguine :

Sub

Sub hospitali populo, vel esculi
 Favente textilis domo,
 Elusa parinis vilibus cessit fames,
 Et rusticano prandio;
 Haustusque galeâ præfluentis rivuli
 Illimis ac purus latex
 Sitim fugavit: dum cavâ miles manu,
 Simulque potat cornipes
 Fonte ex eodem: Utrique communis scyphus,
 Commune currit poculum.
 Viridesque mensas futilis cespes soli,
 Herbæque mappas exhibent.
 At lætus atrum hâc gerit panem manu,
 Quâ tela miles gesserat;
 Ephippioque membra commendans rudis
 Mordet polentæ segmina.
 Spectante cælo, sole ridente, & volâ
 Propinat alter alteri.
 Mox cum severas pugna sufflari tubas
 Tonante jussit classico;
 Totus choreis aptior manni manum
 Scutisque scuta conferit.
 Alter supino, dum capit fessus cibum,
 Bobus solutis, vomere,
 Libussa Regem dum sibi cælebs virum,
 Equo subarrhat prodromo,
 Regnum colonus rusticas inter dapes,
 Pretiosa risit fercula.
 Illamque, quam nos mitibus pomis gulam
 Mensâ secundâ ludimus,
 Lussit coronâ, sponte dum fasces subit
 Stiva, & lacerna purpuram.
 I, perge, quisquis divitem nutris gulam.
 Nec tale spera ferculum.
 Nam si Neronis æmularis prandium,
 Cœnam æmulabere Claudii.

HOROLOGIIUM
MARIANUM

Septem horis

CONCEPTÆ ABSQUE MACULA

VIRGINI,

Decantatis,

JAM OLIM DISTINCTUM:

NUNC VERO

TOTIDEM PARODIIS
METRO SAPPHICO
DONATIS ILLIGATUM.

ACADEMIÆ MARIANÆ

In Collegio Califfiensi Soc. JESU,

AD IPSAM

TRIENNII

PHILOSOPHICI METAM,

SACRUM, DICATUMQUE.

Anno Domini 1643. Mense Junio,

Die 17.

PARODIA I.

ODE XCIII.

JAM renascenti pudefactus ore
Siderum lætas inhibet choreas;
Jam patri jungi Phaëton curules

Imperat horas.

Jam vagâ fratrem fugiente Lunâ
Antè venturi rubet ora Phæbi
Manè, stillato madefacta potans
Jugera rore.

Jam MARIANÆ duplicata laudi
Æra vocali sonuere pulsu.

Jo! surgamus! properat fugaces

Hora quadrantes.

Surgimus, Virgo; simul hinc, & inde
Labra divinis animata labris
Ad tuas læti solito vocamus

Carmine laudes.

Jamque te MUNDI DOMINAM sonoro

Dicimus cantu: tibi prona servum
Sceptra dat cælum; Tibi subjugatus

Militat æther.

O nihil tacti retinens pudoris
Virginum Virgo! tibi nata solis
Antelucano cupit probari

Stella sereno.

Te, licet natæ genitrix vocaris
Gratiæ, plenam tamen Orbis audit:

Tu DEI clarum jubar; increatae

Gloria lucis!

O relapsuro citò profuturas

Fer manus orbi; celerique pigras
Et moras curru, simul & morantes

Corripe nubes.

Te DEUS quondam semel elocuto
Fertilis VERBO Pater; ante natas

Temporum cunas nec adhuc adulti

Lumina Solis,

Virginem Virgo geniti parentem
 Ordinat VERBI. juga quo patens
 Condidit terræ; mare quo suis in-

fudit arenis;

Quo recens natas cohibente stellas
 Te sibi pulchram melior maritus
 Addidit sponfam; vacuans nocentis

Crimen Adami.

Te præelectam sibi fecit olim
 Inter ingentes habitare stellas;
 Laxa te subter refovens sui ten-

toria cæli.

Hæc ubi junctis tibi ritè palmis
 Diximus, Virgo, pudor innocenter
 Vulnerat cælos, roseisque pingit

Nubila plagis.

Te simul, Virgo juga, Te caduci
 Ebrizæ rotis fonuere valles:

Te recens festis volucrum salutat
 Mane querelis.

onoro

PARODIA II.

ODE XCIV.

Interim primâ juvenis favillâ
 Celsa per primam juga scribit Horam
 Phæbus & totum jubar in minores

Contrahit umbras.

Si tuam nobis, bona Virgo, dextram,
 Et salutare ope faustiori

Porrigis parmas; Tibi noster ultro
 Occidet hostis.

Tum ter acclini redeunte collo,
 Unicum in Trino, gracili Tonantem

Voce placamus; solitos precati
 Laudis honores.

Ac

Vir-

Ac simul grato variante cantu,
 Virgo clamaris SAPIENS; sequestri
 Te canunt colles, tibi replicata

Accinit Echo.

O DEO quondam DOMUS incolenti
 Grator nosci! DOMUS altiore
 Dignior pinnâ! tibi cedit alti

Regia cæli.

Digna septenis Domus in columnis
 Altius tolli; tibi larga casto
 Sternitur lino; tibi mensa vivo

Pane redundat.

Te profanati geniale mundi
 Præterit crimen. tibi Diva dandam
 Sanctitas vitam prærit illibati

Præscia partus.

Te suam, quisquis meliore vitam
 Prorogat censu, geminat Parentem.
 O minus claudi facilis sacrorum

Porta Quiritum!

Læta si mæstus regit ora Titan;
 Protinus, Virgo, nova stella nobis
 Ex Jacob surgis; placidâque findis

Nubila rimâ.

Te leves picti volucres Olympi
 Ritè submissis venerantur alis;
 Te suam pronus Dominam vocari

Gaudet Olympus.

Jure pallentis Zabuli sacratus
 Diceris terror: tibi namque Virgo
 Hinc, & hinc surgunt populosa firmis

Cornua castris.

Quo-mari posthac mea-cunque nabit
 Cymba; securum mihi *Navis* ipsa
 Exhibe portum, pia Christianis

Ripa phaselis.

Ipsè te quondam Pater administro
 Spiritu, Virgo, creat; ipsè quondam
 Te, redundantis maris instar, omnem ef-
 fudit in oram.

PARODIA III.

ODE XCV.

SED nec Ascraeo vacuus duello
Tertiam nobis vehet axis horam;
In Marianas mea fila rursum

Surgite laudes.

O perennanti laqueata Cedro,
Digna legalis radio coronæ!
O semel pacti melior vocari

Federis Arca!

Tu *Thronis* vivo Salomonis auro
Inter ardentem radiare gemmas
Diceris; tutò super excubantes

Stare leones.

Te repercussis immitata flammis
Splendidè fuso micat Iris igne;
Dum colorati varius relucet

Ætheris arcus.

Quin nec aspecti prohibes Tonantis
Te Rubum dici: licet hinc & illinc
Te pene circumstrepit innocentis

Ira favillæ.

O DEO florens superisque virga
Dignior pratis! tibi rorat olim, &
Lenè ficcatur Gedeonis udo

Vellus in agro.

O serâ casti celebrem Pudoris
Numinis Portam! cui stillat omni
Defluus cellâ fatus in perempti

Ore Leonis.

Jure te Sanctus, genialis, olim
Consciam noxæ caver esse Natus;
Cui puer quondam DEUS hospitem

Incolet alvum.

O licet summo supereminere
Diceris cælo; licet in columnæ
Tortilis morem tibi sponte nubes

Bajula sacrum

Aureos inter superum recessus
 Fert thronum, Virgo; tamen usque pronam
 Applicans aurem, facilisque nostris
 Annue votis.

PARODIA IV.

ODE XCVI.

FAllor? an sextam mihi dixit horam
 Æs recensendos vigil in quadrantes:
 Quod frequens circum rota temperato
 Dirigit axe?

Si tibi nostram liceat salutem
 In preces ductis geminare votis;
 O parens, quondam pueri Tonantis
 Arbitra, salve!

Te velut votum tibi servat una
 Trinitas Templum: Tibi prona Divum
 Alitum pubes amat expeditis
 Claudere pennis.

O semel voræ sacra Castitatis
 Cella, quam sanctus Pudor arctiori
 Pessulo eludit; pia tristioris
 Gaudia mundi!

Hic ubi picto petulans vireto
 Aura colludit; tibi surgit almæ
 Hic voluptatis, liquidasque repit
 Hortus in auras.

Hic ubi lætas fugiunt per herbas
 Virgines rivi; patiens gravari
 Hic tibi nutat, viridique fulget
 Palma sereno.

Ast ubi celsam caput inter ipsas
 Promover nubes Libanus, refusa
 Hic tibi Cedrus speciosiores
 Porrigit umbras.

Ō vetustorum benedicta quondam
Terra mystarum! cui virginales
Præterit sulcos gravior paterni

Culpa reatus.

Et licet Summi celebris Monarchæ
Civitas audis, cui celsa ductum
Sepiunt vallum, & decies reversos

Mænia muros.

Tu tamen nobis Orientis alma
Porta pandêris, licet inviaram
Nubium servet vigil obseratos

Ultio postes.

Jure supremâ prece singularis
Audies Virgo? tibi namque sacram,
Et rudem vinci cumulavit omnis

Gratia mentem.

Tu velut castum decorat severas
Lilium spinas; recreas nocentis
Filiis Adæ, foliisque densos

Protegis hamos.

PARODIA V.

ODE XCVII.

JAM supinatas minor inter umbras
Phæbus in nonam sobolescit Horam.
Jam fatigatus tepidâ dies re-

spirat in umbrâ

Nosque dum lætæ fuga mussat auræ,
In crucem ductam tibi, Sancta, dextram
Cogimus, Virgo; modò tu petitum in-

tende juvamen.

En tibi junctis reverenter ulois,
Pectus & celsam cruce frontis arcem
Ritè signamus, similique scripâ

Brachia signo,

Glo-

Gloriam Patri canimus, suoque
 Gloriam nato; licet hic, & ille
 Invicem spirent sibi par sacratio
 Flamme Numen.

O fugatorum facilis nocentum
 Urbs! nos vitæ, propriæque quondam
 Conscios noxæ, patulis clientes

Excipe portis,
 Quin & armato sinuata clivo
 Emines Turris, cui grande David
 Robur, & firmis dedit alta propu-
 gnacula muris.

Quà repercussi radius Phanetæ,
 Dum levis puro Jove ridet æther,
 Et timens vinci jubar in politis,
 Palpitat armis.

Te celer primos Amor inter ortus
 Splendidis castæ radiis favillæ
 Uffit illustrem; teneroque parvam
 Induit igne.

Tunc licet nullo gravis in cothurno
 Et minus firmis solidata plantis,
 Subdolum Diti caput, & superbos
 Conteris artus.

Te, simul vitam Syriis in uno
 Amputans collo, famulis adorat
 Laureis Judith; tibi cedit altos
 Sponte triumphos.

O fovens verum sine labe David,
 Virgo Jessæi bona virga trunci!
 Se tibi sacras Sunamitis ultrò
 Sternit ad aras.

Qui Thetin Nilo, Phariæque mundum
 Prætulit terræ, simul & Josepho
 Prætulit JESUM, simul & Racheli
 Ille MARIAM.

Jure te totam canit esse pulchram,
 Quisquis opratâ tibi spirat aurâ;
 Namque te primo geniale probrum
 Fugit in ortu,

PARODIA VI.
ODE XCVIII.

CUR mihi scriptas stylus alter horas
Sæpè promotis variabit umbris?
Ite, nil obstat, procul, inquieti

Ite quadrantes.
Tu mihi posthac, bona Virgo, certas
Divides horas. tibi veriores
Phæbus horarum Pater hinc & inde

Prænorat umbras.
Quin ut æternum reverentè VERBUM
Carne vestires; decimam reversus
Lineam Phæbus facilesque retrò

Flexit habenas.
Sic & infernis homo de lacunis
Altius surgit; fociisque junctus,
Angelis paulò minus eminenti

Cedit honore.
O ab æterni radiis Phanetæ
Virgo contextâ radiata pallâ!
Te vigil Titan mediam sereno
Palliat auro.
Cum tuum fixo attonitus stupore
Volvo Conceptum; mihi te pudicam
Tollis Auroram, quoties diurnas

Excitat horas.
Hæc tibi, Virgo, magis innocenti
Candidum lino, licet in molestis
Lilium spinis, hiat alba casto

Oscula labro.
Tu sacram nato gravidante plantam,
Arduum presso Stygis in cerebro
Pondus assurgis; grave subjugati
Pondus Averni.

Si quis adversas vagus inter umbras
Errat; albentes radios honesto
Comis argento; niveoque Lunam
Allinis igne.

O perennantis cynosura lucis!
Tu ream noxæ nebularam amictu
Protegis terram, tenuique celas

Crimina nube.

At simul densâ comitatus umbrâ
Siderum vivas superis lucernas
Vesper in rimis, nimiosque labi

Suscitat ignes.

Jamque te nostris canit evocata
Barbitis Echo; tibi, Virgo, fessus
Se dies sternit; tibi ducit altas

Luna choreas.

Meque vocales imitatus inter
Montium clivos tibi lætorem
Vesper applausum dedit; o sequestri

Gloria veri!

Te sibi tutis hilares sub umbris
Garrunt stellæ; tibi mitigatus
Lene suspirat Notus, & quietis

Dormit in alis.

PARODIA VII.

ODE XCIX.

Ultimus nostræ labor est Camænæ;
Ut levem molli comitante cantum
Tibiâ, nuper tibi, Virgo, votas
Compleat horas.

O tuis suetus precibus vocari,
Nos ad æternæ propylæa lucis,
Virgo, convertat DEUS, & severam
Exuat iram.

Tuque festinum dominâ juvamen
Annuens dextrâ; graviore nostri
(O Stygis justus timor!) hostis iram
Sringe catenâ.

Tunc ter inflexi capitis minores;
 Cum paraclero simul æviternam
 Et Patri, & Nato, solito canemus
 Carmine laudem.

Jamque votivum tibi sæpè SALVE,
 Nobilis Virgo, canit hinc reclinis
 Et pedum plebes minor, hinc reductis
 Vesper in antris.

Castâ sis Virgo licet; illibata
 Audies mater, cui se maritus
 Siderum Patris pudor innocenti
 Junxerat igne.

Jure submissis pedibus propinquo
 Cernui collo tibi comitatis
 Addimus sceptrum, melior sacri Re-
 gina Favoris.

Nam tibi sparsos sine lege crines
 Hac refrænari licuit coronâ,
 Quam superfusus vigil è Planetis
 Texuit æther.

Jure formosæ face puritatis
 Virgines picti superas Olympi
 Angelos; nullo maculata quondam
 Crimine Mater.

Jure supremi dominam Monarchæ
 Occupas ausu meliore dextram;
 Arder è puro tibi namque palla
 Sutilis auro.

Per tuas ergo gravis educatæ
 Gratix Mater; sacra seu reorum
 Ara confurgis, bona seu rei fi-
 ducia mundi:

Seu graves moti maris inter iras
 Stella lustraris trepidis patronum
 Naufragis portum, placitosque præbens
 Ætheris ignes.

Sive conclusi referas patentem
 Januam cæli, tremulisque pacem
 Imperans morbis, querulo salutem
 Dividis ægro:

Per tuas, inquam, pia Virgo, curas,
 Hic ubi vivi pater aula cæli,
 Unicum & Trinum videam propinquâ
 Luce Tonantem.
 Hic ubi sudo liquidum sereno
 Balsamum fulget; mihi suavè fragrans
 Nomen effandis; tibi quisque sacro
 Ardet amore.

DEDICATIO.

ODE C.

Supplices, *Virgo pia*, destinatum
 Solvimus pentum; tibi mancipatas
 Annuunt horæ, famuloque servit
 Hesperus ortu.

Fac ut humani via longa tractus
 Prospero nobis faveat cothurno,
 Fac ut æterni, duce te, patefcant
 Semita cæli.

Dumque supremi series Agonis
 Urserit fontes, ope tu Patronâ
 Territis adsta, dubiamque præfens
 Erige luctam.

O Hymetteo melior liquore,
 Quem sub Hyblæis coquit Ætna clivis!
 O favo dulcis mage, cælicoque
 Nectare Virgo!

Jamque nocturnis oculata stellis,
 Cælici somnum fuga suadet orbis.
 Jamque decrefcit tibi nostra prono
 Fine Camæna.


A. M. D. G. B. V. M. H.


quã
n.


rans


I O.


lavis!











Biblioteka Jagiellońska



stdr0004505

